

মেডেল

বিশ্বপ্রিয়া মণিপুরী তিনিমাহীয়া পত্রিকা



শহীদ রাজবাবু সিংহ

অসম চৰকাৰ : আভ্যন্তৰীণ জলপৰিবহন বিভাগ গুৱাহাটী

অসম চৰকাৰৰ অন্তৰ্গত আভ্যন্তৰীণ জল পৰিবহণ বিভাগ ক্ৰমান্বয়ে এক বিশেষ বিভাগ হৈ পৰিছে। এই বিভাগে ব্ৰহ্মপুত্ৰ নদীত কেইবাটাও প্ৰধান পাৰঘাট নিয়ন্ত্ৰণ কৰাৰ উপৰিও ব্ৰহ্মপুত্ৰ আৰু উপ-নদী সমূহত যাত্ৰী আৰু মালবস্তু সহ বাণিজ্যিক পদ্ধতিৰে পাৰাপাৰ কৰিব পৰা প্ৰাৰম্ভিক ব্যৱস্থা ইতিমধ্যে কৰিছে। ইয়াৰ উপৰিও গুৱাহাটী-উত্তৰ গুৱাহাটী, গুৱাহাটী বজাৰৰ আৰু যোগীঘোপা, গোৱালপাৰা, পঞ্চ-বত্ৰ পাৰঘাটৰ নৈশ খেপৰ ব্যৱস্থাও আছে। এই বিভাগে বৰাক নদী আৰু উপনদী সমূহত যাত্ৰী মালবস্তু পাৰাপাৰৰ ব্যৱস্থা প্ৰবৰ্ত্তন কৰিবলৈ কাছাৰ জিলাৰ শিলচৰত এটি সংমণ্ডল স্থাপন কৰিছে।

আলিবাট আৰু বেলৰ পদ্ধতিতকৈ সুন্দৰ ভাৱে ভাড়াৰ সস্তীয়া নিৰিখত আমি ইতিমধ্যে বাণিজ্যিক সেৱা আগবঢ়াইছো।

ব্ৰহ্মপুত্ৰ নদীত পাৰ অঞ্চলত সুদক্ষতা আৰু মিতাবয়ী ভাৱে জাহাজেৰে পাৰা-পাৰ কৰিবলৈ হলে, অনুগ্ৰহ কৰি মুখ্য কাৰ্যালয় বা সংমণ্ডল অথবা উপসংমণ্ডলৰ গুৱাহাটী, ডিব্ৰুগড় যোৰহাট আৰু গোৱালপাৰা বাণিজ্য বিষয়াৰ ওচৰত যোগাযোগ কৰক।

(অসম চৰকাৰৰ আভ্যন্তৰীণ জলপৰিবহন বিভাগৰ সঞ্চালকৰ
দ্বাৰা প্ৰচাৰিত।)

মেণ্ডসেল

(বিষ্ণুপ্ৰিয়া মণিপুৰী তিনি মাহীয়া
পত্ৰিকা)

ঃ সূচীপত্ৰ :ঃ

০ সম্পাদকীয়—	১
০ স্বহীদ ৰাজবাবুৰ ফটো সংগ্ৰহ কিসাদে অছিল—শান্তিকুমাৰ সিংহ	২
০ পুণ্যলোক ৰাজবাবু (প্ৰবন্ধ) —ৰোগেন্দ্ৰলাল সিংহ	৩
০ সম্পাদিকাৰ প্ৰস্তোতৰ	৬
০ আবোল-ভাবোল —দুৰ্গমুখ	৬
০ স্বহীদ আমাৰ (কবিতা) —সুধন্য সিংহ	৭
০ পৰলোক গন্ত ৰাজবাবুৰ পুতি (কবিতা) —বলোৰাম সিংহ	৭
০ অদৃষ্ট (কবিতা) —সুকাশকুমাৰ সিংহ	৯
০ অমৰ প্ৰেম (কবিতা) —শিবেন্দ্ৰ সিংহ	১০
০ পাণ্ডলী (গল্প) —মনীন্দ্ৰকুমাৰ সিংহ	১১
০ ৰাজবাবু সিং-তি আমাৰ নিংপিং (প্ৰবন্ধ) —দিলস লক্ষীন্দ্ৰ সিংহ	১৫
০ খানি আহিক —নানু	১৭
০ ৰাজবাবুৰ শ্ৰাদ্ধ উপলক্ষে (অনুবাদ) —অঞ্জনা সিলহা	১৮
০ ইমা বিষ্ণুপ্ৰিয়াৰ জন্মডিস (প্ৰবন্ধ) —সুখেন্দ্ৰকুমাৰ সিংহ	২২
০ ইমা-মি-মইলু (প্ৰবন্ধ) শান্তিকুমাৰ সিংহ	২৮
০ স্বৰ্গৰ ৰাজনীতি (নাটক) —ইন্দ্ৰকুমাৰ সিংহ	২৯
মলাট : শ্ৰীশিশিৰ সিংহ	

॥ সম্পাদকীয় ॥

ইমাঠাৰৰ ব্যাকৰণ

ইমাঠাৰ বুলিয়া হাবিঅউ বৌ বেলাসি। ইমাঠাৰৰে কোনো-গই অবহেলা নাকৰতাৰা। কিন্তু ঔ ইমাঠাৰ উহান জিঙতা কৰিয়া থনাৰ কোনো প্ৰচেষ্টা দেহিয়াৰতা? কোনো সাহিত্য পত্ৰিকাখন লুকুলে ঔহানাত প্ৰায়ই দেহিয়াৰ যে আমাৰ সমাজে দলাদলি আছে এহান প্ৰমাণ কৰাত ব্যস্ত অয়তাৰা। কোন সমাজে দলাদলি নেয়? হাবি সমাজেউ আছে। ফুটবল ক্ৰিকেট বুলিক দল দুহান থাইতাৰা, ঔহান বুলিয়া কি দলআহান আৰাক দল আহানৰ চিৰশয়? না নাগয়। কিন্তু আমাৰ সমাজে ঔহানৰ ব্যতিক্ৰম। অমুকউগো ঔদলৰ, ঔ সভাৰ, গতিকে উগৰে ব্যক্তিগত ভাবে বয়কট কৰ, কৰিক ইত্যাদি। কিন্তু প্ৰকৃতপক্ষে চেইতে গেলেগা, দলাদলি কৰতাৰাতা কাৰ স্বাৰ্থে, সমাজৰ স্বাৰ্থে নাগই, হয়ত কোনো মানু আগৰ ব্যক্তিগত স্বাৰ্থ, হয়ত ৰাজনৈতিক স্বাৰ্থঅউ থাইতে পাৰে। কিন্তু আমি চানো উচিত আমাৰ সমাজগত স্বাৰ্থ উহান। সমাজৰে মুখে থয়া কোনো মানু আগই তাৰ ৰাজনৈতিক স্বাৰ্থ আদায় কৰাণি উচিত নেই বাৰো উহান সমৰ্থন যোগ্যহান নাগয়। আজি বছৰ ৪০ অয়া হাবগা ইমাঠাৰহান প্ৰচলনৰ আন্দোলন কৰাণিৰ। ভাৰত সৰকাৰ ঠাৰহান স্বীকৃতি দিল, কিন্তু আসাম সৰকাৰ প্ৰচলন কৰতেগা মণিপুৰ সৰকাৰৰ প্ৰতিবাদে প্ৰচলন কৰাণি নুৰাৰিয়া আছে। বিঃম ছাত্ৰ ইউনিয়নে ঐতিহাসিক আন্দোলন সৃষ্টি কৰিয়া যিতাৰাণ্য।

কিন্তু প্ৰশ্নহান অসেতা, আন্দোলনৰকা আন্দোলন কি আমাৰ লক্ষ্য? সমাজৰ ভিতৰে মতামতৰ অনৈক্য খাব থাইতে, কিন্তু ঠাৰ এহান প্ৰচলনৰ আগে আমাৰতা যেহান কৰণীয় উহান কি নেয়ছে? কতগোই ছ বৰ্ণ, কতগোই মাগধী, কতগোই শৌৰসেণী আদি। হিমালয়গো হাতে হাতে সেচে হাবগা, কিন্তু আমাৰ গিৰি গিথানিতে সেচানি নেয়। কত মানুয়ে বৌমেলিয়া সৰ্ব-সন্মতি 'ব্যাকৰণ' আহান প্ৰনয়ন কৰাণিৰ অনুৰোধ কৰিয়াই আসি, আৰ কতগো আহানে আমাৰ জাতৰ ইতিহাস আহান

লেঙকবানিবকা সমাজহিতকামী উত্তৰে অনুৰোধ থয়া যিতাৰাগ। কিন্তু কোনগই কাৰ কথাহনেৰ? কতগো আহানে নিজৰ লকেই গোৱৰ গৌবলো আছি, সাধাৰণ মানুহে এবুজো পেয়া মাতে নুৰাৰতাৰা তানু এতা কোনতা? জানী মানু বিষ্ণুপ্ৰিয়া মণিপুৰী সমাজে এবুজো আছি। ঔ গিবক গাছিৰে জানী বুলতাঙাই যদি তানুৰ জীৱদ্দশাত সাধাৰণ মানুৰকা লিপিবদ্ধ কৰিয়া যিতা-ৰাগ। বিষ্ণুপ্ৰিয়া মণিপুৰীৰ জাতীয় ইতিহাস। তানুৰ পৰবৰ্তী বংশধৰ উত্তৰ পৰিচয়হান ঔ জানীমানু দৌআনাৰ পিছেদে বিলপ্ত নাক। ঔ জানীমানু উত্তৰে সাধাৰণ মানুৰ হেইচাহান বিষ্ণুপ্ৰিয়া মণিপুৰীৰ ইতিহাস, তথা সাহিত্যৰ পথগোত আগ বাঢ়াদেনাৰ সৰ্বসন্মত ব্যাকৰণ আহান লেঙকৰাং ভবিষ্যত সূনাগৰিক নি:বি:ম: স্টুডেণ্টস ইউনিয়নবে উ এ ব্যাপৰে কাৰ্য্যপত্ৰা নেনাৰ হেইচা থাৰ, লগে নিখিল বিষ্ণুপ্ৰিয়া মণিপুৰী মহাসভাৰ সাহিত্য পৰিষদে এ ব্যাপাৰে— যথেষ্ট নেতৃত্ব নিতাইগা আশা থাইল। ++

শ্বহীদ ৰাজবাবুৰ ফটো সংগ্ৰহ কিসাদে ওছিল

আমাৰ মানুৰ অনেক ধাৰণা আসিল যে মানুৰ ফটো তুলিয়া থৈলে মানু উগোৰ আত্মা উগো শান্তি নাপাৰ বাবো মানুউগো মৰানিৰ লগে লগে ফটো কুটী পেয়াউ ছিড়িয়া পানীত বেলাদেছিল। কিন্তু যুগৰ পৰিবৰ্তন বাবো অন্যান্য সমাজৰ লগে তাল মিলেইভেগা দেহিৱাৰ যে ডাঙৰ মহাপুৰুষৰ ফটো পূজা কৰতাবা। আমাৰ সমাজে মহাপুৰুষৰ ভিতৰে শ্ৰীশ্ৰীসাধুঠাকুৰ ভবেন্দ্ৰ বাবাৰ ছবিহান পূজা কৰিয়াৰ। এ সম্পৰ্কে আমাৰ সমাজে এতা কামে আগভাগ লনাত মাছুঘাট নিবাসী (বৰ্তমানে গুৱাহাটী) শ্ৰীযোগেন্দ্ৰ লাল সিংহ গিবকৰ অবদান উহান সমাজে থাকাত জানেৱাৰ।

শ্বহীদ ৰাজবাবুৰ ফটো এহান সংগ্ৰহ কৰানিত ব্ৰাহ্মণ দাদা গিবক শ্ৰীযোগেন্দ্ৰলাল (সাধুদা) বাঙ মেডসেল কৰ্তৃপক্ষ কৃতজ্ঞ। এসাদে দুপ্ৰাপ্য ফটো এহান সাধুদাদাৰ সংগ্ৰহে আসিল বুলিয়াই শ্বহীদ ৰাজবাবুৰে সমাজৰ লগে পৰিচয় কৰে দেনাৰ সুযোগ মেডসেলে পেইলো। এ ফটো এহান সংগ্ৰহ কৰে ছিলতাই আজিও পুৱা ৩৩ বছৰ আগে। ঔ সময়ত আমাৰ জাতীয় চেতনা আহানৰ সুবৰ্ণ যুগ আহান আসিল। ঔ পেইত ৬ৰাজ-বাবু গিবকৰ ফটো এহান স্বৰ্গীয় কালাচান্দ সিংহ (দুধপাঙিল নিবাসী) গিবকে ৰাজবাবু গিবক জীৱিত থাইতে আকিয়া থসিল। স্বৰ্গীয় কালাচান্দ সিংহ শিলচৰ গভৰ্ণমেণ্ট হাইস্কুলৰ ডুইং শিক্ষক আসিল। ঔ গিবকৰ পুতক শ্ৰীনীলকমল সিংহ (তাওঁ কলিকাতাৰ আৰ্ট স্কুলে পাকবেসিল)। গিবকবাঙতো ৬ৰাজবাবুৰ ফটোৰ সন্ধান সাধুদাই পাৰ। ঔ ফটো উহান সংগ্ৰহ কৰাৰ পিছেদে শিলঙে পুলিচ ৰাজ্যৰে উহানাত ডেভেলাপ কৰিয়া ফটো হঙকবানি অসে বাবো ঔপেইত শ্বহীদ ৰাজবাবুৰ জন্মতিথি বা মৃত্যু তিথিত ফটো ব্যবহাৰ অৰ।

এসাদে দুপ্ৰাপ্য ফটো এহান সংগ্ৰহ কৰিয়া থছিল বুলিয়া আজি আমি শ্বহীদ ৰাজবাবু অবয়বগোদেহে পাৰিয়াৰ।

ঔ ফটো উহানত খস্কান বস্তীৰ শিশিৰ সিংহ গিবকে ব্ৰকগোৰ ছবিহান আকেদেনাত শিশিৰ সিংহ গিবকবাঙউ মেডসেল কৰ্তৃপক্ষ কৃতজ্ঞ।

—শান্তি কুমাৰ সিংহ

পুণ্যশ্লোক ৰাজবাবু

যোগেন্দ্ৰলাল সিংহ

আমাৰ ডাঙৰ পুণ্যতিথিহান অইলতাই ৮৭ বছৰ আগে (১৯০৫) ইংৰেজীৰ ২৩ আগ্ৰনে পুণ্যশ্লোক ৰাজবাবু আমাৰ হাদিত আহেছিলতা সমাজ এহানৰ সমৃদ্ধিৰকা, উন্নতিৰকা। আজি আমাৰ সমাজে পুণ্যশ্লোক ৰাজবাবুৰ নাওহান তেৰাগৰ সাদে জীলকেয়া আছে। সমাজৰকা দেশৰকা তাৰ আত্মদান হুদা আমাৰ সমাজে নাগই, আৰ আৰ সমাজেউ দুৰ্লভ। আমাৰ হাদিত' তাৰ নাও এহান হনাৰ আখৰে' ইকৰা থাইতই। তাৰ কথা নিংশিং অইলে হাদিগ ফাটেৰ। আজি তা মৰিয়াও আমাৰ হাদিত আমাৰ অয়া আছে। হাদিহাদিত আমাৰ হাদিত তা তেৰাগৰ সাদে জীলকেয়া যাৰগা মাতেদিয়া যাৰগা-মোৰ নুংশিগা বেইবুনি উঠো জাগো চেই তোমাৰ কৃষ্টিহান তোমাৰ সভ্যতাহান—আগ বাঢ়—।

আমাৰ সমাজ শিল্পকলাত নাছা এলাত হাক্মিৰ গজে হুদা ভাৰতবৰ্ষে' নাগই সাড়া দুনিয়াত ডাঙৰ ফামআহান দখল কৰিয়া আছে। আমাৰ নাছা এতা দেহিয়া আজি সাৰাবিশ্ব মুগ্ধ অয়া আছি, মাততাৰা এসাদে—টেঙাৰাৰ হাদিত হুৰ্কাং দেশ আহান কিসাদে এলা নাছাৰ শিখৰে গেলগাতা? হুদা এলানাছা নাগই সভ্যতা, কৃষ্টি বাৰো শৌৰ্য্যবীৰ্যোউ। খালকৰিয়া নুংপাং অইতাৰা মহাভাৰতৰ বীৰশ্ৰেষ্ঠ অৰ্জুনেউতে এপেই আমাৰ মহাবীৰ বৰবাহন বাও মুৰগ নঙেইয়া গেলগা।

যুধিষ্ঠিৰৰ অনুৰোধ থইলইসতে আমাৰ বদ্ৰংয়ে, ভাৰত সমুট অনা পাৰেছিলনাই। এতাহাৰি ঐশ্বৰ্য্য থাইতেগাহে মণিপুৰ মহাভাৰতৰ যুগেত্ৰ আৰ্য্যসভাতালো অজিঅউ ভাৰতৰ মুণ্ডৰ দোয়াৰ জল জল কৰিয়া আছে।

এহানতে অতীত। এঅতীতৰ ঐশ্বৰ্য্যৰ ভাণ্ডাৰগো দিনে দিনে ক্ষয় অইয়া গেলগা। ইতি—হাসৰ উত্থান পতন কত পটপৰিবৰ্তন। শত্ৰুৰ আক্ৰমণে আমি হাক্মি ঘৰদুয়াৰ বেলেয়া আইলাও। দলেদলে কাছাড়ে সিলেটে ঘৰ বাধানি অকৰলাং। কালে কালে আমাৰ হাদিত জাগৰণ দেহা দিল। অতীতৰ কথা নিংশিং অইলা আমাৰ মানুষে। মণিপুৰৰ পুৰাণা সভ্যতা, কৃষ্টি, ঠাৰহান। চেতনা জাগ্ৰত অইল। আমাৰ হাদিত কৰ্ণধাৰ নিকুন্না সুবৰ্ণ যুগহান হাবিবাৰাদে। শ্ৰীশ্ৰীভূবনেশ্বৰ সাধু ঠাকুৰ, জগদানন্দ বেদান্তব্ৰত, মানিকচান্দ, সড়কবাবা, গোবিন্দ দাস, ছেচন্দ্ৰজিত, অৰ্জুন সিংহ, তনুৰাবু কৃষ্ণকুমাৰ, মহেন্দ্ৰ গীতিস্বামী সমৰজিৎ, হৰিদাস, ৰাজবাবু, ফাৰ্গুণী মাৰ্শ্বিক বাবু, সেনাৰিক লৈখমসেনা, কুঞ্জলাল, বিপিন আৰতাউ কততা বখীমহাৰথীৰ জোয়াৰ উঠিল, চেউ আহিল সমাজৰ এবেদেহ হৌবাৰা। কোনায় কোনায় অয়া গেলগা। আত্মচেতনা আহিল, যুম ভাগিল। আহি মুজুৰিয়া হাক্মি উবাণি অকৰগা, গগজাগৰণ দেহাদিল আমাৰ হাদিত। হাতে হাতে এবে গগজাগৰণৰ প্ৰানকেন্দ্ৰ অয়া উঠিলতাই

তাৰাপুৰে শিলচৰ শহৰে । জাতিৰ গন্যমান্য গিৰিগিথানী হাকিৰ সমাগম প্ৰধানত তাৰাপুৰেই অসিল । এতা হাকিৰ উদ্যমে প্ৰচেষ্টাত প্ৰতি-
 ঠিষ্ঠ অইল আমাৰ জাতীয় প্ৰতিষ্ঠান সুৰমা ভেলী
 মণিপুৰী এসোসিয়েসন ১৯৩২ ইংৰেজীত । প্ৰকাশ
 অইল জাতিৰ মুখপত্ৰ । সমাজৰ ভিত্তি ধৰা অইল ।
 আৰতাৰ হাদিত আমাৰ মানহান বাঢ়িল । হাৰ-
 পেইলা এ ক্ষত্ৰিয় জাতহান বাৰো উঠলা, আকতা
 অইলা এতাৰে হেলা কৰিলতা নাগই ।

এসাদে গনজাগৰণৰ যুগ উহানাত হঠাৎ
 আমাৰ জাতিৰ গজে ডাঙৰ পৰীক্ষা আহান
 আহিল । আসাম ফ্ৰেণ্ডচাইপ কমিটিৰ সেক্ৰেটাৰীৰ
 ১৯৩২ ইংৰেজীৰ ২১ শে মাৰ্চ মাহাৰ জুৰুৰী
 নোটিশ আহানাৎ আমাৰে অশিক্ষিত পাৰ্বত্য
 জাতিৰ প্ৰণীতুত কৰলা । আমাৰ হাদিত প্ৰবল
 প্ৰতিক্ৰিয়া দেহা দিল ।

সুৰমাভেলী মণিপুৰী এসোসিয়েসনৰ সভা
 আহান ডাকলা ১৯৩২ ইংৰেজীৰ ২৫ শে সেপ্টে-
 ম্বৰ ১ বাজিত অম্বিকাপুৰে জগদানন্দ বেদান্ত-
 তীৰ্থ গিৰকৰ ঘৰে । আসাম সংস্কৃত এসোসি-
 য়েসনৰ মেম্বাৰ শ্ৰদ্ধেয় শ্ৰেণীচন্দ্ৰ ৰাজকুমাৰ
 বিদ্যানিধি, শ্ৰীমানিকচান্দ, গিৰিশচন্দ্ৰ বাৰো জগ-
 দানন্দ বেদান্তবৰ্দ্ধ প্ৰমুখজাতীয় নেতা অভ্যুত্থান
 সমিতিৰ সভা আছিল । সভাহানৰ আলোচ্য
 বিষয় আছিলতাই সবকাৰবাং প্ৰমান কৰানি মণি-
 পুৰী জাতি, আৰ্য্যজাতি, পাৰ্বত্য জাতি নাগই ।
 নানান আলোচনাৰ পিছেদে আমাৰ শ্ৰদ্ধেয় পুণ্য-
 শ্ৰেণীক শ্ৰীৰাজবাবুয়ে তাৰ যুগান্তকাৰী ঐতিহাসিক
 তথ্য সম্বলিত প্ৰস্তাবহান আনল । প্ৰমান কৰে-
 দিল হাকিৰ মুণ্ডে আমি আৰ্য্য, আমাৰ কৃষ্টি
 সভ্যতা মহাভাৰতৰ যুগেত্ব জ্বলজ্বল কৰিয়া আছে ।
 আমাৰে পাৰ্বত্য জাতিৰ হাদিত বৰানিহান
 মুৰ্খামিহান । তা মাতদিল, আমাৰ বিষ্ণুপ্ৰিয়া
 মণিপুৰী জাতিৰ ঠাৰহান সংস্কৃতেত্ব উৎপন্ন বাৰো
 মণিপুৰৰ আদি অধিবাসী অইলগাতাউ আমাৰ

জাতএহান । মিঃ ডেলটনৰ কথাত এৰে জাতহান
 পশ্চিমভাৰতৰ বাৰো প্ৰাচীন কবিৰ সুপৰিচিত
 এতা ভাৰতীয় আৰ্য্যশ্ৰণীভুক্ত । এতাৰে পৰাজিত
 কৰিয়া ১৪৩২ খৃষ্টাব্দে মণিপুৰৰ বৰ্ত্তমান মৈত্বেয়
 ৰাজত্ব প্ৰতিষ্ঠিত আছে বাৰো এতাৰ সভ্যতা
 কৃষ্টি অনুকৰণ কৰেছি । সমৰণাতীত কালত্ব
 এৰে আদি মণিপুৰী জাত এহান বিষ্ণুপুত্ৰ
 কৰিয়া আইগাৰা বাৰো বিষ্ণুপুৰে ৰাজধানী
 আছিল বুলিয়া এতাৰে বিষ্ণুপুৰীয়া বা বিষ্ণুপ্ৰিয়া
 বুলিয়াউ মাততাৰা । ৭৭৭ খৃষ্টাব্দেত্ব পণ্ড ৰাজাৰ
 ত্বেয়ক সামন্তফায় মণিপুৰেই মৈৰাং এ গেছিলগা
 ঠতাৰ বহুত আগে মণিপুৰী তথা বিষ্ণুপ্ৰিয়ায়
 হিন্দুধৰ্মাবলম্বী আছিল বাৰো বিষ্ণুপুত্ৰ কৰলা
 বুলিয়া প্ৰমান আছে । আৰতাও বহুত তথ্যল
 তা হাকিৰমুণ্ড আমাৰে আৰ্য্য বংশজ মণিপুৰৰ
 আদিম জাতি প্ৰমান কৰেদিল ।

সবকাৰে এ তথ্যহান স্বীকাৰ কৰানিত বাধ্য
 অইল । আমাৰ জাত এহান সসন্মানে প্ৰতিষ্ঠিত
 অইল শ্ৰীৰাজবাবুৰ কীৰ্ত্তিত । ঠা আজি আমাৰ
 হাদিত নেই কিন্তু তাৰ অক্ষয়কীৰ্ত্তী আছে আমাৰ
 হাদিত । আজি হাকিয়ে স্বীকাৰ কৰতাৰা মণি-
 পুৰী সুসভ্যজাতি বৰ্ত্তে বংশধৰ শোহাৰ্য্যবীৰ্য্য
 হাকিৰাংত জীও ।

এ চিৰস্মৰণীয় পুণ্যশ্ৰেণীক শ্ৰীৰাজবাবু আমাৰ
 হাদিত আহেছিলতায় ১৮২৭ শকাব্দৰ ২৩
 শে অগ্ৰহায়ন ১৯০৫ ইংৰেজী ১৩১২ বাংলা ৮
 ডিসেম্বৰ চিপৰসাংজনৰ শুটিবগাও । লেইৰাপা
 অইলেউ উচ্চাকাঙ্ক্ষা আছিল তাৰতা অসীম ।
 নিয়াম হিনপেইয়া দুম্পগইয়া মানুৰ সাহায্যল
 ডাঙৰ অয়া আহিলতা আমাৰ ৰাজবাবু । শ্ৰীযুত
 চাউবা গিৰকৰ তা খোলা পুতক, নন্দলাল অই-
 লতায় তাৰ জেঠাগো । মালকৰনাং কুসুমী ।
 ধন্যচাউবা, ধন্য কুসুমী । এসাদে পুতক, আগ
 পাছিলা জনমহান স্বাৰ্থক তানুৰতা, লগে লগে
 সমাজউ তাৰে পেয়া ধন্য অসে ।

পাঠশালাত অকৰিয়া বৃত্তি পেয়া ৰাজবাবু ডাঙৰ অয়া আহিহতা। মধ্যবয়স বাৰো মধ্য-ইংৰাজী পৰীক্ষাত বৃত্তি পেয়া ১ম বিভাগে তা মেট্ৰিক পাশ কৰল। এসময়ে তা গাঙে 'মাছুঘাট যুবক সমিতি' মাছুঘাট বালক সমিতি গঠন কৰিয়া শিক্ষা, সমাজ উন্নয়ন ইত্যাদি কামে লাগেছিল। তাৰ প্ৰচেষ্টাত গাঙৰ হাৰি বাৰাদে উন্নতি অইল। লৈবা হানে তা আৰ লেখাপাড়াত আগবাঢ়ানি নুয়াৰল। জীৱিকাৰকা তা কামে হমেইল। উত্তাৰ গজে যৌৱনৰ হাৰি উদ্যম তা সমাজৰ উন্নতিৰ কামে লাগাছিল। এসাদে পৰিশ্ৰম এসাদে কৰ্মোন্মাদনা আমাৰ সমাজে আমি কম দেহিয়াৰ। দেহমন আত্মাগ হাবিতা দিয়া তা জাতিৰ-সমাজৰ সেৱা কৰেছিল। নিয়ামদিন নাথিতেগাই সমাজ তাৰে চিনলা তাৰ কামৰকা। তাৰে স্বীকৃতি দিলা। তা চিৰপ্ৰসিদ্ধ অইল আমাৰ হাদিত তাৰ নিঃস্বাৰ্থ কামৰ তাৰ যুগান্তকাৰী প্ৰস্তাৱৰকা।

চেইতে চেইতে গিৰিগিথানীৰ আন্তৰিক প্ৰচেষ্টাত আমাৰ জাতীয় পত্ৰিকা 'মণিপুৰী' লুকুলীল ১৩৪০ বাংলাৰ (১৯৫৩ ইংৰাজীৰ মিঙালহান ফোঅইল চাৰিয়বাৰাদে। আমাৰ সুপ্তহাদিত তা ফুকাৰিয়া উঠিল নানান ভাৱধাৰাল। ধৰ্ম-কৃষ্টি-সত্যতা হাৰি বিষয়ল প্ৰবন্ধ নিকুলিল। সমবজ্জিতৰ সম্পাদকীয় কৃষ্ণকুমাৰৰ ঐতিহাসিক প্ৰবন্ধ 'মণিপুৰী' 'মহেন্দ্ৰৰ (মহাত্মাৰতৰ মণিপুৰ) হৰিদাসৰ তথ্যপূৰ্ণ প্ৰবন্ধ 'বিষ্ণুপ্ৰিয়া ভাষা' যেহানে আমাৰ ঠাৰহানৰে মণিপুৰৰ প্ৰাচীন ঠাৰহান বুলিয়া প্ৰমান কৰে দিল, ফাল্গুনীৰ লেখনী মানিকৰ প্ৰবন্ধ আৰতাউ কততা। আমাৰ হাদিত আহিল আত্মবিশ্বাস, আহিল আত্মনিৰ্ভৰতা। গাঙে গাঙে সভাসমিতি মুষ্টিভাঙাৰ ইত্যাদি অইল। যুবক হাৰি উঠিয়া নাছিয়া কামে কামে লাগলা এতাহাৰিৰ আগে আগে অছিলতাই আমাৰ ৰাজবাবু। তাৰ কামে মুখ অয়া হাবিয়ে তাৰে পত্ৰিকা সুপৰিচালনাৰকা মানোজাৰ পদে নিযুক্তি কৰলা। পত্ৰিকাৰ উন্নতিৰকা তা ঠাইগ এৰাদিল।

মোট কথা তা বাৰো পত্ৰিকায় আকতা আহিল। তাৰ পৰিচালনাত পত্ৰিকাহান উন্নতিৰ শিখৰে আহিল। মণিপুৰেত পেয়া এহানৰ প্ৰতাৰ পড়ে-ছিল বাৰো স্বয়ং মহাৰাজাৰ কন্মুণ্ডেট পত্ৰিকাহান শোভা পাইল। এহান কম ডাঙৰ কথাহান নাগই। এহানে প্ৰমান অৰ তাৰ কৰ্মকুশলতা কৰ্মক্ষমতা আমাৰ সমাজে মিঙালহান ছিতাবেয়া পড়িল। হাৰউপাহান হমেইল আমাৰ হাদিতও মানুৰ সাদে মানু কৰ্ণধাৰ আছি হাৰপেইলা।

১৩৪০ সালৰ ১৪ ই ফাল্গুন আমাৰ গজে চৰম আঘাত আহিল। আমাৰ আশাআকাংখ্যা ছুনছানু অইল আমাৰ কৰ্ণধাৰগ মাংকৰলাং। হঠাৎ ৰাজবাবু আমাৰ হাদিত গেলগা। তেৰাগ কেলয়া পড়িল। কৰ্তব্যৰত ৰাজবাবু শিলচৰেত ৰাতি ঘৰে আলনিৰ পথে নিখোজ অইল, আকস্মিক মৃত্যু অইল মাত্ৰ ২৯ বছৰে। হাহাকাৰ উঠিল দুখৰ জোয়াৰ উঠিল। বুড়াবুড়িত অকৰিয়া কনাকছউ পেইয়া বৌমেগিয়া কাদলা। তাৰে মাংকৰিয়া সমাজৰ মিঙালহান বুলিয়া।

তাৰ সম্বন্ধে মণিপুৰী পত্ৰিকাৰ সম্পাদকৰ মন্তব্য নিয়াম মৰ্মস্পৰ্শী। 'ৰাজবাবু আজি আমাৰ হাদিত নেই কিন্তু মান তাৰ আদৰ্শ আছে আমাৰ হাদিত তাৰ কীৰ্ত্তি আছে আমাৰ লগে অমৰ অয়া আছে তাৰ তাৰ কীৰ্ত্তিলো।

তা নেয়নিৰ মাত্ৰ মা আহান আগে চিঠি আহান মণিপুৰে দেছিল (মি মোৰ বাকী জীবন এহান সমাজ সেৱায় জাঅনিয়োগ কৰতউ। একামে মোৰ ঠাইগ গেলগাও মি সুপ কুণ্ঠিত নাইতউ বৰং নিজৰে ধন্য নিংকৰতউ।)

হতুমেই 'ৰাজবাবু' তি ধনা অইলে বাৰো সমাজৰে আমাৰে ধন্য কৰলে।

আজি আমাৰ সমাজে তাৰ সাদে মানু লাগেৰ। হাৰউপা কথাহান শিলচৰ মণিপুৰী এসোসিয়েশনে 'ৰাজবাবু' স্মৃতিদিবস পালন কৰতাৰ। সমাজৰ হাৰি ফামে এপুণ্যশ্লোক গিৰকগৰ স্মৃতি দিবস উদযাপন অইতে বুলিয়া নিংকৰৌৰি। □

ঃ সম্পাদিকাৰ প্ৰশ্নোত্তৰ ঃ

প্ৰশ্ন— সম্পাদিকা গিথানক, (মেণ্ডেসল) পাকৰিয়া হ'ব লাগিল। বিশেষ কৰে আমাৰ বিষ্ণুপ্ৰিয়া মণিপুৰী সমাজৰ অন্তিম মূৰ্ত্তত যে যি গিৰি গিথানীৰ অবদান উতা আমাৰ উষ্টিয়া আহি-তাৰা ছোছুমাৰাই হাৰপানি থক। গিথানকৰে থাকাকৈ জানানি অৰ। কিন্তু পত্ৰিকাৰ দামহান খানি নিয়াম অনাত আমাৰ অর্থনৈতিক চাপে পড়েছি সমাজ এহানৰ সামৰ্থ্য চিন্তা কৰিয়া দামহান কমাই না কৰওতা ?

—চন্দ্ৰকিশোৰ সিংহ
বিহাৰ, কাছাড়

উত্তৰ— প্ৰতি ধন্যবাদ জানাউৰি। আমাৰ সমাজে পত্ৰিকাৰ পাঠকৰ সংখ্যা কম হ'বাত পত্ৰিকাৰ সংখ্যাও কম ছাপানি অৰ। উহানেতে পত্ৰিকাৰ দাম খানি নিয়ামঅৰ পাৰ। পাঠকৰ সংখ্যা নিয়াম অইলে ভবিষ্যতে দামহান কম-নিৰ ইচ্ছা থাইল।

প্ৰশ্ন— মেণ্ডেসল পাকৰিয়া জবৰ হ'ব লাগিল। পত্ৰিকাৰ পুষ্টি কামনা কৰোৰি। পত্ৰিকা হ'বাত আৰাকৌ মূল্যবান প্ৰবন্ধ থাইলে হ'ব অছিল।

—হীৰেন্দ্ৰ সিন্ধা
ব্ৰহ্মপুৰ

উত্তৰ— হ'ব প্ৰবন্ধ পেইলে আহেৰ সংখ্যাত

ছাপানিৰ চেণ্টা কৰতাও ই। আমাৰ বিষ্ণুপ্ৰিয়া মণিপুৰী সমাজে জ্ঞানী মানু থাইলেই ইকৰানি হিম্পাইতাৰ। তানুৰ পিছেদে হয়ত আৰাকৌ অবস্থা শান্তি অইতৈ।

প্ৰশ্ন— মেণ্ডেসল তামকৰিয়া মনে অইল আমাৰ বিষ্ণুপ্ৰিয়া মণিপুৰীৰ সাহিত্য পত্ৰিকাৰ হ'ব দিন আহেৰ। পিছেকাৰ সংখ্যাত আৰাকৌ হ'ব প্ৰবন্ধ প্ৰকাশ অইতৈ আশা কৰিয়াৰ ?

—মানস সিনহা
শিলচৰ

উত্তৰ— হাবিৰ সহযোগীতা শুভ্ৰ, থাইলে হ'ব প্ৰবন্ধ প্ৰকাশ কৰানিৰ আশা থাইল।

প্ৰশ্ন— মেণ্ডেসল পাকৰিয়া হাবৌ লাগিল। আমাৰ সাহিত্য পত্ৰিকাৰ সংখ্যা আহান বাঢ়িল। আমাৰ সাহিত্য পত্ৰিকা বিশেষ কৰে বানান পদ্ধতিত ক্ৰিয়াস্তে 'স' বা 'ছ'লো কোনো সমস্যা থাইতৈ তানা কিতা ?

—দিলীপ সিনহা
পাথাৰকান্দি

উত্তৰ— আমাৰ বিষ্ণুপ্ৰিয়া মণিপুৰী সাহিত্যত ক্ৰিয়াস্তে 'স' বা 'ছ' কোনো সমস্যাই নাগে। সাহিত্য সৃষ্টিত এ দ্বিগ্ৰহান কোনো মতেই বধাৰ সৃষ্টি অনা নুৰাৰেৰ।

॥ আবোল-তাবোল ॥

—দুৰ্গু থ

আমাৰ মানুহে 'বানিজ্যে বসতি লক্ষ্মী' এহান মেগোই হাৰপাছি ঠেগোইহে মাতে পাৰেৰ। বেপাৰ কৰে কৰে বেয়াপা বেইবুনিৰে উচ্চশিক্ষিত কৰেৰুৰা মানু আমাৰ সমাজে বহু আছি। কিন্তু তানুৰ পৰবৰ্তী বংশধৰ উতাই আগেকাৰ কথা থক কৰে পছৰে পাৰতাৰ। লপুৰ পাওৰ সকেই চউল বেপাৰ কৰতেগা লেম্পাল দ্বিগ্ৰহান গজেদে কাছে। তাৰ পুতক বীৰ সংস্কৃতলো এম এ পাশ কৰিয়া এবাকা কোনো আগোই হ'ব কাম আহান কৰতে গেলেগা ঠিসলাই কৰিয়া মাতেৰ— ঠেৰে চেই বেপাৰে লাগিল বীৰ গিৰক তানুৰ আগেকাৰ কথা পাহৰলো। ০

মেণ্ডেসল ॥ ৬

আজৰ সমাজৰ আজৰ কথা। আজৰ কমিটি গঠন অইল। ঠে কমিটি উহানৰ কাম অইলতাই আজৰ আজৰ কথা নিকালানি। সভাপতি, সাধাৰণ সম্পাদক কতগোলো কমিটিহান অইল। সাধাৰণত কমিটিহানাত সাধাৰণ সম্পাদক আকগো অৰ। যেহেতু আজৰ কমিটি সাধাৰণ সম্পাদক চাৰি-পাঁচগো অৰা থক।

কতদিন পিছেদে ঠে আজৰ কমিটি উহানে আৰাকৌ আজৰ নজিৰ আহান থৈলা। আজৰ কমিটি (আজৰ শাখা) বুলিয়া ঠেহানাত সভাপতি বাৰো সাধাৰণ সম্পাদক আকেইগো নুৰা কৰে নিৰ্বাচিত কৰনা। তানুৰ কাম আজৰ ঘটনা সংগ্ৰহ কৰানি এহানাৰ নাও আজৰ সমাজ। ০

কবিতা

পৰলোকগত ম্যানেজাৰ ৰাজবাবুৰ

প্ৰতি

শ্ৰীবলৰাম সিংহ

মাধবপুৰ, ভানুগাছ

শ্বহীদ আমাৰ

সুধনা সিংহ

ৰাজবাবু ! ৰাজবাবু ! আমাৰ শ্বহীদ,
হিকা দিয়া গেলগা তি কাম-কাজে জিদ্—
সাহসৰ আসিলে তি মূৰত-প্ৰতীক,
সমাজৰ হিত কামে জ্বিৰ তি মে'ৰিক।
গেলগা কৰিয়া তিতে ইতিহাস সৃষ্টি;
জিৎতা কৰে' আৰ্য-হিন্দু মনিপুৰী কৃষ্টি;
আটকেয়া শয়তানি চা'ল, কাল-দৃষ্টি।

তোৰ নিংশিঙেই আজি অয়াৰ খোঁতাল,
হাবি ৰাধা, জাল, কাল, ছেদিয়া জঞ্জাল।
নেইলৈউ আজি তিতে আমাৰ কাদাং,
খসি তোৰে হাবিহানে স্মৃতি-পিঞ্জৰাং।
লদিস তি আমাৰ এ নিংশিঙ-আৰতি,
আশীৰ্বাদ ঘেৰাকাউ খদিস, মহতি।

ঠেকা নেই, হিন নেই, আৰতা আমাৰ,
ইলয়া পথেই তোৰ, মুক্তিৰ্কা ইমাৰ,
গাঙে গাঙে উজ্জ্বলা শৌ, হাজাৰ হাজাৰ—
ৰাজবাবু ! ৰাজবাবু ! শ্বহীদ আমাৰ,
জন-মনে হঙো' আসে— শ্বহীদ মিনাৰ।

০-০

কেবা তব পিতামাতা কোথায় বসতি তাহা
আমি নাই জানি।

সমাজ মাতাৰ তৰে সাধিয়ে কঠোৰ ব্ৰত
দানিলে পৰাগি ॥

কি কুক্ষণে তব ভালে “ম্যানেজাৰ” নাম হায়
লিখেছিল বিত্ত।

‘প্ৰতিফল’ আশু মৃত্যু’একি ছিল তোমাৰ কপালে,
ওহে ৰাজবাবু ॥

দিবসেৰ অবসানে কৰ্মক্ষেত্ৰ হতে তুমি
ফিৰিলে যখন।

অন্ধকাৰে কিবাছিল নিমজ্জিত তটিনী তলে
হইলৈ নিধন ॥

যেইদিন তব কায় বৰবন্ধ হতে, হায়,
তুলিয়া সকলে,

অৰ্পণ কৰিল পুনঃ বিবস বদনে তায়
সমাজেৰ কোলে,

বাজিল সবাৰ পানে নিদাক্ষণ কালফণী
দংশন সমান।

হেৰি এ অপূৰ্ব লীলা হাৰায়ে সংবিৎসবে
হল হতজান ॥

বজ্ৰাহত প্ৰাণীপ্ৰায় নীৰব নিস্পন্দ বহি
ক্ষণেকৰ তৰে।

বহিল প্ৰেমৰ বন্যা সে ঘোৰ দুদ্দিন দিনে
সবাৰ অন্তৰে ॥

*লাবিল নয়ন দুটি শোকাশ্রু উচ্ছ্বাসে, হাস,
 সমাজ মাতাৰ।
 মনিহাৰা ফণিণী যে কতই কাঁদিল তাহা,
 কি বলিব আৰ।
 জেলিহান সিংহ প্ৰানে তোমাৰ মৰণ কথা
 জাগিল যে দিনে।
 প্ৰধুমিত সেইদিন ভীষণ কালাগ্নি পুনঃ
 সমাজ ইন্ধনে।
 দাৰিদ্ৰেৰ ৰাদ্ৰ আলিঙ্গনে নিষ্পেষিত বলি
 জানিত তোমাৰে।
 মানসেৰ গুপ্ত কোষাগাৰে সঞ্চিত নিধি যে তব
 কে জানিত তাৰে।
 না শান্তি অৰাতিদলে জীবন আহবে আজি—
 পাইলে যে ধন।
 হলোনা হলোনা তাহে নশ্বৰ সংসাৰ হতে
 তোমাৰ মৰণ।

ৰাখিয়ে দিয়েছি মোৰা সুকৃতিৰ অমূল্য কিৰীট
 তোমাৰ শিয়ৰে।
 তুলিয়ে দিয়েছি মোৰা আহবেৰ বিজয় কেতন
 ভেদিয়া অন্তৰে।
 অশ্রু মন্দাকিনী নীৰে সূক্ষ্মত কৰেছি তব
 ৰাতুল চৰণ।
 মানস সবস হতে ভক্তি শতদল মোৰা
 কৰেছি অপৰ্ণ।
 দানিছে সমাজ আজি 'কৃতজ্ঞতা' শ্ৰেষ্ঠ প্ৰতিদান
 নীৰব ভাষায়।
 ত্ৰিদিব হইতে লহ দুবাহু প্ৰসাৰি তব
 ওহে মৃত্যুঞ্জয়।

[শ্ৰীযোগেন্দ্ৰলাল সিংহৰ সৌজন্যত 'মণিপুৰী' পত্ৰিকাত]

SEEING IS BELIEVING

Latent Talent Behind the Bars
finds

Exuberant Expression
in

Exquisite and Elegant
Handicraft Products
of

Assam Jail Industries

(Issued by Janasanyog on behalf of Inspector General
of Prisons, Assam.)

কবিতা

—অদৃষ্ট—

সুকান্ত বাজকুমাৰ

হনাৰ সানে দেশ গ্ৰহান, ভাহাকহা'ও
বৰঙ বৰঙ জিগো লাগিল।

লাগিয়া-ডহিল দেশহানৰ
ছালিৰ তলে গাতৈয়া থৈলা
ৰাতিফুৰানিৰ লমৈলগা ধল্লী জোনাকহান।

আধাৰহানাৎ জাবুৰিয়া আসি বয়া
মানুহান মাছি, ইংগো অয়া।
বেলিহানৰ মিঙালহান নাহেসে পেয়া
হয়তো তানু বয়া থাইতাই

এসাদেই—

বিবেক, ধৰ্ম, মানবতা হাবি, তানু
দেসি জলাঞ্জলি
কু-ৰাজনীতিৰ নৰ্দমাৎ।

আদিম সভ্যতাৰ কিসাদে আক্ৰোশে দেশ গ্ৰহান
বৰঙ-বৰঙ লাগিয়া লমো যাবগাতা;
উহান তানুতে হাব নাপেইলা।

আধাৰহানাৎ আসি বয়া
মানুহান মাছি।
ডৰহানে থুক থুকানিয়ে
হাবিহান পাণ্ডু চেলসি। O



অমৰ প্ৰেম

শিবেন্দ্ৰ সিংহ

প্ৰেম !

টেঙাৰাৰ তুৰাৰে তুৰাৰে
ঝৰণাৰ পানীত
কহাৰ পাৰে বাৰো
ডিগল অসে কালো বেকা পথে--
প্ৰেমৰ মৰণতে কুমপেইৎ ?
মুস্তিক খে দেৰ হো... টেঙাৰাৰ লাকুখাৎ ।

প্ৰেম !

গজ-তল, লেইবা-বৰা বাৰো
সমতল পাহাড়ী হাবি ফামে ।

প্ৰেম !

পাহাড়ীৰ ইজু দীঘল মেইথঙে
উচ বাৰো বুখা গালে,
নান বাৰো ঠিকানানেই জীমা আহিত
ফাল্টি অটে বাৰো পাচতগ পাৰা চুলে ।

প্ৰেম !

উৰে খুৱা পৰেসে টেঙাৰাৰ গজে
জুম ক্ষেতিত বাৰো
একেবাবে বঙখা বঙখা কৰে দেহিয়াৰ
দ্বিচালি ঘৰে টেঙাৰাৰ চুড়াৎ,
পেটে, বুকু বাৰো ডাঙৰ ডাঙৰ লুমপাকে ।

প্ৰেম !

ঝিৰ-ঝিৰ ছুটেসে হিলৰ গজৰ
নীলাৰা পানিতবাৰো
ডং গিৰি বুলিয়া গজেদে কায়া জিতাবায়া
পাহাড়ী শৌৰ দাপাৎ বাৰো
বেলা ছড়া ফুতি উৰিয়া
খঙতাদে খেলতাৰা শৌৰাৎ ।
প্ৰেম হাবিপেইত্ বাৰো হাবিকালে
প্ৰেম আমৰ, অমৰ প্ৰেম । ●

গাণ্ডী মনীন্দকুমাৰ সিংহ

মৌসুৰীৰ কামলসীকে উবাকাও সেক্সাহান
মামে-মাহে নুবাৰেছে। টুৰিঙ বয়া বোপণ্ডয়েত
টুৰিঙটৰ আনাথানা উতাপেয়াউ নাকমেছে। ডাঙৰ
হিল আগৰ গজে বয়া বাঙা কাশা টুৰিবক্স এ
বহেছি দেশী বিদেশী টুৰিঙট চেয়া চেয়া মন-
হান তানুৰ তুলো মোৰতাও আনা-থানা কৰেব।
দখিনৰ বৌ আহানে বিষ্ণুপ্ৰিয়া মণিপুৰী সুৰৰ কঙাল
কৰুণ নাৰৰ গলা আহানৰ হকগ-ডিকা হেক-
থাগ কানহানাদে হমেইয়া মোৰ অন্তৰগত ছেৎ—
ক বিধিল আ। বিজুলি পৰশে মোৰ গাৰীগৰ
শিৰায় শিৰায় শিহৰণ আহান বাকাবেয়া দিয়া
গেলগা। হেমন্তৰ হিমালয়ৰ হিম শীতল বাড়ে
কলঠা গাৰী এগ তৎক্ষণাত লিংখাত অইল। মি
হনুৰী—

“তোৰ বানাপনি হুজানীৰ সালে দেশান্তৰী
অয়া থাইলু মি” হিলগত বয়া যতহান দৃষ্টি এহান
হাবগা ছালকবিয়া এড়াদিয়া বুলেয়া বুলেয়া
চেইলু। কিন্তু এয়াৰ গিথানী বিষ্ণুপ্ৰিয়া মণিপুৰী-
গোৰ দেহা কোন আকপেইত নাপেইল। মানু বহা
টুৰিঙৰ ভিতৰে কামলসীকৰ চাৰিও বাৰাদে
কোনগউ কোমপেইতও নেই। বিষাদ ছড়েয়া
পড়িল মোৰ মনহান পাহিয়া। সৰুইৰ দোলাও
মোৰ মনহান বাৰে বাৰে ছেলে-দুলে থাইল।
মোৰ বিভুলা মনৰ তুলহান। মোৰ আকখুলা
মনৰ ভ্ৰমহান। তবু লাককৰে নাৰলু। আবন্তিম
নীলুয়া হাগহানৰ পৰ্বত-ঘেৰা দিকচক্ৰবালেত
দৃষ্টিহান ধৰিয়া ফিৰেয়া আনিয়া কাদাৰ স্কেটিং

পালাৰৰ কনাক কনাক ছৌ ছুমাৰাৰ স্কেটিং
হিকানী চেয়া থাইলু। কত পৰ। সুৰৰ
কৰুণ মুৰ্ছনা মোৰ অন্তৰৰ অন্তঃস্বলগত সাত-
সমুদ্ৰকৰ চেউহাবি আছাড়েয়া, আছাড়েয়া মোৰ
অন্তৰগ হুদা ক্ষত-বিক্ষত কৰিয়া হাবগা।

বিবশ পঞ্চেদ্ৰিয় হিন-পেয়া আকতা কৰে
পুলকৰে আটেয়া ফৰক্ক ফালদিয়া উঠিয়াই
ডাউন স্ট্ৰীটৰ ফুটপাথগ ধৰিয়া থৰি থৰি দাৰদে
গেলগা। আকহাটে মেইলবোডৰ বেলিঙ-ঘেৰা
হেংগিঙ বালুকনিৰ পোতগত ওয়া বয়া আছে
পাণ্ডলী আগৰ কাদাহানাং গিয়া উবা অইলুগা।
য়াঙথেই লালছে বয়স। সুশ্ৰী, সুঠাম, বাধিকা
বৰণ, আহিত পাকৰ গিথানকণ। মূৰৰ মেইখুম
পিঠিয়েদে গাবগত পিছালেয়া পড়েছে। হুতাৰ
পাজি-পাৰা বেশম কোমল আক-মুৰ চুল মিলি
লিৰি বোয়ে ফৰদেৰ। হেইবাপ আকাশী কাশিমৰী
শাড়ীহানৰ গজে বাঙা পশমী আচাৰাহান দেহাগ
বেড়েয়া আছে। আহিগীত হোনাৰ ফেমৰ গাত
চশমা আহান। মনে অইল, গজৰ্বকন্যা আগ
স্বৰগৰ পথ পাহৰীয়া মৰ্ত্তত লামিয়া পথ পাহ-
ৰিয়া পথৰ দিশা লাককৰানিৰকা ইনটিক-টিকিয়া
হিমালয়ে ধ্যানে বহেছে। বাৰহানে খানি খানি
নিৰুবিৰী। অণ্ডতাহান কোন ভদ্ৰবৰৰ নিৰুসনী
আগ। পশ্চিমে বেলীহান পৰ্বতৰ পিঠিত লামিয়া
গেছেগা। নিয়াম সময় নাছে। গাড় নীলুয়া
পৰ্বতৰাজিৰ গজে হাকহান এবাকাও বন্তিম অয়া
আছে। বাতিকাৰ আধাৰহান তাৰ কালচাদৰ-

হান তাপ্প তাপ্প মেলিয়া বাঙা-মাঠাহান হাপদে হাপদে আহেব। কালাতাচালাহানাৎ হবে জুল-জুল কৰেব হীৰাৰ টুমা আকেইগীল ওল ওল আহেব। পশ্চিমৰ বাঙা আবিৰ— ছাংপা দিক-চক্ৰবালে তেইৰ আহিগীল মাতনেই দৃষ্টি হান বিধিয়া আছ। ববনেই নিৰব, থবনেই নিঃশব্দ নিশ্চুপ, ইনচিক্ চিক, ভাবনেই পাষান মুক্তিগ। উবা অয়া আকমনে তেইৰ উগদে চেয়া থাইলু। তেইৰ কোন ব্ৰুফ্ৰেপ নেই। যেমন প্যাবিসব শুনাস মুক্তিগ। মিনিট আহান খালকৰলু। আওকৰতু? মাতেইতু? মনহানে বাগাৰ বিষ্ণুপ্ৰিয়া মণিপূৰী ঠাৰৰ এ কৰুণ সুৰ এগ তেইৰ কঙালা ঠাইগ মূজুৰে মূজুৰে অতি হীনপেয়া নিকুলেছে হান। শান্ত স্নিগ্ধ হেমন্তৰ লামে আহা এ নিঝুম সেক্ষাৎ মৌন-গন্তীৰ হিমালয়ৰ মৌসুৰীৰ এ প্রশান্ত পৰিবেশ এহানাত মিয়ে-তেয়ে ছাড়া অন্য কোন জন-প্ৰাণী আগ এবাকা নেই। এলা নাগয় এ কাঁদানিহান, তেইছাড়া আৰ কোংগয়ওবা দিতয়?

মনৰ দ্বিধা ভাবহান দ্বিধা আতলো দুবেই কৰিয়া বেলেয়া যতহান পাবিল নাৰগত স্নেহ মায়া বুজিয়া আওকৰলু—

‘শ্যাম্ চল গায়ে, তুম ঘৰ নেহী লুটোগী।’ কিন্তু উত্তৰ নেই। বাজনা নেই। স্পন্দন নেই। স্থবিৰ দেহ আগ। মনে অইল কতআগে প্ৰাণ পাহিয়াগো দেহাগো এবাদিয়া গেছেগা। হিলৰ মুক্তি আগ লেপয়া বয়া আছে। কোন বিখাত শিল্পী আগয় তাৰ হাকি বিদ্যা না-থয়া ভালিয়া দিয়া হওকৰিয়া বওহাৰি টুমকৰে লেপিয়া অপৰূপা কৰে হাজেয়া বহেয়া থয়া গেছেগা। আৰাকখানি কাদাৎ চেপয়া কানহানাৎ পড়িয়া মাতলু— শুনতী হো, বাত হোগায়ী। ঘৰ পৰ যানা নেহী ক্যা— শব্দগিয়ে কানাহা-নিদে হমেয়া গাৰীগত প্ৰাণ সঞ্চাৰ কৰল। শাপ্প যন্ত-চালিত গাৰগ বুলনদিয়া ভাবলেশহীন

মৰাৰ আহিগীল মোৰে কতহান চেয়া বিছাড়েয়া থাইলী। কোন কথা নেই। কোন ভাষানেই আহিগীত। অসীম, অনন্ত, অতীত দৃষ্টি। তেইৰ নাৰগত অতিক্ৰীণ, স্নিগ্ধ, শান্ত সমাহিত সুৰ আগ নিকুলিয়া আহিল।

ও ঘৰ। হাঁ, চলতা হঁ।

কোন তাপ নেই। মনে অইল, কতদিনকাৰ জমা, শ্ৰান্তি গলিয়া গলিয়া ফোঁটা ফোঁটা কৰে নিজিয়া নিজিয়া পড়িল। আৰাকখানি কাদা ফোঁতয়া পাংকৰানিৰ আতআহান আঙয়েয়া মাতলু-কাহা বহতী হো। কিতনী দুৰ—। ক্যাসে যাওগী। মায়া সাথ দো—। মোৰ বাবাদে মাতনেই আহিগীল চেইয়া চেইয়া মাতলো,— অৰ তো দুৰী কা। ঘৰ বহতী নজদীক হোয়া স্যায়। চলতীই হেঁ। থোৰা হিত বও বহে গায়ে। ব্যস উসে মিটনে দিজীয়ে—। মাতিয়া তাপ্প তাপ্প কো বাৰো গাৰগো বুলেয়া সেক্ষাৎকাৰ আবিড়-ছাংপা প্ৰশান্ত দিবক্ৰবালে আহিগী ফিয়েয়া মেলিয়া এড়দিয়া থাইলী। কোন ঠুনিংশা আহান না-পড়িল। আক্ষেপৰ সুৰ আহানাও না বঙিল।

মি উত্তিয়া উবা অইলু। কতপৰ ঝুম মাৰিয়া তেইৰ তুলো দৃষ্টি বাধিয়া দিকচক্ৰবালৰ বাবাদে চেয়া থাইলু। কিসাদে আওকৰতু বিষ্ণুপ্ৰিয়া মণিপূৰী ঠাৰৰ এলা এহান তেই দেছিলীতা না কিতা? কিন্তু তেইৰ চোস্ত হিন্দীয়ে মোৰে সন্দই আহান বৰাদিল। সন্দইহানে মনহান স্থিৰ কৰে নাবোৰী। আওকৰানিহান মেৰাক ছেৰাক অয়া কতহান নিজৰ তুলো যুদ্ধ আহান কৰলু। নিজৰ কান-হানিৰে নিজে মি কিসাদে অবিশ্বাস কৰতু? জোৰ কৰিয়া দ্বিমন দ্বিছা বেলেয়া আওকৰাত বুলিয়া নঙিয়া তেইৰ কানহানাৰ কাদাৎ সুপক্ নওয়া, মাতলু— ঠাঙ কাফী হ্যায়। হাওয়াভি জোড় বহনে লগী। এ অভাবকোট তুম পহন লো।

যেহান মাতানি মনেইল উহান মাতে নাবল।
মি মোৰ গাৰীগত ওভাৰ কোটহান খুলিয়া লইয়া
দ্বিআতলো তেইৰ ৰাঙা-শালে বেড়া পিঠিহানাৎ
পিদা দেনৰকা কৰল।

তেই বাতৰ বাৰাৰ তুমাৰ-শুভ্ৰ আতাহান তাপপ
তুলিয়া ইসাবালো মোৰে খাম কৰল। অতি
মুদুসুৰ আহানলো হুনানী না হুনানী পাৰা কৰে
মাতল।

ঠাণ্ডী কণা, গৰমীন্ডী কণা। আব তো
কুহ লগতী নহী। বাৰো কতহান নিজজা
মাৰিয়া থাইয়া মাতলো—

বহুৎ দেব হো চুলী। আব তো মায় চল।

তেইৰ কথাহানি এমাটিক চিক, কৰণ
বাৰো কাদিল কাদিল ঠেকিল মনে অইল, শ, শ ফুট
ল পানীৰ তলেত বুববুৰিৰ ডেকি আকণ দুগণ
কৰে পানী ফাৰিয়া ফাৰিয়া ভাহিয়া আহিয়া
পানীৰ গজে কায়া কায়া আহেৰ। মোৰ বাক-
শক্তি কোন বগটিং পেপাৰ আহানে চুয়া নিয়া
নিঃশব্দ কৰল পাৰা। হুদা জাওদ্বিয়হানীৰে কোন
বকমে আছুলিয়া এককৰিয়া উবা অনা পাৰল।
থতাও মোৰ হুদা শব্দ আহান নিকুলিল।

হঁ।

তেই তাপপ তাপপ পাংকাজ নেইপা দেহগোৰে
আচুলে আচুলে টানিয়া টানিয়া তুলিয়া হিনপা হিনপা
উঠিয়া উবা কৰল। ফেচু নাচু বিশস্ত-বাসন
শব্দনাকৰিয়া বাকাবেয়া গাৰীপা বেড়িয়া উৰিয়া
পিদিয়া লইল। ৰাঙা পশমী শালহান গাৰগদে
কৰিয়া পিঠিহান বেৰেয়া দ্বিয় চুটি মুণ্ডেদে আনিয়া
সিজিল কৰিয়া শড়ীহানৰ গজেদে কৰিয়া বুকগো
গুড়িয়া বাজুবী বাৰাৰ পাম্পলগলো চিপেয়া ধৰল।
হেইবাপ আকাশীৰঙৰ কাশিমবী শাড়ীহানৰ মেই-
খুমহান মুৰগৰ গজে সিজিল কৰিয়া বহেইল।
তলে লামেছে হোনাৰ ফেমৰ চশমাহান আত-
দ্বিহানলো আহিগীত ফামে ঠিক কৰিয়া বহেয়া

হুদেয়া বাৰো আকখুকম মোৰে চেইল। খানি-
থায়্য অনুন্নয় কৰিয়া মাতল,—

আব মায় চল।

মনে অইল মোৰ য়াথাং বাছেয়া মিনিট আহান
তেই উবা অয়া আছিলী চলে নুৰাবেব।
জাওহানি আছুলে আছুলে ডাউন স্ট্ৰাটৰ ফুট
পাথংগা ইলয়া, তাপপ তাপপ জাও আহান দুহান
বেলেয়া আটানি অকৰল। স্থিৰ স্থিৰ মূৰ্তি
আগো কোন ভগ্নি না তুলিয়া মোৰ আহিগীৰ
দৃষ্টিপথেদে তাপপ তাপপ দুৰেই অয়া যানা
অকৰল। ডাউন স্ট্ৰাটৰ পথৰ কাদাৰ পাৰেং
পাৰেং দেবদাক চেউ-তুলা, গাৰীগৰ গাড়ুয়া
আছাংপা ৰংহান নীলুয়া-কালো অনা অকৰেছে।
ধূলী বৰণ বিশাল দেবদাকৰ স্থিৰ ভুশন্তগীৰ
হাদিয়েদে গতিশীল ছেয়া আগো দেহাদে দেহাদে
খোয়াৰ আচালাহানৰ মা হুমেইলগা।

ৰাঙা পশমী শালহানৰ বাপুনীহানৰ তলে
জাপিয়া জব্দঅয়া আছে হুদিগোত মূজুৰে মূজুৰে
কিসাদে নিকুলতয় এসুৰগ। হেইবাপ নীলুয়া
আকাশী মেইখুমে খুম হাগ এহানাৎ ইঙালঙাল
তেইৰ মুখ চন্দ্ৰিমাত তাৰ কোম আভাষ মি
নাপেইল।

সেইস্ট কোলাৰিজৰ সেকম ফেনুকা ফাম
হানাৎ ওয়া ওয়া আহিগীৰ পটগীত ঘুমহান
আনে নাবল। থায়্য থায়্য কৰণ সুৰ আহানে
মোৰ অন্তৰৰ অন্তঃস্থগীত কাৰ আগ বিধেয়া
ফোটা ফোটা কৰে ৰাঙা বকত টপ টপ কৰে
ঝাঙেয়া বেলার। দুৰেইত হনুৰী ভাহে ভাহে
আহেৰ।

বিপিন পথেদে জিবিয়া ৰাই

ভাহিয়া ভাহিয়া কাদিৰী ৰাই, বিপিন পথে ..

ফামহানাত উঠিয়া গিয়া দক্ষিণৰ খিড়ীহান
খুলেদিল। হিমালয়ৰ হিম শীতল ঠাণ্ডা বৌ
আহান গাৰীগত, আহিগীত মেইথঙে আছাবেয়া

আয়া পড়িল গা। মেইথং গাৰী তৎক্ষণাৎ
হিম শীতল পৰশে স্নিগ্ধ সতেজ অয়া উঠিল।
সাৰাদিনকাৰ নিশ্চয় নেই চিন্তা আহান হিমা-
লয়ৰ হিম পৰশে দয়া পুছিয়া মুছিয়া নিলগা
পাৰা। মনহানাত পৰম নিশ্চিত্ত আনন্দ আহান
থায়। থায়া ইহুউ ইহুউ অয়া বুজিয়া পড়ানি
অকৰণ। খিড়কীহান খাটিয়া আয়া ফায়হান
দীঘল অয়া দেহাগো বেলেয়া পড়িয়া থাইলু।

তোৰ বানপানি হজানিৰ সালে
দেশান্তৰী অয়া থাইলু মি।



—গোহাৰি—

অসম ৰাজ্যিক পৰিবহন নিগমে ইয়াৰ আয় বৃদ্ধি কৰাৰ
অৰ্থে ৰাষ্ট্ৰীয় ঘাই পথৰ কেইটামান বচা বচা স্থানত নিৰীক্ষণ
চকীৰ (চেক্ গেট) বাৰস্থা কৰি নিগমৰ বাছ সমূহত বিনা
টিকটৰ ভ্ৰমণ ও অন্যান্য অনিয়মসমূহ বোধ কৰাৰ প্ৰচেষ্টা
হাতত লৈছে। বৰ্ত্তমানে অসম পুলিচৰ তত্ত্বাবধানত চলি থকা
এই 'চেক্ গেট' সমূহত নিগমৰ নিৰীক্ষণ লাখাব বিষয়া
কৰ্মচাৰীয়ে যোৱা ২০ নবেম্বৰ '৯২ তাৰিখৰ পৰা এই প্ৰক্ৰিয়া
আৰম্ভ কৰিছে।

নিগমৰ বাছত ভ্ৰমণকৰা সকলোবোৰ যাত্ৰীলৈ আমাৰ
অনুবোধ যে তেখেতসকলে যেন বাছত টিকট লৈহে ভ্ৰমণ কৰে
আৰু নিগমৰ এই প্ৰচেষ্টাৰ প্ৰতি পূৰ্ণ সহায় সহযোগ আগ-
বঢ়ায়।

শ্ৰীখগেন্দ্ৰ নাথ বুঢ়াগোহাই
পৰিচালন সঞ্চালক

অসম ৰাজ্যিক পৰিবহন নিগম

ৰাজবাবু সিং—টি আমাৰ নিংশিং

দিলস. লক্ষ্মীদেৱ সিংহ

প্ৰখ্যাত সমাজ দৰদী কবি ঠাইগ মদন মোহন মুখোপাধ্যায় এ তাৰ অমৰ কবিতাৰ পাৰেও ৰাজবাবুৰে এসাদে শ্ৰদ্ধাঞ্জলী কাতকৰেসে—

“ৰাজবাবু সিং

তি আমাৰ নিংশিং

তোৰ নাঙে নিঙে

গাৰি হিঙাৰাৰ...।

(ৰাজবাবু, তেন্না ককক)

কৰ্মবীৰ শ্বহীদৰ জীৱন-দীপ কম দিনৰকা পহৰ দিয়া থাইলেউ তাৰ মিঙালৰ আফায়ে আমি পালয়া আসি। অউহানে সাদ তাৰ কথা নিংশিং জইলেই আমাৰ মানা বকতৰ কৌজিয়া গাৰি এতা কেওয়া উঠেৰ। গাৰি হিঙাৰাৰ! ইংৰেজীত পৌৰি আহান আসে— Man lives in deeds, not by years। মাত্ৰ চাৰি পাঁচ বসৰকাৰ কৰ্মজীৱনৰ মাধ্যমেই ৰাজবাবু সমাজৰমা ওল জ্যোতিষ্ক আগৰ সাদে পালয়া উঠেসিল তাৰ কৰ্মদক্ষতা, অধ্যবসায়, বুদ্ধিমত্তা, সমাজসচেতনতা বাৰো কহিয়তিৰ প্ৰতি অকু-গ্ৰিম বানানুংশিয়ে। বিষ্ণুপ্ৰিয়া মণিপুৰী সমাজ সেৱাত একীন মন উহানাং কুনো খুত নেয়সিল। ঔহানে ঔ সময়কাৰ বৃজন, ইমাইন্দল পুৰিজ়েলেই গাবকয়্যাপেইৰে তা প্ৰভাবান্বিত কৰে পাৰেসিল।

অমাটিক কম দিনৰ ভিতৰেউ ৰাজবাবুএ চিৰদিনৰকা নাং থয়া যানাৰ পিঠিত কাৰণ নিশ্চয় আসে। বুদ্ধি চৌহাং, পৰিশ্ৰমী, খেলা-ধুলাৰ গজে যত্নবান, আমাৰ কলাকৃষ্টিৰ গজে

তাৰ আঠপা বানানুংশিগ যুব সমাজৰে অনু-প্ৰেৰণা যোগাসিল। গাঙে ব্যয়াম বাৰো অন্যান্য দিকে উন্নতিৰ নিঙে সংঘ হংকাৰিয়া এলা নাসাৰ বেদে যুবক-যুবতীৰ মন আসুলিয়া অনেক কাম কৰিয়া গেলগা। ঔতাৰ গজে ঔ সময়কাৰ নাংপা-লসি বৃজন কৃষ্ণকুমাৰ দেববৰ্মা হৰিদাস বাবু, মহেন্দ্ৰকুমাৰ সিংহ প্ৰমুখ্যে গিৰিগিথানীৰ কাদাত আয়া তাৰ সমাজৰ বিষয়ে জগতৰ আহিগ মেলেসিল।

ঔ সময় ঔহান ৰাজবাবু যাম অইলে ২৪-২৫ বসৰকাৰ গাবকয়্যাপাগো। তাজাউগড় বেদে মিলেও দিলে হাৰপেয়াৰ সমাজ এহান কিসাদে জটিল কইনা কইঠেক আগত নিজৰে নিজে চিনানি অকৰেসেতা। আগদে মণিপুৰৰ ৰাজাৰ লৌলামে আতশ্বাপু শৰ্ম্মায় মণিপুৰৰ নুৱা লেংকৰা ইতি-হাসেও বিষ্ণুপ্ৰিয়া মণিপুৰীৰ নাংহান চিৰদিনৰকা—মৃতকৰানিৰ লৌহল কৰেসে বাৰো আৰাক আকবেদে ইংৰেজ সৰকাৰে ১৯৩২ ইংৰেজীৰ ২১ মাৰ্চৰ জৰুৰী নোটিশ আহানল মণিপুৰীৰে পাৰত্য জাতীয় শ্ৰেণীভুক্ত কৰেসে। লগে লগে এহানৰ তীৱ প্ৰতিবাদ অইল। লয়া লয়াৎ সভা সমিতি কৰিয়া বিষ্ণুপ্ৰিয়া মণিপুৰীয়ে সৰকাৰৰ নাংগে হুৱাহানৰে পৰথেইলা, থেংকৰলা। এহানৰ মূল দায়িত্বত আসিলতাই ৰাজবাবু। সমাজৰ যুবক এতা হাবিৰে প্ৰেৰণা যুগেয়া গণআন্দোলনৰ মাধ্যমে সৰকাৰৰে জানা দেসিল যে বিষ্ণুপ্ৰিয়া মণিপুৰীৰে তানুৰ ঐতিহাত সেচানি সহজহান

নাগৈ। ঐ সময়ত মেইতেই নেতৃত্ব ভূমিকা
য়াম কমসিল। হেমচন্দ্ৰজিৎ ৰাজকুমাৰ, মহেন্দ্ৰ
কুমাৰ সিংহ, কৃষ্ণকুমাৰ সিংহ (দেববৰ্মা) প্ৰমুখ
শিক্ষিত গিৰকলকেসে সৰকাৰে ঐতিহাসিক
তথ্য প্ৰমাণ কৰিয়া দেহেইলা যে মণিপুৰ এহান
আৰ্য্যৰ লামহান। মণিপুৰীৰ ভিতৰে আৰ্য্যই
(বিষ্ণুপ্ৰিয়া) য়াম, বাৰো মণিপুৰীৰে বৰ্ণহিন্দু
(Caste Hindu) ঘোষণা কৰানি থক।
সৰকাৰৰ মূৰ নাঙিল।

ৰাজবাবুৰ হাবিত ডাঙৰ অবদানহান ঐ সম-
য়কাৰ জাতহানৰ একমাত্ৰ মুখপত্ৰ ত্ৰিভাষিক
“মণিপুৰী” পত্ৰিকাৰ পৰিচালনা। সমৰজিৎ
সিংহ বি এস সি, বি এল, সম্পাদিত এ মুখ-
পত্ৰ এহানৰে যোগ্যভাবে চালেয়া নিলগাতা ৰাজ-
বাবু সিংহ তাৰ সততা; কৰ্মদক্ষতা। নিংশিং
অনা য়াকৰেৰ ঐ পত্ৰিকাৰ মাধ্যমে ঐ সময়কাৰ
হাবি ঘটনাই আমাৰ মুণ্ডে ফৌৱৰগা বাৰো
দেহিয়াৰ যে ঐ সময়ত বিষ্ণুপ্ৰিয়া মণিপুৰীৰ
ভিতৰে জাতীয়তাবোধ এহান হুওয়া আহেৰ।
ঐহানৰে থোতাল দিল ৰাজবাবুৰে তাৰ পত্ৰিকা-
হানৰ মাধ্যমে। তাৰ দায়িত্বে পত্ৰিকাহান নিয়ম-
হান কৰে নিকুলিল বাৰো ধৰ্ম, দৰ্শন, কৃষ্টি
ইতিহাস বাৰো মৌলিক ৰচনাল বিষ্ণুপ্ৰিয়া মণি-
পুৰী সমাজৰে সচেতন কৰিয়া তুলানিৰ লগে
ভাষাহানৰ চৰ্চা অনা অকৰল। এ পত্ৰিকাৰ
মাধ্যমে কুম্পেইৰ ভানুগাহ, মাছিমপুৰ, শিলচৰ,
মণিপুৰৰ বিভিন্ন লয়াৰ মানুৰ যোগসুত্ৰহান
হিসাবে কাম কৰল যেতাৰকা দীঘদিনৰ মেই-
তেইৰ জিজুৰেহ মৃত্ত অয়া বিষ্ণুপ্ৰিয়া মণিপুৰীয়ে
তঙাল জাতিসত্তা আহান হিসাবে নিজৰে প্ৰতি-
ষ্ঠিত অনাৰ কাকেই দিলা।

উগ্ৰজাতীয়বাদী বাৰো ভাষাসমাজ্যবাদী চক্ৰউ
বয়া নেই। মণিপুৰী পত্ৰিকাৰ এ ভূমিকাৰে
লম কৰানিৰকা নানান ষড়যন্ত্ৰ চালেইলা। যেহা-
নৰ ফলশ্ৰুতিতে ঐ কাল দিন উহান আমাৰ

মুণ্ডে আহিল। মুৰে বজ্ৰ পৰিল। ১৪ ই ফাল্গুন
১৩৪১ বালা নিংশৌকাপাৰ দিন য়েকাপাৰ চহা
চহা আতিয়াৰ জিলকিল। ৰাতি নঙেইৰ আধাৰ
পথগ বেড়ি দিয়া কল্লি কল্লি কৰিয়া বেজা ৰাজ
বাবুৰ কঙালা বুকগ। বিষ্ণুপ্ৰিয়া মণিপুৰীৰ তেজো-
দীপ্ত কসমা বেলিহান। ‘কেথকপী’ বৈৰাকৰ
পানি কলংকিত অইল। সমগ্ৰ বিষ্ণুপ্ৰিয়া মণি-
পুৰী সমাজ আধাৰে জাপদিল। নিংশিং অইলে
এবাকাউ “গাৰি হিঙাৰাৰ”।

শ্বহীদৰ অকাল বিয়োগে হাগ মাটি জুৰিয়া
আহিৰ পানি কবিৰ ঠই সৰকৰল। কমলাকান্ত
সিংহই (মেহেৰপুৰ) ইকৰল—

‘সমাজৰ মঙ্গল কৰানিৰ কাজে
আহেসিলে ৰাজবাবু এভবে।
বুদ্ধি কৌশলে আমি এতাৰে
জাগেয়া তুলেছিল সিংহ বিক্ৰমে।

প্ৰখ্যাত নৃত্য-গুৰু বালিগাওঁৰ (বংলাদেশ) নীলেশ্বৰ
মুখাজী এ ইকৰল—

“আকথকম আয়ে ৰাজবাবু তিকুবাং থাইলেগাতা
যুবক হাবিয়ে আয় বুলিয়া তোৰে ডাহিয়াৰতা।”

শ্বহীদৰ মিঙালে পহৰ অসি এবাকাউ আমি।
হাংনাং ইকৰা এলা এহানল গিৰকৰে শ্ৰদ্ধাজলী
কাতকৰিয়া মোৰ ইকৰাচুটিহান লমকৰি।

কুবাং থাইলে ৰাজবাবু
সাগৰ লামলাকে থাইলাং
চালকৰনে আমাৰে।

য়াৰো কৰিয়া গেলেগা তি
আমাৰে বেলেয়া
কাদে কাদে ডহিৰীতা
ইমাই তোৰে ডাহিয়া
সাগৰ লামলাকে...।

সীলসে সমাজৰ নৌগ
নাপেইল তাৰ দিক দিশা
কুংগই মাঝি
অইতাই আজি
ফৌকবানিত পাৰগ

গৰে গৰে গাৰাগাৰি
দলাদলি দেৰ উৰকালি
বেইবুনিয়ৈ বেইবী অয়া
চানাপাই মাংনাপী

মহেন্দ্ৰ গীতিস্বামী
ঘেলেয়া গেলাগা মানী
কৃষ্ণ, হৰি, তনু মানিক
জগত, ফাল্গুনী
হাগৰ লামলাকে.....

সেংকৰে জৰম অয়া
ইমাৰ উৰহান, ওলাকৰিয়া
জমতৰমা, গালইক বিষ্ণুপ্ৰিয়, মণিপুৰী
সাগৰ লামলাকে.....

॥ খানি বাহিক ॥

নানু

○ : কাৰ্ত্তিকৰ পালিত মহাভাৰত এহান হুনে হুনে আমাৰ গাঙৰ ললিতে অৰ্ধদেব
বুজন উগৰে আংকৰে—

—জেঠাবা, মহাভাৰত এহান আমাৰ ধৰ্মগ্ৰন্থহান বুলিয়া মাতিয়াব ।
—হায়, ললিত ।

—জেঠাবা, হৰ্যোধন, দুশাসন, বুধিষ্ঠিৰ, অৰ্জুন গাহিৰ কোনো উপাধি কিয়াক
নেয়সেতা ? জেঠাবাই কামিনী সিংহ, মি ললিত সিংহ ইককৰী । হৰ্যোধন
কিয়াজুনেতে আমি যোগেৰ বংশধৰ বুলিয়া মাতিয়াব জানুতে সিংহ না ইকবেসি ।

অৰ্ধ দেব গিৰকে উত্তৰ দেনা নুৰাবেহান দেহিয়া ললিতে মাতেব—

অ—জেঠাবা হাবপেইলু, হাবপেইলু অন্য মানুয়ে সিংহ উপাধি এহান নিয়াবেলজুইগা
বুলিয়া আমাৰে মনে মনে উপাধি এহান নিয়াগেছিগাতা

○ : শিষ্ণুপ্ৰিয়া মণিপুৰীৰ সমাজ চেতনা এহান ডাঙৰ এৰাকা নানা পত্ৰিকা
প্ৰকাশ অব । গাঙৰ আলুয়া মাধবৰ নুৰা কৰে অক্ষৰ পৰিচয় । নুৰা নুৰা পত্ৰিকা

পাকৰে । গাঙৰ মগৰ মদনবাবুৰ আঙকৰে—

অজা আমাৰ পত্ৰিকা এতাৰ বানান হহান ধৰণৰ আকপেইত 'পুলসি', বাবো আক
পেইত "পুলছি" । কেনিহান শুদ্ধ অইতৈ ?

মদন অজায় মাতে 'নুৰাবেবী'

ৰাজবাবুৰ শ্রাদ্ধ উপলক্ষে

[স্বহীদ ৰাজবাবুৰ শ্রাদ্ধ উপলক্ষে বিস্তাৰিত বিবৰণ “মণিপুৰী” পত্ৰিকাত লুকুলেসিল। ঔ পত্ৰিকাৰ সম্পাদক আছিলতাই প্ৰয়াত সমৰজিৎ সিংহ বি, এস, সি, বি, এল। ৰাজবাবু গিৰকৰ মৰাণিৰ পিছেদে ম্যানেজাৰগো বাৰো কোষাধ্যক্ষ ক্ৰমে প্ৰতাপগড় নিবাসী নদীয়াচান্দ সিংহ বাৰো মাছুঘাটৰ শ্ৰীবংশীবদন সিংহ। ১৯৩৪ ইংৰেজীৰ মাঘ, ফাল্গুন, চৈত্ৰ সংখ্যাত মূল ইকৰাহানৰ বিষ্ণুপ্ৰিয়া মণিপুৰী ঠাৰে অনুবাদ হান।]

ৰাজবাবু গিৰকৰে মণিপুৰী পত্ৰিকাৰ গ্ৰাহকৰ লগে পৰিচয় কৰোয়া দেনা নিস্প্ৰয়োজন। ৰাজবাবু আমাৰ “মণিপুৰী” পত্ৰিকাৰ প্ৰধান পৰিচালক ম্যানেজাৰগো। অলংঘ্যকালৰ আতে পড়িয়া ৰাজবাবু কনাক থাইতেই তাৰ মালক দৌঅসিলী। উহানৰ পিছেদে নানা দুৰ্ঘটনাৰ ভিতৰেই শিলচৰৰ কাদাত মাছুঘাটে গাওঁ বাপক দৌৰ খুয়া পাৰ। বাপক দৌঅনাৰ লগে লগে তানুৰ বিবাড়ী পেট চালানিৰ দায়ে হাবি বেসানি অসিল। এমন কি ঘৰবাড়ী নেই। এসাদে অন্নসংস্থানৰ উপায় নেয়নি স্বত্তেউ ৰাজবাবু গিৰক মাছুঘাটেহু নিক্কা ৬ মাইল আহাযানা কৰিয়া, অনাহাৰে, আধাপেটে নিজৰ জাতৰ মানু কতগোৰ সাহায্যলো মেট্ৰিক পৰীক্ষা পাশ কৰেৰ। গিৰক কনাকেহু বালক সমিতি যুবক সমিতি গঠন কৰিয়া সমাজৰ কাম কৰেসিল। সমাজ সেবাৰ চিন স্বৰূপ গিৰকে বিনা বেতনে “মণিপুৰী” পত্ৰিকাৰ ম্যানেজাৰৰ কাম কৰতেগা পেইৰাক কৰে দৌঅইল। গিৰকৰ ডেকি নিস্বার্থপৰ সমাজ সেবীৰ অকালমৰণে সমাজৰ যে কতিহান ক্ষতি অৰ উহানৰ বৰ্ণনা নাৰ। বিশেষভাবে তাৰ

মৰণৰ কাহিনী হুনলে পাষণ পেয়া নাগলিয়া নুৱাৰেৰ। হাৰপানি অৰ যে গিৰক, গেলগা ১৪ ইং ফাল্গুন নিংখৌকাপাৰ ৰাতি উহান প্ৰায় ১১ টাৰ সময় শিলচৰ টাউনেহু ঘৰে ফিৰানিৰ পথে তাৰাপুৰেহু নিক্কাদেশ অৰ। ৭ দিন পেয়া বহু বিসাৰাণিৰ পিছেদে ৮ দিনৰ দিন দিনে প্ৰায় ৯ টাৰ উপেইত ৰাজবাবু গিৰকৰ মড়াগো বৰাকহানাত পেইতাৰা। তানুৰ ঘৰৰ ৰাজবাবুৰ আকখুলীগো পিয়নক, গিৰকৰ মৰণৰ দুঃখে ফিটঅয়া পড়েছিলী বাৰো ২৩ ফাল্গুন গিথান-কউ দৌ অছিলী। ৰাজবাবুৰ আত্মাৰ সদগতি-বকা শ্রাদ্ধ কীৰ্ত্তনাদি সংস্থানৰ কোনো উপায় নাথানায় অতি সংক্ষেপেই মাছুঘাট গণ্ডীৰ ভিতৰে কাম লেইকৰাণি বিসাৰাসিলা, কিন্তু সুৰমাঙেলী মণিপুৰী এসোশিয়েশনৰ সভাপতি, “মণিপুৰী” পত্ৰিকাৰ সম্পাদক এসাদে কতগো সমাজসেবীয়ে উহানাত বাধা দেসি বাৰো প্ৰচাৰ কৰানি অৰ যে ৰাজবাবু বিশিষ্ট সমাজ সেবী আগো গতিকে তাৰ আত্মাৰ সদগতিৰ কীৰ্ত্তনাদি ব্যাপাৰে সমাজৰ প্ৰতিগো মানুহেই কৰ্মকৰ্ত্তা হিসাবে অধিকাৰ আছে। উহানলো সমাজৰ হাবিয়েই যথাসাধা

সাহায্য কৰিয়া শ্রদ্ধ এহান সম্পাদন কৰানিৰ
ব্যবস্থা কৰানি অৰ। এ শ্রদ্ধ এহানৰ খৰচ
সংকলন কৰানিৰকা মণিপুৰ, কাছাডুৰ নবসিংপুৰ,
মেহেৰপুৰ, ৰাজনগৰ, দুধপুৰ, ঘাগৰাপাৰ, গনি-
বগ্ৰাম, বিষ্ণুপুৰ, কাটাখাল, হাইলাকান্দিৰ
সোনাপুৰ, নিত্যানন্দপুৰ, চিপৰসাগল, শ্ৰীহট্টৰ
মাসিমপুৰ, হিজলা, প্ৰতাপগড়, ভানুগাছ, সুনাম-
গঞ্জ বাৰো ত্ৰিপুৰাৰ কৈলাশহৰেত আশামত সাহায্য
পানো অসিল। এ সম্পৰ্কে গালাপানীয়ে হিনপে-
ইতাৰা মেহেৰপুৰ বাসী বিষ্ণুপ্ৰিয়া তৰুণ সংঘৰ
কাৰ্য্যকলাপ বিশেষ উল্লেখ যোগ্য। তানু য়েবাক
ৰাজবাবুৰ ফটো হানলো চৈত্ৰমাহৰ কড়া ৰৈদ
উহানাত দুখৰ চিন ধৰিয়া মেহেৰপুৰৰ শ্ৰীকমলা
কান্ত সিংহৰ ৰচিত এলা—

সমাজৰ মঙ্গল কৰানিৰ কাজে
আহেছিলে ৰাজবাবু এত্তবে।
বুদ্ধি কৌশলে আমি এ তাৰে
জাগেয়া তুলেছিলে সিংহ বিষ্ণুমে।
আজি ও গিবক আমাৰে বেলেয়া
গেলগা পৰলোক ধামে।
ও গিবকৰ সংগতিৰ কাজে
আহিলাং আমি তোমাৰি দুয়াৰে।
যেতা পাৰিলতা দান কৰিয়া
উদ্ধাৰ কৰেদিক অধম ওগৰে।
মালক বাপক নেই লেইবাপা ছৌগ
হাবিয়ে তিলয়া লালকৰেদিক।

ইত্যাদি

এসাদে এলাদিয়া কাদাবাৰাৰ হাবি মণিপুৰী
গাও ৰাজবাবুৰ শ্রদ্ধৰ ৰূপা সাহায্যৰকা
লেম্পালে বুলিগো থয়া লিকুলেছিল। ও দুখৰ
দৃশ্য উতাত পৰাণ-হৃদয় না গিয়া নুৰাৰেসিল।
কনাক বৃজন হাবিঅউ বিষ্ণুপ্ৰিয়া তৰুণ সংঘৰ
লগে তিলয়া বিৰাট সংঘ আগত পৰিণত অসিল।
বৰ্তমান ধন পয়সাৰ সমস্যাৰ দিনে নিজৰ নিজৰ
অভাব অভিযোগৰ প্ৰতি লক্ষ্য না কৰিয়া নেই

লেইবিপী ইয়াৰী ইমা ইন্দল পেয়া ধন পয়সা
এমন কি চউল, খুঙেই পেয়া দিতে না পিছৰে-
ইলা। মেহেৰপুৰৰ বিষ্ণুপ্ৰিয়া তৰুণ সংঘ দিন
আহান সমাজৰ মেইথও ওলকৰতাই সন্দেহ নেই।
হতুমে মাততে গেলেগা এসাদে নিঃস্বার্থ পৰ
তৰুণ সংঘ ছাড়া সমাজ জিংতা অয়া থানা
নুৰাৰেৰ। উহানেই মাছুঘাট গাওহান ৰাদে
মেহেৰপুৰেই ৰূপা পয়সা সাহায্যত হাবিহ
নিয়াম অছিল।

এসাদে ৰূপা পয়সা সংগ্ৰহ কৰানিৰ পিছে
১৮ চৈত্ৰ ১৩৪০ বাংলা লামইসিঙৰ দিনে মাছু-
ঘাটৰ গাওৰ মালডেপে ১৩ সম্পদায়ৰ ইসালপা
ডাকুলাৰ হৰি সংকীৰ্ত্তনৰ ধনিৰ ভিত্তৰেই
ৰাজবাবুৰ শ্রদ্ধ কীৰ্ত্তন হবা কৰে সম্পন্ন অৰ।
নিজৰ নিজৰ নানা অসুবিধা থানা স্বত্বেউ লয়া
লয়াৰ সাহায্য তুলিয়া ভানুগাছেত শ্ৰীযুক্ত নীলেশ্বৰ
মুখাৰ্জী গাছি, প্ৰতাপগড়েত শ্ৰীযুক্ত মহেন্দ্ৰবাবু
সিঙ্গালাত শ্ৰীযুক্ত সেনাতল সিংহ খাফিৰবন্ধেত শ্ৰীযুক্ত
সেনা সিংহ লগে আৰাকউ মানু নিজৰ নিজৰ
খৰচে শ্রদ্ধত যোগদান কৰিয়া দশৰ বাৰো সমাজৰ
মঙ্গলৰ চিন্তা য়েহান দেহয়েইলা উহানৰকা সমাজ
তানুৰাও চিৰকৃতজ থাইতই।

গনিৰগ্ৰাম বাৰো ঘাগৰাপাৰ লয়া উগিৰ
গাবৰুয়াপেই সাহায্য ভিক্ষা কৰিয়া য়ে ৰূপা
পয়সা, চউল, খুঙেই, নুকুন পাছিলা উতা
শ্রদ্ধৰ দিনে ৮/৯ মাইল লেম্পালে দিয়া আটিয়া
আহিয়া সমাজসেবাৰ য়ে দৃষ্টান্ত দেহয়েইলা
উহান হতুমেউ মন আকৰ্ষণযোগ্য। এ সাহায্য
ভিক্ষাৰ ব্যাপাৰে ঘাগৰাপাৰৰ শ্ৰীযুক্ত গোবিন্দ
বল্লভ মুখাৰ্জী গিবকৰে ধন্যবাদ নাদিয়া নুৰা-
ৰিয়াৰ।

মাছুঘাট বাসী এ ধন-পয়সাৰ অভাবৰ দিনে
এ ৰাজবাবুৰ ডেকি নিঃসহায় পৰিবাৰৰ শ্রদ্ধ
ব্যাপাৰে লিপিও লিপিও মানুৰ সমাগমৰ সেবা

পরিচর্যাৰ ভাৰহান নিয়া সমাজসেৱাৰ যে পুং-
নিওহান দেখুইলা উহান থাকাত যোগ্য।
কীৰ্ত্তনৰ মালডেপগোত কোন কোন অঞ্চলৰ মানু-
গো-কোন ফালে বহিতাই, বিশেষভাবে ইমাইন্দ-
কৰ বহুমানৰ ব্যক্তি এমাতিক পৰিপাটি কৰিয়া
পাটী, সতৰফিত, মনি মানু 'বহুমান'ৰ য়ে ব্যক্তি
কৰেছিল। উহানৰকা আৰাকউ থাকাত দেনাৰ যোগ্য।
এ. শ্রী শ্রী এমাতিক মনিপুৰ, কাছাড় বাৰো শ্রী শ্রী
১০ গো ইশালপা, ১৩ জোড়া ঢাকুলা, ১৩ গো
দোয়াৰ আকসাতে পাল্লা আহানাত এমাতিক দিতাই
হনিয়া মালডেপগো মানুয়ে, মানুয়ে সমুদ্রহান
অছিল। হতমে মাততে, গেলগো দশা উহান
অভিনব বাপ্যাবহান অছিল। উহানলো হুদা
মনিপুৰীয়েই নাগয় কাদাবাৰ বাজালী পেয়া হুদা
কীৰ্ত্তন হুদানিৰকা নাগয় — এ. অভিনব ব্যক্তি
এহান চানাবকা মালডেপে অছিল।

মনিপুৰী সমাজে এসাদে হুবা মহাসংকীৰ্ত্তন
অনাৰ বাৰহু এখকম দেখিয়া আহিগী স্বাৰ্থক
অছিল। কাৰণ এ. শ্রী শ্রী উহানাত কাছাড়
(হাইলাকামিলো) হাৰি লম্বা হাৰি গাওৰ
প্রতিনিধি মনি, ইমাইন্দল এমাতিক কি কনকহুউ
পেয়া নিজৰ নিজৰ স্বৰচে আয়া যোগদান কৰে-
ছিল। এহান কি কম হাৰো বাৰো গৌৰবৰ
কথাহান নাগয়? উতাৰ গজে মনিপুৰ হিঙ্গালা,
প্রতাপগড়, ভানুগাছ, কৈলাসহৰ আদি লয়াৰ
প্রতিনিধিও ঐ সভাত উপস্থিত অসিল। আৰা-
কউ হাৰোৰ কথাহান যে এ মনিপুৰী সমাজে
যেৰে ঘৰে, গাও গাও এদিনহাবিকাৰ নিত্য
নতুন দলীদলিলো সমাজহান উচ্চন অনাৰ পথ-
গত গেছিলগা, ঐ সমাজৰ মানু আজি ১৩৪০
বাংলাৰ ৮ চৈৱত 'ৰাজবাবু' শ্রী শ্রী কীৰ্ত্তনৰ দিন
লামইসিঙৰ দিনে হাৰি দলাদলি, বেয়াবেষি,
হিংসা-বিন্দা সাহাৰিগা হাৰি লয়াৰ বিষ্ণুপ্ৰিয়া
মনিপুৰী সমাজ আগই আৰো কলকৰ কল-
কৰি কৰিয়া মালডেপ আগত লিখিও লিখিও

মানু পুলয়া শ্রী শ্রী কীৰ্ত্তন হানৰে মহাসংকীৰ্ত্তন
বাৰো মহামিলনৰ বাপাবহান হওকৰেছিল। আগত
এসাদে দশা দেহানিৰ কপালহান আহিহ, এহান
কম গৌৰবৰ কথাহান নাগয়।

এ. শ্রী শ্রী এমাতিক হুদা বিষ্ণুপ্ৰিয়া মনিপুৰীয়েই
ৰাপা পয়সা সাহাৰা দেখিলা উহান নাগয়। বাজালী
-হিন্দু বাৰো মুসলমান যেতায় 'ৰাজবাবু'ৰে হুবা
কৰে চিনেছিল। তানুগুট তাৰ আকস্মিক দৌ
অনাত দুখ প্রকাশ কৰিয়া যথাসাধ্য সাহাৰা
কৰেছিল। বাৰো কীৰ্ত্তনে যোগদান কৰেছিল।

যেবাকাই কীৰ্ত্তনৰ মালডেপগোত কমেউ
দ্বিলিখিত মানু অছিল। উবাকাই গিৰীশবাবু,
সমবজিৎ বাবু, কুঞ্জৰাজ বাবু, কৃষ্ণকুমাৰ বাবু,
কুঞ্জেশ্বৰ বাবু, ফালগুনী বাবু বাৰো মেহেৰপুৰৰ
তৰুণ সংঘ হাৰি মাছুঘাটৰ 'ৰাজবাবু'ৰ লগৰ
প্ৰায় ৫০ গো গাবকসাপেই গাৰে ফুটি বেড়িয়া
'ৰাজবাবু'ৰ ফটো আতে থয়া উপস্থিত সভাম-
ঙলীৰে সাদৰ সন্মান কৰাৰিৰ সালে ঢাক
বাদ্য বাজেয়া ধূপ থয়েই ফুল আতে থয়া
বালিগাওৰ শ্রী শ্রী নীলেশ্বৰ মুখাৰ্জীৰ লেঙকৰা
এলা—

“আত্মম আয়ে 'ৰাজবাবু' তিকুৰাও থাইলে-
গাত।

যুবকহাবিয়ে আয় বুলিয়া তোৰে ডাহিয়াৰতা।
তিযুবক হাবিৰে জাগো “মনিপুৰী” পত্ৰিকা
চালেয়া।

মহামিলনে কিয়াক নাহৰতা
গাছগাতা হাবপেইলাং আলকৰে নাপেইবাং
এবাকি কহান কৰতাঙাই।
দেশবিদেশৰ মেতাহাকি তোৰ সদগতিৰকা
আহেছি
(তানুৰে) সভাৰী কুঞ্জই কৰতাই।
নৈলী হাবিৰ চৰণ বিনা আমাৰ উপায় নেই
আৰতা

হাবিয়ে আমাৰে কৰ্মা কৰেদিক।

(তুমি) হাবিয়ে তিলয়া কৃষ্ণনাম সলকৰিয়া
“ৰাজবাবুৰ সদগতি কৰেদিক।”

ইত্যাদি

এলা দিয়া দিয়া মালডেপে হেবাকা হমেইলা
উবাকা পাৰাগ অন্তৰ নাগলিয়া নুৰাৰেছে। ঐ
সময়ত ২০০০ মানুৰ কাঁদানিত মালডেপতে কিয়া
গাওহানপেয়া যেসাদে বৌ বেলাছিল।— উহান
ইকৰিয়া ব্যক্ত কৰাণি মোৰ সাধ্যাতীত। ঐ
শোভা যাত্ৰা যতসময় আছিল, আৰাক খানি
সময় থাইলে হয় দুখে অনেকগৰ বুক ফাটিয়া
নানা দুখটনাৰ আশংকা আসিল। এসাদে হৃদিত-
দুখ লাগেৰ দৃশ্য অসহ্য আছিল যদিও তথাপি
সমাজসেবীৰ গজে সমাজৰ হাবি মানুৰ কতিহান
আন্তৰিক অন্তৰৰ টান উহান দেহিয়া আহিগী
স্বাৰ্থক আইল।

[দুখৰ য়াৰী হান এসাদে মহামিলনে
দলাদলি কৰেকুৰা মানু কতগোৰ অন্তৰ হিংসাত
জলিয়া উঠেছিল, উহান বাদ দেনা আইল]

এসাদে মহামিলনৰ সত্তাত কোনো বকমৰ
উপদ্রব নায়া মইপঙৰ ধনিৰ ভিতৰে ২৬ গো
ডাকুলাৰ ঢাক, লগে কৰতালৰ বৌলো মহা
সংকীৰ্ত্তন আৰম্ভ অৰ।

সংকীৰ্ত্তনৰ ধুনিত ফাম উহানৰ মাহাৰা
আৰাকউ ব্যক্তি। ইশালপাহাবিৰ নুংশিপা এলাই
মালডেপগৰ ভাবকহাবিৰে মোহিত কৰেছিল।
তথাপি কচুধৰমৰ ইশালপাগোৰ নাওহান বিশেষ-
ভাবে উল্লেখযোগ্য। ঐদিন উহান ইশালপা গিৰকে
হয়ল ভগবৎ কৃপায় নুংশিপা এলালো মানু হাবিৰ
অন্তৰ আকৰ্ষণ কৰে পাইছিল। প্রতাপিগড়ৰ
ডাকুলা ঐদিন উহান নিয়াম নাও কৰেছিল।
ডাকুলা দ্বিগিৰ এলাত হাবি মোহিত আছিল।
ভানুগাছৰ, ঝাপিবন্ধৰ ইসালপাৰ এলাউ এমাতিক
শক্তি নাছিল। মণিপুৰৰ ডাকুলাৰ ঢাক কৰা-
ণিৰ কাৰ্যদা আৰাকউ হবা আছিল।

দুবেই দুবেইত আহেছিল। ডাঙৰীয়া মানু
হাবিৰে সাধামত খোৱানি আছিল। তানুৰকা
বুলিয়া বামুনৰেলো ভাত হউ ৰাধুয়ানি আছিল।
আৰাকউ হাবিৰ কথাহান— শিলচৰ মহকুমাৰ
কোনো আগইঅউ ঠেপেইত ভাত নাহাছি। উহান
মণিপুৰী সমাজৰ থাকাত দেনাৰ বিষয়হান।
মণিপুৰী যে এমাতিক সংঘমী অনা পাৰতাৰা উহান
কি গৌৰবৰ কথাহান নাগয়? হাবিঅউ হাব-
পেইলা যে এহান দশ বাৰো দেশৰ কামহান।

পিনাৰ পানীৰকাউ ব্যবস্থা কৰানি আছিল।
মালডেপগোৰ কাদাত হৰকাঙ কোঠা আগত
বামুনৰেলো বিগুজ পানী বাৰো সৰবৎ দেনাৰ
ব্যবস্থা আছিল। মহা সংকীৰ্ত্তনৰ পিছেদ হাবিৰে
যেতাপাৰিল ক্ষীৰ খোৱানি আছিল।

ইশালপা, ডাকুলা হাবিঅউ নিজৰ নিজৰ
খৰচে হাবো হাবো অয়া শ্রদ্ধত যোগদান কৰে-
ছিল। তানুকোনো দক্ষিণা না লসিলা, তানু ই
কপাপয়সালো সাহায্য কৰেছিল। বাৰো হৰিনাম
গেয়া হাবিৰে হনুয়াছিল। এসাদে কামে নিজৰ
নিজৰ উদাৰতাৰ পৰিচয় দেছিল।

দিনহানউ (প্রকৃতিদেবী) শ্রদ্ধৰ দিনে “ৰাজ-
বাবুৰ মৰণে দুঃখত আহিবপানী বেলাছিল। ঐ
প্রকৃতিদেবীৰ আহিবপানীয়ে যাতে শ্রদ্ধক্ৰিয়া সম্পন্ন
কৰাত অসুবিধা আইতে পাৰে বুলিয়া খানিপাৰা
বৰণ দেনাৰ পিছেদেই বৰণ দেনা বন্ধ অৰ।
“ৰাজবাবুৰ শ্রদ্ধত জুদা মানুয়ে সাহায্য কৰে-
ছিল। তা নাগয় দৌয়েপেয়া সাহায্য কৰেছি প্রমান
পেয়াৰ। ভগবান স্বয়ং সহায় নাথাইলে এ বিৰাট
আয়োজন এহান কৰানি নাউ আইল আইস।

মি আমাৰ সমাজৰ গাবকয়্যাপেই পুৰী
জেলেইৰে উদ্দেশ্য কৰিয়া মাতুৰি— তানু যেন
“ৰাজবাবুৰ পথ অনুসৰণ কৰকা। গিৰকে
কিসাদে জীবন যাপন কৰেসিল বাৰো সমাজ
সেবা কৰেসিল উহান হাবপানি হাবি গাবকয়্য
(২৩ নং পৃষ্ঠাত চাইক)

—ইমা বিষ্ণুপ্ৰিয়াৰ জনডিস—

—সুখেন্দ্ৰ কুমাৰ সিংহ

মি ইমা বিষ্ণুপ্ৰিয়াৰ শৌগ অছুতা থকয়া ইমাৰ গাৰিগোত জনডিস অৰ্থাৎ অলমী নুৱাৰা আহান লাগেছে এহান ডাক-ডাক কৰে দেহিয়া হঃ নুৱাৰিয়া দ্বি-আকচুটি মাতানিৰ প্ৰয়াস কৰউৰীতা। এহানাত, ভুল ব্ৰুটি থাইলেও ক্ষমা কৰে দিবাং।

আজি অপা বপাৰ হাকতাকৈছ চিংকৰিয়া ইমাৰ শৌ ছুমাৰা ঔতায় আৰ নাইলেউ ইমাৰে কিন্তু নাছা, টেংঠা, কলা কুণ্টিলো হাবৌ কৰিয়া থছিল। ইমাৰ ছৌ ছুমাৰা এতাই পৰবতী কালে অৰ্থাৎ বিংশ শতাব্দীত দেহিয়াৰতাই ছৌ-ছুমাৰা এতাই ইমাৰ ফিদা ফিজেৎ কাঠি আংঠিতে বেচিয়া লম-কৰলা লমকৰলা, এখুকমতে ইমাৰে ঘৰেত্ৰ নিকালাদিয়া আৰ আৰ তাৰে ইমা বুলিয়া ডাহানি মনেইতাৰ। ইমায় জৰমদেহত, বিদ্বান গুণীবান, বলী পাংকাল লীডাৰ মাৰ্কা শৌ কোংগউ কমৰতা নাগই। শৌ-এতাৰ লীলা খেলাৰ য়াকহানে আকয়া ডাক্তৰগই তোৰতা অলমী অসে বুলিয়া মাতলো অৰ্থাৎ জনডিস অসে। তা-আৰো; ইমা হন হন তোৰ ছৌ-ছুমাৰা এতাৰ চৰিত্ৰ বেবাৰ, লীলা খেলা এতাৰ চুটি শৌ আহান। তি-মালকগো অইয়াউ হাবি ছৌৰ চৰিত বেবাৰ নাদেহেসত, তা-থকয়া ইমা তি মৰাণিৰ আগে খানি হনিয়া যাগা।

আজি তোৰ ছৌ ছুমাৰা এতায় কিতা নাক-বতাৰা, কোংহানাত তানু আলয়া আসিতা?

তানু দৰকাৰ পৰলে গাও আহানৰে চাৰি-কৰত, পাচকৰত কৰে পাৰতাৰা, আৰাকউ দৰকাৰ পৰলে ধাপা আহানৰে। ঔতাহুও বাহাদুৰীহান অইলতাই ভেইবুনিৰে থেইকৰিয়া বীৰত্ৰহান দেহ য়েইতে সুপকৰেও আল নাইতাৰ। কিয়া বুল্লেতে ক্ষত্ৰিয়ৰ বকতলো পালয়া আছিতানা, এসাদে শৌৰ্য্য বীৰ্য্য না দেহয়েইলেতে ক্ষত্ৰিয় বুলিয়া নিজৰে পৰিচয় দিয়া নুৱাৰতাই। বলিহাৰি ইমা তোৰ ছৌ।

ইমা তোৰ পাণ্ডাকালপা ছৌৰ খানি য়াৰী দিতেগা গিয়া পৃথিৱী এহানৰ লেঙৌ হাবি গনে পাৰতেই, কিন্তু তানুৰ য়াৰী ইহজীৱনে গনিয়া গনিয়া ফুৰা নুৱাৰতেই। ইমা তোৰ ছৌ আকগৌ মেম্বাৰ বা সাধাৰণ সদস্য কৰিয়া জৰম নাদেসত। হাবি প্ৰেসিডেণ্ট মাংহই জৰম দেহত—কোন দুৰ্বিপাকে আকগ সদস্য অ পৰলাগা ঔতায় কয়হান দল হওকৰতাই কয়হান মেঠেস মেঠেল সংস্থা বা কমিটি হংকৰতাই ইমা তি মালকগো অয়াউ হাবপা নুৱাৰতেই।

ইমা! বিৰাট সভা বুলিয়া আহান, তোৰ জিপুত এতাৰে কলকৰিয়া থনা; এতাৰ উন্নতি, এতা যাতে আৰ আৰতাৰ লগে চলে পাৰবানেই হিৰাম আহান কৰানিৰ সালে হওছেহান। ঔ হানাতউ ইমা প্ৰেসিডেণ্টৰ নুৱাৰা ঔহান। আক-গোউ সদস্য অনা নাকৰতাৰা। বাৰহ য়েগে য়েগোৰে সভাপতি পাৰা পদফাম দেছি ঔতা বাৰহ

হাৰোঁ হানে থাইল পথ নাপেয়া, নামসা কনক
 পিদিয়া মালয়া সংক্ৰান্তি খেয়া খেয়া ফুলৰ মালা
 গাৰগোত পিদিয়া, বিজ্ঞ মানুৰ সাদে ফিজেত
 পিদিয়া সাহিত্যিক ভাষা বৰ্ণনা কৰতে কৰতে
 কোঙগদে যুগ আহান লালয়া গেলগা হাৰনা-
 পেইলা, এগদে বুল্লে লাখ লাখ মানু তানুৰ
 মেইথঙহানাদে আশালো চেয়া থাইতে থাইতে পিচুম
 ধলা অনি অকৰলো, খামইতেগা ধৈৰ্য্যৰও সীমা
 আহান আছে, তথাকথিত প্ৰেসিডেণ্ট গিৰিগিথা-
 নিয়ে পয়লা পয়লাদে ফুলৰ মালা, হোভা হোভা
 ছয়াত-ছয়াত খানা পেইলা, পিছেদে কালক্ৰমে
 দশ-গিৰিগিথানিয়ে প্ৰেসিডেণ্ট গিৰিগিথানিৰ বহা-
 নিৰ ডামহান পেয়া নাদানি অকৰলা। “কালস্য
 কুটীলা গতি” কিয়া বুল্লেতে এতাপাৰা সমাজ এহা-
 নৰ লাখ লাখ মানুহে পানি-ফুটা আগো প্ৰেসিডেণ্ট
 গিৰি গিথানিয়ে দিতায় বুলিয়া বাসেয়া বাসেয়া
 থাইতে থাইতে খোনি হকিয়া গেলগা। কিন্তু
 কোন ফল না ধৰলো। গতিকে সমাজৰ কেৰালী
 ধৰেকুৰা সমাজৰ আকহান বিৰাট সভাহান এহা-
 নাতউ লীলাৰ অন্ত নেই। ঔতাৰ ভিতৰে কতগো
 আকতা পদফালে আছি ঔতাইতে দৰকাৰ পৰলে
 জোৰ খাটেয়া আজগুৰি লেকচাৰ আওৰেয়া ছৌ
 ছুমাৰাৰে ধমকেয়া সমাজহান পতিত পড়িয়াউ
 থাক বা তানু নিজেউ পতিত পড়িয়াউ থাকা

কিন্তু তানুৰ লীডাৰশীপহান যেসাদেউ বজায় থানি
 লাগতয় এ মনোভাবলো সৰল, উদাৰ, মনোভাব
 সম্পন্ন ছৌ ছুমাৰাৰে বিপথগামী কৰতেপা ত্ৰিধা
 নাকৰতাৰ।

ইমা এসাদে কৰে লেহা জোখা নেই
 সমসালো তোৰে বেড়িয়া থছি, গাঙে-ঘৰে আগৰে
 আগৰ তিল নেই, দলা-দলি কোলি-গালি, হিংসা
 হিংসি মাৰা-মাৰি এতা এতাই তোৰে শান্তি
 নাদতাৰা, দুনিয়াৰ মুণ্ডে তোৰ পৰিচয় দেনা
 নুৰাৰিয় আছি। কিন্তু ইমা তাৰ জিপুতে তোৰ
 প্ৰকৃত সেৱা নাউ কৰতাৰা, বৰং তোৰে সেৱা
 কৰানিৰ সট্টানহান দিয়া খোনিগোত টিপা দেনা
 মনেইতাৰা, কিতাপাৰা আগৰ তোৰ খয়াহান মাটিয়া
 দিয়া খানি সেৱা কৰানি মনেইলেউ, তোৰ বাকী
 জিপুত কলিৰ জীৱ ঔগিয়ে থাপাৰেয়া থুপাৰেয়া
 সেচোয়ানি মনেইতাৰা। ইমা প্ৰকৃত তোৰ সেৱা
 কৰেকুৰা জিপুত নেই। মায়বী ৰাক্ষসীয়েই নিয়াম,
 গতিকে ইমা তোৰ চৰণে কাদিয়া মাতৌৰী তোৰ
 অলমী (Jaundice) নুৰাৰা এহান বালা কৰতে
 অইলে ডাক্তৰে কানা নাইতই “জাৰেকুৰা” আগৰ
 দৰকাৰ, নাইলে জনডিসহান পেটে পৰলে আৰ
 তোৰে জিংতা কৰে নুৰাৰতাঙাই গতিকে জাৰেকুৰা
 মেইপাগো কোংগই আনতই?

(মতামতৰকা সম্পাদিকা দায়ী নাইতৈ)

ৰাজবাবুৰ আন্ধ উপলক্ষে (২১ পৃষ্ঠাৰ পিছেত্ৰ)

গেই পুৰীজেলেইৰ কৰ্ত্তব্যহান। গিৰকৰ ডেকি
 নিঃস্বাৰ্থপৰ, অমায়িক, কৰ্মঠ, সমাজসেবক অনা
 প্ৰতিগো গাবৰুয়াপেই পুৰীজেলেইৰ কৰ্ত্তব্য।
 “ৰাজবাবু মণিপুৰী সমাজৰ মেৰুদণ্ডগো আছিল
 বুল্লেউ অত্যাতি নাৰ। গিৰকে সমাজৰ সেৱা
 কৰতেগা গিয়া অকালে মৰণৰ খতাত পৰিল
 বুলিয়া হাবিয়েই তাৰ আত্মাৰ সদগতিৰকা ভগ-
 বানৰাং প্ৰাৰ্থনা কৰিয়াৰ। উহানলো গিৰকৰ
 আত্মাৰ সদগতি অইতৈ বুলিয়া মোৰ মনে নাৰ।
 কাৰণ এহান মোৰ দৃঢ় বিশ্বাস— পত্ৰিকা জিংতা
 কৰিয়া খনাই গিৰকৰ একমাত্ৰ উদ্দেশ্যহান

আছিল। পত্ৰিকাহানেই তাৰ জীবনহান আছিল।
 এবাকা যদি হাবিয়ে মিলিয়া পত্ৰিকা জিংতা
 কৰিয়া খনা নুৰাৰিয়াৰ উহান অইলে তাৰ আত্মাৰ
 শান্তি কোনো দিনউ নাইতৈ। ভগবানৰাও প্ৰাৰ্থনা
 কৰি যেন তাৰ আত্মাৰ সঙ্গতি অৰ। গিৰক
 যাতে আমাৰ অগোচৰে আমাৰে এমন দৈব
 শক্তি দান কৰেৰ যেহানলো আমি অনায়াসে
 পত্ৰিকা জিংতা কৰিয়া খনা পাৰিয়াৰ।

জনৈক ৰিপোৰ্টাৰ
 অনুবাদিকা : শ্ৰীমতী অঞ্জনা সিংহ
 [যোগেন্দ্ৰ লাল সিংহ গিৰকৰ সৌজন্যত]

—ইমা মি মইলু—

শান্তিকুমাৰ সিংহ

আমি জগৎ সংসাৰ এহান দেহিয়াত্তা ইমা-
ৰকা বুলিয়া। মালক এগই নিজৰ জীৱনহান
বিপন্ন কৰিয়া জন্ম দিয়া যিহেগাই আছে জিপুৎ
এতাৰে। উহানলো শাস্ত্ৰে মাতিয়া গেছেগা “জননী
জন্মভূমিষ্ঠ স্বৰ্গাদপি গৰিয়সী”। এ ইমা এগৰে
সন্মান বন্ধা কৰাণি থকৰ প্ৰত্যেকগো জিপুতেই।
“ইমা” বুলিল শব্দ এগত হাবি শক্তি নিহিত
আছে। মাতৃজাতি এহান শক্তিৰ প্ৰতীক। জৰম
অনাৰ লগে লগেই “ইমা” লো আৰম্ভ অৰ।
লোই অইতেগাউ “ইমা”, বিপদে আপদে “ইমা”।
“ইমা” ছাড়া কোনো শব্দ আগো নাইৰ। আজি
বিষ্ণুপ্ৰিয়া মণিপুৰী সমাজ এহানাত ইমাৰ মহিমা
সম্পৰ্কে কত এলা ৰচিয়া গেছিগা উহান জাতীয়
কবি গীতি স্বামী গিৰকে মাতিয়া গেছেগা—

“ইমাৰ মহিমা বেদেতে অসীমা”

অৰ্থাৎ ইমাৰ মহিমা পুৰাণ শাস্ত্ৰ এতাৰ
গজে, ৰণন কৰিয়া লয় নাৰ।

“ইমা” শব্দ এগত কতিহানশক্তি আছে উহানৰ
প্ৰমদন নুৱা কৰে মাতিলা নেই। পৃথিৱীৰে ইমা
বুলিয়াৰ, এ পৃথিৱী এহানাত আমি বসবাস
কৰিয়াৰ, কত অনায়া কাম কৰিয়াৰ তথাপিঅউ
পৃথিৱী ইমাই সহ্য কৰিয়া জিতেগাই আছে। অৱশ্য
পৃথিৱীত যেবাৰ অতি অধমৰ কাম চলিয়া
থাৰ, পৃথিৱীয়ে যেবাৰা ওসাদে অধম এতাৰ
ভাৰ ঠিককৰে নোৱাৰিবা উবাৰা জগতপতি
ভগবান মনুষ্যৰূপে অবতাৰ অৰ বাৰো প’প

বিনাশ কৰেৰ। উহানলো গীতাৰ ৪র্থ অধ্যায়
৭/৮ নং শ্লোক দ্বিহানাত ভগবানে নিজেই
মাতিয়া গেছেগা—

যদা যদাহি ধৰ্মস্য গ্লানিভবতি ভাৰতঃ।

অভ্যুত্থানমধৰ্মস্য তদাত্মনং সৃজাম্যহম ॥ ৭

পৰিভ্ৰানায় সাধুনাং বিনাশায় চ দুষ্কৃতাম।

ধৰ্মসংস্থাপনাত্মায় সম্ভবামি যুগে যুগে ॥ ৮

হুদা আমি নাগই দৌ দৌলিশিঙ এতাউ হাবি
সৃষ্টি অহিতা আদ্যাশক্তি ইমা আৰ্য্যাবাততো।
“ইমা”ৰ গভে যত সন্তান জৰম অইতাৰা হাবি
সুসন্তান নাগে। “মাতৃ ভক্তি” বুলিল শব্দ
এহানি হাবিৰাও নাথাক ইমাৰ বাক্য থনাৰে।
ইমাৰ বাক্য থনাত গিয়া পঞ্চপাণ্ডব প’চ বেইবু
নিম্নে দ্ৰোপদীৰে বিয়া কৰলা। উতাৰ উণ্টা
যে নেই নাগই। মাতৃ ত্যাগ কৰেছিল দশৰথৰ
য়েইমাপা পুতক ভৰতে, বেয়ক প্ৰভু ৰামচন্দ্ৰৰকা।
উহান বুলিয়া ভৰতৰে আকগউ শক্তি নাগেই-
তাৰা। মাতৃবাক্য পালন কৰতেগা বহু মানু
নিজৰ জীৱন দেছি যেসাদে তিক ওসাদে জীৱন
যুদ্ধত সফল অউ অছি। ইতিহাসে কাৰেউ
না পাহৰেৰ ইতিহাসৰ পাতাত নেপোলিয়ন, ঈশ্বৰ-
চন্দ্ৰ বিদ্যাসাগৰ, মহাৰাষ্ট্ৰৰ জাতীয় বীৰ শিৰাজী
অতি বৰ্তমান কালৰ আমাৰ হাবিহ প্ৰিয় প্ৰয়াত
প্ৰধানমন্ত্ৰী লালবাহাদুৰ শাস্ত্ৰী। “ইমা”ৰ আশী-
ৰ্বাদে চন্দ্ৰ সূৰ্য্য যতদিন থাইতে ততদিন তানু
মৰিয়াউ অমৰ অয়া থাইতাই। আসল কথাহান

অছেতাই সমস্ত জাগতিক শক্তিৰ উৎস অছেতাই ইমা। মাতৃ শক্তি জাগৰিত নাইলে কোনো অশুভ শক্তি বিনাশ কৰানি সম্ভব নাপে। বাৰো মাতৃ শক্তিৰে অপমান কৰানি মানেই নিজৰ মৃত্যু বা ধ্বংস আননি। বাগ্যপে ইমা সীতাৰ গজে অনাগ্য কৰতেগা বাবন সবংগে ধ্বংস অছিল, দ্বাপৰে দুৰ্যোধন, দুশাসন আদি দ্ৰোপদীৰ গজে অত্যাচাৰ কৰতেগা নিঃবংশ অইলা। এতা অছে-তাই মনুষ্যৰ কথা। কিন্তু দৌ দৌলিশিঙে যোকাই বিপদে পৰতাৰা ঔপেইতউ মাতৃশক্তিৰ আৰাধনা কৰতাৰা। সমুদ্র মল্হন কৰতেগা মাতৃশক্তিৰে অসুৰ এতাৰে অমৃত পিনাত্ত বঞ্চিত কৰে দিলো। দৌ দৌলিশিঙে বিপদ মুক্ত অইলা। ৰাক্ষস নিধন কৰতেগা দুৰ্গা ইমা কত কপলো লুকুলেছে মহিষাসুৰ আদিৰ কথাত স্পষ্ট অৰ।

ঔ মাতৃ জাতিৰ সন্মানে আমি উটৰেয়াৰ ঠাৰ এহানৰে মাতৃভাষা' বা ইমাঠাৰ বুলিয়াৰ। ইমাৰে যেসাদে সন্মান কৰিয়াৰ, ঠিঙে ঔসাদে ইমাঠাৰ এহানৰে হাবি অউ সন্মান কৰতাৰা। এ ইমাঠাৰ এহানৰে— সন্মান জানেইতেগা কত মানু শ্বহীদ অছি উহান ইতিহাসেই মাতেৰ। কত অত্যাচাৰৰ বিৰুদ্ধে সংগ্রাম কৰিয়া ইমা-ঠাৰে বিদেশীৰ আতঙ্ক ৰক্ষা কৰছি উহান মাততই ইতিহাসে। ফৰাসী ঠাৰ এহান ইউৰোপতে কিয়া সমগ্র বিশ্বত অতি উন্নত ঠাৰ হান। এহানাউ দিন আহান জাৰ্মানৰ আতঙ্ক লাঞ্চিত অছিল।

আমি আজি বিষ্ণুপ্ৰিয়া নগিপুৰী জাত এহান নিজৰ ইমাঠাৰে শিক্ষালাভে বঞ্চিত অছি এহান হাবি ঔ অনুভব কৰিয়াৰ। আমাৰে শিক্ষাদেনা অব বৰাক উপত্যকাত বাংলা ঠাৰে, ব্ৰহ্মপুত্ৰ উপত্যকাত অসমীয়া ঠাৰে। ইতিহাস পাকৰিক চাইক ১৯৬০ ইংৰেজীত অসমীয়া ঠাৰ এহান বৰাক উপত্যকাত বাধ্যতামূলক কৰতেগা ১১ গো

বাঙালী শ্বহীদ অইলা, আসামেউ অসমীয়া ঠাৰ-ৰকা বঞ্চিত বৰপুজাৰীৰাঙতো অকৰিয়া মুজ-মিল হক গাছি ভাষা শ্বহীদ অইলা। তানুৰ বকত, তানুৰ জীবনহানি দিয়া ঠাৰহান ৰক্ষা কৰলা। জাতীয় চেতনাৰ সৃষ্টি কৰলা। ১৯৭২ ইংৰেজীত সেওকৰে ভাষা আন্দোলন অইল, বাৰো শ্বহীদ অইলা। ১৯৭৯ ইংৰেজীত বাংলাদেশী বিদেশী খেদতেগা শ্বহীদ অইলা। ঔ শ্বহীদ উতাৰে আজি জাতি, ধৰ্ম নিৰ্বিশেষে হাবিঅউ সশ্রদ্ধ হমা জানেইতাৰা।

ভাৰতবৰ্ষ' দিন আহান ইংৰেজৰ পৰাধীন আছিল। ইংৰেজৰ বিৰুদ্ধে সংগ্রাম কৰতেগা কত মানু শ্বহীদ অইলা। ভাৰতৰ স্বাধীনতা যুদ্ধৰ প্ৰথম শ্বহীদ মঙ্গলপাণ্ডে। ফামহান সময়হান কলকাতাৰ ব্যাৰাকপুৰ বাৰো ১৮৫৭ ইংৰেজী। শ্বহীদ বুলতে কোনো জাত নেই। মৰিয়াউ অমৰ অমা থায়তাৰা। দ্বিতীয় বিশ্বযুদ্ধ নেতা-জীৰ নেতৃত্বে আজাদ হিন্দফৌজ গঠন অছিল। নেতাজী গিৰকে মাতেছিল—

‘আমাকে বক্ত দাও, আমি স্বাধীনতা দিব, আমাৰ ঠাৰে মোৰে বকত দেই, মি স্বাধীনতা দিতউ। কথাহানৰ কতি শুকত্ব। নেতাজীৰ অনুপ্ৰেৰণাত, দেশহান স্বাধীনকৰানিৰ সালে হাজাৰ হাজাৰ মানু জীৱন আহতি দিলা, উহানৰ ফল স্বৰূপ আজি ভাৰতবৰ্ষ স্বাধীন। কিন্তু ঔ মানু যেতা নিজৰ জীৱন দিলা তানুৰে কি ভাৰতবৰ্ষৰ মানুয়ে পাহৰতাইতা? নেতাজী গিৰকেৰে কি মানুয়ে পাহৰতাইতা? না তানু মৰিয়াউ অমৰ। ভাৰতবৰ্ষৰ স্বাধীনতা আনতেগা যে গিৰকগই নেতৃত্ব দেছিল, ঔগৰে জাতহানৰ বাপকগো বুল্লা, ঔ গিৰক মহাত্মাগান্ধীৰে গুলি কৰিয়া নাথুৰাম গডসেই মাৰেলা। মহাত্মা গিৰকেৰে শ্বহীদগো বুলিয়া ঔ মৰেছে ৩০ জানুৱাৰী দিনহানৰে জাতীয় শ্বহীদ দিবস হিসাবে পালন কৰতাৰা। আসামৰ বিদেশী বিতাড়নে প্ৰথম শ্বহীদ খৰ্গেশ্বৰ তালুকদাৰৰ

মৃত্যুদিবস ১০ ডিসেম্বৰ প্ৰতিবসৰ আসামে
শহীদ দিবস হিচাবে পালন অৰ।

নিজৰ ইমাতাৰ নিজৰ দেশহান বন্ধা কৰা-
নিৰকা যেগই যেগই প্ৰাণ আহতি দেহি তানুৰ
ওঁ ত্যাগ বিফল নাহে বাৰো নাও অৰ।

কবিগুৰুবিন্দ্ৰনাথ ঠাকুৰে ইকবিয়া গেছেগা—
“জীৱনে যতপূজা হলনা সাৰা, জানিহে জানি-
তাও হয়নি হাৰা।”

অৰ্থাৎ কোনো কাম অথলে নাযাবনা, আক-
দিন না আকদিন তাৰ প্ৰতিফল আহেৰ। আজি
বিষ্ণুপ্ৰিয়া মণিপুৰী ঠাৰ এহান আৰ্হীঠাৰহান।
এহান ৰাজৰোষে পৰিয়া বিলুপ্ত অনাৰ পথগত
দিন আহান আহেছিল, কিন্তু জাতীয় চেতনা
সৃষ্টিকাৰী শহীদ ৰাজবাবু গিৰকৰ প্ৰাণৰ বিনি-
ময়ে আহিল বিষ্ণুপ্ৰিয়া মণিপুৰীৰ ভিতৰে জাতীয়
চেতনা ইমাতাৰৰ প্ৰতি সচেতনতা। আমি
গৰ্ববোধ কৰে পাৰিয়াৰ আমাৰ ঠাৰৰকা জীৱন
দিয়া গেছেগা। ওঁ শহীদ গিৰক উগোৰ কাহিনী
আমাৰ উষ্ণতা আহিতাবা ছউ ছুমাৰাই কতিহান
হাবগাহি? কিহান অইলে শহীদ আইতাৰা,
যেগোৰে শহীদ বুজিয়াৰ তাৰ সম্বন্ধে কতগোই
বা কতিহান হাবগাহি? ওঁ শহীদ ৰাজবাবু
গিৰক এঘাটিক কম বয়সে পৃথিৱী এহানাত
যানা এহান বিষ্ণুপ্ৰিয়া মণিপুৰী সমাজৰ অপূ-
ৰণীয় ক্ষতি আহান উহান মৰ্মে মৰ্মে উপলব্ধি
কৰিয়াৰ।

গিৰকৰ জীৱন আদৰ্শ আমাৰ সমাজৰ প্ৰতি অন্য
জাতৰ অবহেলা গিৰকে সহ্য কৰে নোৱাৰেছিল।
বিষ্ণুপ্ৰিয়া মণিপুৰীৰে বিটিলে মেৰকা পাকত্যা
জাতিহান ৰুপিয়া ঘোৰনা কৰলো, নংসাগোৰ
ডেকি উহানৰ প্ৰতিবাদ কৰানিয়েই নাগই প্ৰমান
কৰে দেছিল আমি আৰ্য্য সন্তান, প্ৰমান কৰে-
দেছিল যে বিষ্ণুপ্ৰিয়া মণিপুৰী ঠাৰ এহান মণি-
পুৰৰ আদি ঠাৰহান। মৈতে ৰাজাৰ কৰলে

পড়িয়া ঠাৰ এহান লুপ্ত অনাৰ পথে আহিল।

ৰাজবাবু গিৰকৰ বিষ্ণুপ্ৰিয়া মণিপুৰী ঠাৰ
হানৰ প্ৰতি ঐকান্তিকতাৰ প্ৰমান স্বৰূপ “মণি-
পুৰী” পত্ৰিকা সম্পাদনা কৰিয়া উহানৰ মাধ্যমে
সমাজ চেতনাৰ চেউ আপো আনেছিল।

সমাজৰ চিন্তাশীল সমাজদৰদী মানু গীতি
স্বামী, সমৰজিৎ সিংহ, হৰিদাস সিংহ ফাল্গুনী
সিংহ, লৈলুময়েনা সিংহ, কুঞ্জলাল সিংহৰ, সান্নিধ্য
পাছিল। গিৰকে বিষ্ণুপ্ৰিয়া মণিপুৰীৰ ইমাইন্দলৰ
ৰাজাৰে কানা এহানা সম্পৰ্কে বিৰোধীতাই
নাগই এলা লেংকৰে লেংকৰে ইমাইন্দলৰ ৰাজাৰ
কানা এহান বন্ধ কৰেছিল।

আজি গিৰকে জীৱনহান সমাজৰকা কাত-
কৰলো, কিসাদে কৰে তাৰ মৰণহান অছিল
ওঁ হান অতি মৰ্মাত্মিক। কোনো আততায়ীৰ
আতে তাৰ অমূল্য প্ৰাণহান গেলগা। মৰাণিৰ
সময়ত “ইমা মি মৰলু, ইমা মি মৰলু”

এ শব্দ এহানি আমাৰ বিষ্ণুপ্ৰিয়া মণিপুৰী
সমাজৰ প্ৰত্যেকগোৰ অন্তৰে কাটাগোৰ ডেকি
বিধিয়া আছে। গিৰক শহীদ অইল, তাৰ
জীৱনহান সমাজৰ পূজাত কাতকৰলো কিন্তু
পূজাহান এবুজো পেয়া লৈনাসে, পূজাহান অসমাপ্ত
অয়া আছে, অথচ কবি ববীন্দ্ৰনাথ ঠাকুৰৰ বাস্তব
ধৰ্মী কবিতাত মাতিয়া গেছেগা— “যে নদী হাৰাল
ধাৰা, জানিহে জানি তাউ হয়নি হাৰা।” অৰ্থাৎ
পানীৰ ঘাটহান লেঙোৰ ছাতিগত আয়া বন্ধ
নাৰ, ভিতৰে ভিতৰে পানীৰ ধাৰাহান চলতেই
থাব, কোনো না কোনো ফাম আহানত লুকুল-
তৈগা। গিৰকৰ আত্মা উগো শান্তি না পাছে
যতদিন তাৰ ইমা ঠাৰহান প্ৰচলিত নাৱ, তাৰ
আত্মাউগোই এবাকাউ কাদেৰ মাতেৰ— “ইমা
মি মৰলু...।” এহান কি বিষ্ণুপ্ৰিয়া মণিপুৰী
সমাজে না ফোঁ অসেগা? ফোঁঅনি বাকী নেই।
তাৰ জীৱন উৎসৰ্গ কৰেছে বিষ্ণুপ্ৰিয়া মণিপুৰী

সমাজৰকা, ইমা ঠাৰৰকা, তাৰ পশ্চাদবৰ্তী কাম
 উতা পিছেকাৰ বংশধৰৰে সমজাদিয়া গেছেগা,
 পথগো দেহা দিয়া গেছেগা যে “Pen is mightier
 than Sword” অৰ্থাৎ কলমগো তৰোয়াল-
 হানাত্ব শক্তিশালী।” প্ৰমাণ-গিৰকৰ পাংকালপা
 কলমগোৰ জেৰিহান এমাটিক নিয়াম যে
 প্ৰতিপক্ষই দেখলা এগৰে নিয়াম দিন জিংতা
 কৰিয়া থনা মানে তানুৰ বিপদ, এগৰে সেচানিই
 লাগতৈ। পৃথিবীত্ব ভাবে ছেচানি অইল, কিন্তু
 তাৰ অমৰ কাম উতাই সমাজৰে উদ্ধুদ্ধ কৰিয়া
 গেলগা। গিৰকৰ আত্মাগোৰ শান্তি পেইতই
 যেবাকা গিৰকৰ ইমাঠাৰাহান সবকাবী ভাবে
 প্ৰচলিত ঐত। গিৰকৰ আত্মাৰ শান্তিৰকা
 গিৰকে সমাজৰ প্ৰতি উৎসৰ্গ কৰেছে জীবনহানৰ

প্ৰতি মৰ্যাদা দিতেগা হয়ত আৰাকৌ সংগ্ৰাম
 কৰিয়া যানা লাগতৈ। ঐ সংগ্ৰাম কৰিয়া যানাত
 আমাৰ প্ৰেৰণা অক “ইমা মি মৰলু----”।
 কোন ইমা ঐ ইমা আমাৰ বিষ্ণুপ্ৰিয়া মণিপুৰী
 ইমা। উত্তিক ৰাজবাবু গিৰকৰ অমৰ আত্মাৰ
 প্ৰত্যাহ্বানে সমগ্ৰ বিষ্ণুপ্ৰিয়া মণিপুৰী সমাজ।

কোনো বাঙালী কবি আগৰ লেওকৰা কবিতা
 আহানৰ লাইন কতহান মনে পড়েৰ—

‘উদয়েৰ পথে শুনি কাৰ বাণী
 নিঃশেষে প্ৰান যে কৰিবে দান
 ক্ষয় নাই তাৰ ক্ষয় নাই।’

শ্বহীদ গিৰকৰ আত্মাগো অক্ষয়, অমৰ
 বিষ্ণুপ্ৰিয়া মণিপুৰীৰে গিৰকৰ পুণ্যাআগলো
 পৰিচালিত কৰক।



সেউজ শসাদূমিৰ
 মানুহৰ ঞাণে ঞাণে
 স্পন্দিত

প্ৰেম আৰু শান্তিৰ
 অপকণ ছন্দ।

মাজে মাজে
 বাতিৰ বিপন্নতাই ঢাকি ধৰে;
 দুৰ্গম পথৰ অন্ধকাৰত হেৰায়
 জীবনৰ বৈভৱ
 যৌৱনৰ স্বপ্ন।

সম্ভাৰবাদৰ কুৎসিত দুহাতত

অপৰাধ আৰু গুৰুনিবে
 সময় হয় উলংগ
 সমস্ত জীবনৰ প্ৰজ্ঞাবে
 যৌৱনৰ প্ৰেমৰ অৰ্থেৰে
 বাবে বাবে মানুহে বচিছে
 মানৱতাৰ মহান ইতিহাস।

এই ইতিহাস ---
 যুগে যুগে সম্ভাৰবাদৰ অবসান ঘটাই
 সাজিব পাৰিছে জনজীবনৰ
 শান্তিৰ পঁজা।

জনসংযোগ

ঐদুৰ্দ্ধগোগাপাল সিংহ স্মৃতি গল্প প্ৰতিযোগীতা

এবছৰেহে অকৰিয়া মোৰ পূজনীয় খুড়া গিৰক ঐদুৰ্দ্ধগোগাপাল সিংহৰ স্মৃতি বন্ধাৰ উদ্দেশ্যে 'মেঙোসেল' বিষ্ণুপ্ৰিয়া মণিপুৰী ঠাৰে গল্প প্ৰতিযোগীতা আহান আহবান কৰাৰি আইল। স্বৰ্গীয় খুড়া ঐদুৰ্দ্ধগোগাপাল সিংহ গিৰকৰ সাহিত্যৰ প্ৰতি অতি আগ্ৰহশীল আছিল।

গল্পউহান ফুলক্ষেপ কাগজৰ পিঠি আকেইহানাত কম পক্ষেউ ১৫০০ শব্দৰ ভিতৰে পৰি-
০কাৰ কৰে ইকৰিয়া দিয়া পেঠাদেনা লাগে। নিৰ্বাচিত গল্প মেঙোসেল বা নুৱাদৃষ্টি পত্ৰিকাত
প্ৰকাশ কৰাৰি আইতে। প্ৰতিযোগীতাৰ প্ৰথম, দ্বিতীয়, তৃতীয় পুৰস্কাৰ ক্ৰমে ৰূপা ১৫০.০০
ৰূপা ১০০.০০, ৰূপা ৭৫.০০।

ঐমাইসেনা দেবী স্মৃতি গল্প প্ৰতিযোগীতা

মোৰ পূজনীয়া খুড়নক ঐমাইসেনা দেবীৰ স্মৃতিত বিষ্ণুপ্ৰিয়া মণিপুৰী ঠাৰে ৭ম মানেক
১০ম মান শ্ৰেণীৰ ছাত্ৰৰ ভিতৰে গল্প প্ৰতিযোগীতা আহান আহবান কৰাৰি আইল। গল্পউহান
কমপক্ষেউ ১৫০০ শব্দ ফুলক্ষেপৰ কাগজৰ পিঠি আকেইহানাত ইকৰিয়া দিয়া পেঠাদেনা লাগে।
প্ৰতিযোগীতাৰ ১ম, ২য়, ৩য় পুৰস্কাৰ ক্ৰমে ৰূপা ১২০.০০, ৰূপা ১০০.০০, ৰূপা ৭৫.০০ দেনা আইতে।

গল্প পানাৰ শেষ তাৰিখ ৩০ জুলাই। ভক্তি মাণ্ডল না লাগে। বিচাৰকৰ সিদ্ধান্তই চৰম
সিদ্ধান্ত গন্য আইতে। নিৰ্বাচিত গল্প মেঙোসেল বা নুৱাদৃষ্টি পত্ৰিকাত প্ৰকাশ আইতে। ফুলেৰ ছাত্ৰ-
ছাত্ৰীৰকা পুৰস্কাৰ বিতৰণীৰ সময়ত স্কুলৰ হেডমাষ্টাৰ বা প্ৰিন্সিপালৰাঙতা প্ৰমাণ পত্ৰ লাগে।

গল্প নিৰ্বাচিত নাইলে প্ৰয়োজনবোধে পুনৰ সম্পাদনা কৰিয়া মেঙোসেল বা নুৱাদৃষ্টিৰ
প্ৰকাশ কৰাৰি আইতে।
দিয়া পেঠানিৰ ঠিকানা—

শান্তিকুমাৰ সিংহ

মাৰফৎ — ইষ্টাৰ্ণ প্ৰিন্টাৰ্চ

আৰ, জি, বকৰা পথ, গুৱাহাটী-২৪ (অসম)

গুৱাহাটী গৌ

গুৱাহাটী ২৩ মে'

ত্ৰিপুৰা বিধান সভাৰ অধ্যক্ষ শ্ৰীবিমল কুমাৰ
সিংহ গিৰকে নিখিল বিষ্ণুপ্ৰিয়া মণিপুৰী
চট্টডেণ্টস ইউনিয়ন বহুতৰ গুৱাহাটী শাখাত
স্থানীয় ডিস্ট্ৰিকট লাইব্ৰেৰীত সম্বন্ধনা জানানি
অৰ। সভাত সভাপতিত্ব কৰেছিলতাই নিঃবিঃমঃ
মহাসভাৰ প্ৰাক্তন সাধাৰণ সম্পাদক শ্ৰীমনোৰঞ্জন
সিংহ গিৰকে। শ্ৰীবিমল কুমাৰ সিংহ গিৰক
বিষ্ণুপ্ৰিয়া মণিপুৰী সমাজৰ অতি জনপ্ৰিয়
নেতাগো। গিৰকৰ পুষ্টি, উন্নতি — বিষ্ণুপ্ৰিয়া
মণিপুৰী সমাজে কামনা কৰতাৰ।

গুৱাহাটী-২৭ মে'

বিষ্ণুপ্ৰিয়া মণিপুৰী ঠাৰে ডাকৰ পুংলেল,

বাগ ডালৰ গজে ইকৰা পয়লা বইহান "মুদন্ত
মঞ্জুৰী" স্থানীয় গৌৰী সদনে উন্মোচন কৰেৰ
আসাম সৰকাৰৰ জনসংযোগৰ সঞ্চালক বাৰো
আজিৰ সভাৰ মুখ্যঅতিথি শ্ৰীবিমল কুমাৰ হাজ-
ৰিকা গিৰকে। সভা উহানাত সভাপতিত্ব কৰেৰ
সাংস্কৃতিক সঞ্চালকালয় সঞ্চালক শ্ৰীআনন্দ মোহন
ভাগৱতী গিৰকে। সভাহান উদ্বোধন কৰেৰ সাংস্ক-
তিক বিভাগৰ উপ-সঞ্চালক নাট্যকাৰ, শ্ৰীদুলালৰয়
গিৰকে। সভাপতি নিৰ্দিষ্ট বক্তা আছিলতা শ্ৰীউদয়
চান্দ সিংহ। আৰাক কথাছবিৰ শিল্পী শ্ৰীনিপন
গোস্বামী গিৰকৰ গজে বহু গন্যমান্য মানু উপস্থিত
আছিল।

লেবিকহান লেওকৰেছেতাই বিষ্ণুপ্ৰিয়া মণি-
পুৰী সমাজৰ অন্যতম শিল্পী মুদঙ্গাচাৰ্য্য নীল-
মাধব মুখাৰ্জী গিৰকে।

স্বৰ্গৰ ৰাজনীতি

ইন্দ্ৰকুমাৰ সিংহ

চৰিত্ৰ

মুনি

বেয়াপা

১। ব্ৰহ্মা ২। যম ৩। চিত্ৰগুপ্ত ৪। কুঞ্জলাল
৫। চাউবা ৬। মনি

১। আৰ্য্যা ২। গিথান ৩। লক্ষী ৪। চন্দ্ৰ

আৰাৱতা

১। যমদূত ২। বীৰসিং ৩। চন্দ্ৰ সিং ৪। দয়াল ঠাকুৰ
৫। শিব দূত ৬। বিষ্ণু দূত ৭। নৰকৰ নেতা

পইলা দৃশ্য

আৰ্য্যা— (চুল এবাৰিমা বিমৰ্ষ অগ্না বগ্না আছে)

—ব্ৰহ্মা হমেইল—

ব্ৰহ্মা— হে সুভাগী ! আজিতে কিয়া তোৰ এবেশ ?
কিসাদে ত্ৰাপিত্ত তি এসাদে ৰূপ ধৰলেতা হে
সুভাগী ?

আৰ্য্যা— সুভাগী নাগই অভাগী ।

ব্ৰহ্মা— হাঃ ! কিয়া ? মোৰ সাদে আদিদেব ব্ৰহ্মাৰ
বনিতা তি । ভাগ্যবতী নান্না অভাগীতে কিসাদে
অইলেতা ?

আৰ্য্যা— হে আদিদেব ! তি নিজে কুপকৰে খালকৰ,
তোৰ অস্তিত্ব এ ব্ৰহ্মাণ্ড এগত কতিহান আছেতা ।

ব্ৰহ্মা— হাঃ ! কিয়া, ব্ৰহ্মাৰে নাটিনেকুৰা ব্ৰহ্মাণ্ডৰ মা
কুনোগো নেই । ব্ৰহ্মা, বিষ্ণু, মহেশ্বৰ, এ তিন
গিয়ে একেশ্বৰ, এহান জগৎহানে হাবপাছি ।

আৰ্য্যা— ঔহানহে খালকবিয়া ত্ৰাপিত্তই আকয়া জিআগ
হংকবিয়া ফালদিয়া মৰিং বুলুবিতা ।

ব্ৰহ্মা— হা ! এমাটিক দুঃখ ?

আৰ্য্যা— নিজে খালকৰ, তিনগো দৌৰ হাদিত, তোৰ কুনো
ফাম আছেতা ? বিষ্ণু-লক্ষ্মী, বাধাকৃষ্ণ, মহাদেব
দুৰ্গা, গণেশ, পৰিবাৰ ভিত্তিক ভোগ কৰানি—
কিন্তু ব্ৰহ্মাৰ কিতা আছে ? ব্ৰহ্মাৰ ভক্ত নেই
মন্দিৰ নেই, পূজা নেই, নেই বুলতে কিতাউ নেই ।
বেজিষ্টাৰীত নাংহান আছে কামে নেই । হুই
হুই, কুনো আগৰ কলা আগ, সেলকম ফুট,
ফুল আগ পেয়া নাততাবা । এসাদে অগ্না থানাৰ সাক-
কতে মৰানিয়ে বাল ।

ব্ৰহ্মা— হায়হে, দ্বিগিয়ে মূল মূল দপ্তৰগি পেইলাহানতে
মোৰ এ গতি ।

আৰ্য্যা— মানে দপ্তৰ বিহীন দোগো ।

ব্ৰহ্মা— হায়হে, তি মাতৌবী এহান ছত্ৰমেউ খালকবিগ

বিষয় হান। মোৰতা মাতে গেলগা কিতাউ
নেই। হুদা ব্রহ্মলোক বুলিয়া ফামআহান আছে দুয়াই
আবতাতে কিতাউ নেই।

আৰ্য্য— বীৰভোগ্যা বসুন্ধৰা— শাস্ত্ৰৰ কথা হান। নাপাল
থয়া নিজৰ অধিকাৰ নিজে আনানি পাবেৰ
ওগহে মুনিগ নাই। কাপুকমৰ অন্তিত হাবি সময়
বিপন্ন।

ব্রহ্মা— হুতুম্বেমি কাপুকম! ব্রহ্মাও জুড়িয়া লক্ষ্মী-নাৰায়ণ,
শিব-পার্বতী মৰ্ত্তবমা, বাধ কৃষ্ণ গনেশ, পুংখাত্
তানুৰ আধিপত্য চালাছি কিন্তু, মোৰ কোনো অন্তিত
নেই মোৰ কোনো ভক্ত নেই, মি মানুৰে কপা দেনা
নাৰোৰি। আশা থুংকবে দেনা, শক্তি দেনা নাৰো
দেনা নাৰোৰি, অভাগাবে ভাগ্য দেনা নাৰোৰি
কিহান লাভ থায়া মোৰ পূজা কৰতাইতা?

আৰ্য্য— কপা চাকুৰাই লক্ষ্মী ভজতাই, হাবি ফল প্ৰাপ্তি-
বকা বিষ্ণু, শক্তিবকা দুৰ্গা, নুঙেই কবে স্বার্থ আদায়
কৰানিবকা মহাদেব, বাণিজ্যত উন্নতিবকা গণেশ।
ওহানেতে তোৰে ভজিয়া মানুৰ কনো লাভ নেই।
কিয়া বুলে তোৰা পানাবতা কিতাউ নেই।

ব্রহ্মা— মৰ্ত্তবমা এবাকা বাধাকৃষ্ণৰ প্ৰেমৰজুৱাৰ অগ্নাকাছে।
মিতে প্ৰেমহীন অপদার্থ স্বৰূপ। উঃ! অপমান-
না, এহানৰ প্ৰতিকাৰ লাগতৈ।

আৰ্য্য— যেসাদেও লাগতৈ। মোৰে পাক্কালদে, মি এহানৰকা
ঠাইগো দিয়াউ তোৰে প্ৰতিষ্ঠা কৰতৌ-কৰতৌ।

ব্রহ্মা— শত সহস্ৰ আশীৰ্বাদ। মোৰে নুৱা পথ দেহা
দিলে। মি মৰ্ত্তবমা নিজৰে প্ৰতিষ্ঠা কৰতৌ।

আৰ্য্য— ওৰে ছন মৰ্ত্তবৰ কথা। মানুৰ থতাত কিসাদে
দৌৰ বাখ্যা চলেছেতা— দিবা দৃষ্টিলো চ।

ব্রহ্মা— হাট হাট নীৰবে বয়া চেইকগা মৰ্ত্তব মানুৰ কৰ্ম
বাবো কথা। (দ্বিগুনী গেলাগা)

(পদ' হান পড়িল)

২য় দৃশ্য

(গাঞ্জাৰ আসৰ)

কুঞ্জলাল— মণি চাউবা (গাঞ্জা পিতাবা)

কুঞ্জ— ধন্য মণি ধন্য, সাইক্লোনে ঘৰগ'উবেয়া নিলেগাউ
বজ্জ আহান না খালকবেহুত। মইলক, শৌ পাছ-
বিয়া পয়লাই টিকিৰ পেলিগ' আগে বক্ষা কবেহুত।
খাটি ভোলানাথৰ শিষ্য'তি।

মণি— হ্যা হ্যা, পেইলেগা পেইলেগা। টিকিগী ভিঙলেতে
হাবিতা ফৰসা। ঠাইগিতে টিকিগীত, পয়লা টিকি
বক্ষা— থাংনাত মোৰেই জিপুত। কিন্তুমান ভোলা-
নাথৰ অসীম কৃপা, শৌগই, মালকে চৌকিহানাব
তলে কিতা আহান নায়া বয়া আহি। ঘৰগতে
নেই—বোঁ-বাজ্জা হবিবলা কবে দিল।

চাউবা— কৃষ্ণৰ কৃপা নায়। মোৰতাতে—

কুঞ্জ— খেত্ ভোলানাথৰ কৃপা বুল।

চাউবা— কিয়া?

কুঞ্জ— গাঞ্জা পিয়েকুৰা মানু মাজ্জই মহাদেবৰ ভক্ত।
কৃষ্ণভক্তই গাঞ্জা পিতাবাতা নাগই। গাঞ্জা এক
চেটিয়া আমাৰতা মানে ভোলানাথ গ্ৰুপ।

চাউবা— মি কৃষ্ণ এড়ৈদেনা নুৱাবতৌ।

কুঞ্জ— উতাইলেতে গাঞ্জা বাদদে। কলা খা, নিৰামিষ
খা, চিকাগাছ থ', নামসা পিদ, মালা জপকৰ।

চাউবা— না, ওহানেতে ক্ষমতা নেই।

কুঞ্জ— উহান অইলেতে পথ আকগ ঘৰ, হয় বিম্বলোক,
নয় শিব লোক।

মণি— খাটি কথাহান। মিতে শিবলোক প্ৰাপ্তি চাউবি।
মি মৰানিৰ আগে জৰুৰ কবে বম ভোলানাথ-
বম ভোলানাথ সংকীৰ্ত্তন ছনভৌগ।

কুঞ্জ— হেই মণি! মোৰতাতে এমনৌ নুৱাবা আহান
আছেগ। ওহানে কিতাপাবা মি আগে মৰলে—
হাবপেইলে—মণি, ওৰে ধানে হমাছে বুলতাবা
তাজা উগত, ধূপৰ বদালা গাঞ্জাৰ ধূয়া এড়া দিয়কো।

ইমে ধূমাময় অক। বাবো বম ভোলানাথ-বম
ভোলানাথ ধনি এহানতে তেতনায়া সলয়কবিকো।
বমবাজাৰ দুৱাৰে নাগিয়া, ইমে ইজ্জম লপুক সাময়া
শিবলোকে যিতো গাগো। কথাহান থইতেই নাই
মণি, চাউবা ?

মণি— কুঞ্জ দা! চাউবাৰ কথাহানতে মি মাতে নুৱাৰতো।
মিতে ইমে মেয়েকগ'লেহে ইলয়তোগ।

কুঞ্জ— কইতে! হুললেগ।

(গিথান হমেইলী)

গিথান— কিগ' ?

কুঞ্জ— কিভা কিগ' ; হাঃ! কি আচানকহান হে।
এহানলো বস নেই জেলেই বুলতাৰহান আছে।

গিথান— কিভা আছেথাং মাতবেনায়া।

কুঞ্জ— হাঃ! কি কিভা! মি কইতে বুলতে অৰ্থহান হাব
নাপেইলে ঔগতে কিসাদে জেলাগো।

গিথান— (মুকসিদিয়া) অ-হাব পেইলু (গেলীগা)

কুঞ্জ— জোশিং বাট্টি বেয়াপা এতা ওয়াখুদা। একাকা
উনি অৰ্থহান হাবপেইলতা।

(গিথান গাঞ্জালো হমেইলী)

গিথান— ধৰ এবে— খোনি থেংকবে আসুলো।

কুঞ্জ— ভেস-এয়া একাকাতে স্নাকবলু ভোৰ নাঙ গিথান
উহান নান্না গিথানক নাঙহান মি থ দিলু।

গিথান— অইলগা, অইলগা। থাকাতৰ দৰকাৰ নেই, ভোমাৰ
আসুলবাই নেই আসুলো। (গেলীগা)

চাউবা— (গাঞ্জা মলেমলে) কুঞ্জ! মাতলেহান হায়হান।
মিয়ো বিয়ুলোক বাদ দিয়া শিবলোক ধৰতো
পাউবি! কৃষ্ণ ভজনে নুঙেই নেই। গাঞ্জাৰ ধূমা
যেসাদে নুংশী মহাদেবৰ নাঙ ওসাদে নুংশী। মৰলে
ভিনগিয়ে আকসাটে শিবলোকে গিয়া যুগ যুগ
ধৰিয়া আসুলে আসুলে থা পাৰতাঙাই।

কুঞ্জ— ভেস ভেস, পেইলেগা। দেবাদিদেব মহাদেব। তাৰে
পেইলে আৰ কিতাউ না লাগেৰ।

মণি— (গাঞ্জাকাৰী কাত কৰিয়া) ব-ম শিব শঙ্কৰ কৈলাশ-

পতি-খানে ওয়ালা কড়ি মাটি— দেখনে ওয়ালা
গাঙ ফাৰি।

কুঞ্জ— গিৰাতো, আজিউ দেখনে ওয়ালা কড়ি মাটি—
কালিউ দেখনে ওয়ালা কড়ি মাটি। নুৱাতা আহান
হনুৱানে। ভিত্তে কৰি আগো।

মণি— জকৰ ইমে একাকাৰ গায়। গাঞ্জা ভজ, গাঞ্জা
চিহ্ন, গাঞ্জা কৰ সাৰ— অনন্ত গাঞ্জাৰ নাং মহিমা
অপাৰ। গাঞ্জাৰ নাং জপে জপে যোগো মৰে
পাৰেৰ— সেইকাত ভোলানাথ তাৰে পাৰ কৰেৰ।
গাঞ্জাৰ নাঙলয়া যদি মৰেৰগা কুকুৰ— যমে মাতের
আছিল মোৰ বাপকৰ ঠাকুৰ।

কুঞ্জ— ফাৰে ফাৰে। কালিদাস পণ্ডিতৰ গজে গজে তি
অসতহে।

চাউবা— (গাৰগত ফুতিহান দিয়া) কবিগুৰু ধন্য ধন্য।

কুঞ্জ— গাঞ্জা সুগাঞ্জা কিমনে খাদ্য বিস্তাৰ :

যা স্বয়ং মহাদেবস্য মুখপদ্ম বিনিসৃতা :

গাঞ্জা, গঞ্জিকা, গাজা; গন্ধৰাজ হৃদিস্থিতে

চতুৰ্গকাৰ সংযুক্তে পুনঃ জন্ম ন বিদাতে।

চাউবা— আঃ, আমাৰ জাতবকোৱা ওয়া গিবকে লক্ষা-
কাণ্ড, কুকক্ষেত্ৰ এতা কৰলো হাকতাকে আমিতে
হুবকাং অছিলং। তাৰ মহাদেবৰ এলা উহান
আঃ নুংশিয়েদা।

কুঞ্জ— বাছাই, অনথকপা আহান নিংশিং কৰলেহে।
ধন্য কোৱা ওয়া বিয়ু-প্ৰিয়া মণিপুৰী বত্ৰ আগো।
তাৰ এলাহান হুন।

বম্ বম্ বম্ বব বম্ বব বম্, ধৰে কৰ ভঙ্গুৰ বাজে
নাচে গাওয়ে ভোলা পৰম আনন্দে, বিভূতি ভূষণ
সাজে।

মণি— ফাঞ্জিয়েদা— (প্ৰেম কৰে)

কুঞ্জ— একাকাতে বাতিহান নিয়াম অইল। আজিকাৰ
উৎসবহান সাজ কৰিক। বল প্ৰেমসে, বল বম্
ভোলানাথ। (গেলীগা)

(পদ'হান পড়িল)

৩য় দৃশ্য

(ব্রহ্মা বাবো আৰ্য্যা বহেছি)

ব্রহ্মা— হে দেবী! মোৰ আহিণী মেলাদিলে পাৰা।
মতৰ দৃশ্য এতা দেহিয়া হাবপেইলু, ব্রহ্মাৰ কোনো
ফাম নেই লক্ষ লক্ষ মানু গাঞ্জা পিতাৰা।
হাবি এক চেটিয়া মহাদেবৰ ভক্ত এ হাদি এগত
কিসাদে মোৰ ফাম নিতৌগা এহান মোৰ খাল
কৰিল বিষয়হান।

আৰ্য্যা— বাজনীতি-বাজনীতি। হাবিতা বাজনীতিৰ খেল।
বিষ্ণু বাবো মহাদেবৰ সাদে দুগো শক্তিৰে পৰাভূত
কৰানি ইজুহান নাগৈ মি হাবপাউৰি। কিন্তুমান
শান্তত আছে, কোনো হুবকাং শক্তি আহানৰে ডাঙৰ
শক্তি আহানে আক্রমণ কৰলে ও হুবকাঙ শক্তি
উহানে আৰাক ডাঙৰ শক্তি আহানৰ আশ্রয়
লনা থক।

ব্রহ্মা— উত্তম যুক্তি। কিন্তুমান মহাদেব বাবো বিষ্ণুৰ
গজ্জেদে আৰ কোনো দৌ নেই, য়েগৰ লগে মিত্ততা
কৰতৌতা। মহা চিন্তাহানাত পবলু।

আৰ্য্যা— কোনো চিন্তা নেই,। আকগ পথ আছে। য়ে পথগ
ধৰলে মহাদেব বাবো বিষ্ণুৰ বাজনীতি চূৰ্ণ অইতৈ।

ব্রহ্মা—মাত দেবী ভবাকৰে মাত। কিসাদে লৌশিংহান
নিকাল্লেতা।

আৰ্য্যা—আকগ পথ আছে। আমি ধৰ্মৰাজ যমৰে ধৰানী
লাগতৈ। তাৰ লগে মিত্ততা কৰলে বাকি কৰ্ম
সিদ্ধি অইতৈ।

ব্রহ্মা— হাঃ! যমৰাজা গিবকেতে কিহান কৰে পাৰতৈতা?

আৰ্য্যা—মূল চাবিগ যমৰাজাৰ আতে। দৌ এগিলে যমৰে
পাপ পুণ্যৰ বিচাৰে খদিয়া যমৰে ডবপেইল মাচাক
দৌ আগ সৃষ্টি কৰিয়া তানু কাম উদ্ধাৰ কৰানিত
লাগেছি।

ব্রহ্মা— চমৎকাৰ— উত্তম যুক্তি

আৰ্য্যা— তি নিজে খালকৰ পাপ নাকৰেকুৰা মানু
নেই। পাপীৰ শাস্তি যমৰাজাবাং ডবপেইল মাচাক।

পাপীয়ে নবকৰ হাজাৰ হাজাৰ বছৰ ভোগ কৰানি
লাগেৰ। উহানেতে মানু হাবি যম বাজাৰে ডবোয়া
হুতগৰ সাদে বিষ্ণু বাবো মহাদেবৰ শৰণাশ্রয়
অইতাৰা। কিয়া বুল্লে, যতও পাপ কৰক, মৰা-
নিৰ আগেই কৃষ্ণ নাঙ বা মহাদেবৰ নাং, ধৰিয়া
মৰলে আৰ যমদূতে উতাবে ধৰে নুৰাৰতাৰা।

ব্রহ্মা— হায় হান। আকথুকম তানুৰ নাঙ জপ কৰলেই
হাবি পাপেত পুৰি মুক্তি। এমাটিক সহজ পথ
কুদৈ এড়াতিয়া।

আৰ্য্যা— এবাকাতে হুন। যমপুৰীত গিয়া যমৰে মাতগা
বুজাগা য়ে, মৰলেই য়েসাদেও যমৰাজাৰ আদালতে
হাজিৰ অনা লাগতৈ। শিবদূত, বিষ্ণুদূতে আৰ
নেনা নুৰাৰতাই। পাপীৰ শাস্তি য়েসাদেও অনা
লাগেৰ। এহান জাৰী কৰেদিলেই তানুৰ ভক্ত হু
হু কৰে কমতায়। উপেইত তোমাৰ ফাম নিকাল
পাবতাই।

ব্রহ্মা— জবৰ হবা পৰিকল্পনা হান। মি নুৰা মিঙাল
পেইলু। এখুকম মোৰ অন্তিত মৰ্ত্যলোকে স্নাকৰতে
বাধ্য। হে দেবী আৰ্য্যা। মি এবাকাৰ গায় হংস
বাহনে যমপুৰীত সালইলু। (গেলগা)

আৰ্য্যা— হাঃ হাঃ হাঃ! এখুকম মোৰ পতি গিবকৰে মৰ্ত্য-
লোকে প্রতিষ্ঠা কৰতৌ। আহক বৌ বৰগ ডবনেই,
কিন্তুমান য়োৰ সংকলপ পতি দেবৰ প্রতিষ্ঠা—
বেয়াপাৰ পাংকাল এখুকম হাবপেইতাই।

(গেলগা)

(পদী হান পড়িল)

৪র্থ দৃশ্য

যমপুৰী

(যমদূত, চিত্রগুপ্ত, যমৰাজ বহেছি)

যম— চিত্রগুপ্ত!

চিত্রগুপ্ত— ধৰ্মৰাজ—

যম— আজিতে কতিগৰ চুৰা মৰলাতা?

চিত্ৰগুপ্ত—বিশ লিপিও চৌদ্দগো।

যম—কতিগতে বিচাৰ কোঠাগোত আছি?

চিত্ৰগুপ্ত—ধৰ্মৰাজ! মাত্ৰ আহোঁ পঁচগো আমাৰ যমপুৰীত আহিলা।

যম—হাঃ! বাকী উতাতে কোবাং গেলগাতা?

চিত্ৰগুপ্ত—ধৰ্মৰাজ! মৰেছিতায় বিশ লিপিও চৌদ্দগ। উতাৰ মা দশ লিপিও বিষ্ণু ভক্তৰে বিষ্ণু দূত নিলাগা। ছয় লিপিওগোৰে শিবদূত, বাবো তিন লিপিও নয়হোঁ নয়গো বৈতৰনীর হোঁপাৰে থায়া শ্ৰীধাধাৰ সমীয়ে বৃন্দাবনে নেছিগা। উহানতে আতে মাত্ৰ আহোঁ পঁচগো।

যম—হাঃ! পাপীৰ সংখ্যা অমাটিক কমে পড়লগাতা?

চিত্ৰগুপ্ত—হায় ধৰ্মৰাজ! এবাকাতে দলাগ স্মাৰী অইলতানা। বিষ্ণু বাবো মহাদেবৰ আইন মতে, মৰণ কালে তানুৰ নাঙ জপ মাত্ৰ মুক্তি বুলা থাংতে ধৰ্মৰ পথগো নিয়াম ইজ্জু অইলতানা। এমন কি নিজে মাতে নুৰাবলেও দুখ নেই। অন্য ভক্তই জবৰ কৰে ইৰিধনি কৰলেও কাম চলেৰ। উতা বাদে বৈষ্ণবৰ নিয়ম মতে আৰাক আহান। মৰাগো স্বৰ্গত আংহানি নালাগেৰ। ইমে মৰ্ত্যবমা বৃন্দাবন আহান আছে, উহানাতেই তানুৰ গতি। তানুসেবা দাসী—উতাৰ গজে আমাৰ অধিকাৰ নেই।

যম—হু—হায়হান! এবাকাতে যমপুৰী কিসাদে চলিতৈ ঠিক নেই। শিং মানু উতা উদ্ধাৰ পেইতাৰা, আপাংপা উতা নৰকে যন্ত্ৰণা ভোগ কৰতাৰা। আগে পিতৃলোক, স্বৰ্গলোক এতা মৃত্যৰ ফাম। এবাকাতে নুৰা কৰে বাবো বৃন্দাবন প্ৰাপ্তি নিকাল্লা। ফামে মুক্তি পানাব বুদ্ধি নিকাল্লা হানতে পিতৃলোক, স্বৰ্গলোক ছুদালা অনাত পড়িল। এমনো বিচাৰ কৰতে কৰতে আটেলোঁ পানা অকৰলাং সময়হান। না কিতা চিত্ৰগুপ্ত।

চিত্ৰগুপ্ত—যমদূত! কিঙ্কৰ,

যমদূত—মাতে দিক।

চিত্ৰগুপ্ত—চন্দ্ৰসিঙৰে আন, এবাকা তাৰ বিচাৰ অইতে।

যমদূত—যথা আজ্ঞা—(গেলগা বাবো চন্দ্ৰসিংৰেগ হমেইল)

যম—তি চন্দ্ৰ সিং!

চন্দ্ৰ—ধৰ্মৰাজ! হায়—

যম—মোৰ যমপুৰীত এসাদে পোষাক এহান তিতে কুৰাংত পেইলেতা?

চন্দ্ৰ—হায় ধৰ্মৰাজ! মোৰ শয্যাৰ ভিতৰে শৌ জিপুতে দেছি ফিবইহানি হানতে, পিদিয়া আহিলুতানা।

চিত্ৰগুপ্ত—ধৰ্মৰাজ! এ চন্দ্ৰ সিং এগো পয়সা জীবনেত চুৰি, মিছামাতানি ঠকানি পৰবে হবা নেই যুক্তি দেনা। এতা দলাগ পাপৰ দায়ে ৩৫ ধাৰা মতে দণ্ডনীয়। এবাকাতে ধৰ্মৰাজৰ বায়হান বেলাদিক।

যম—পুণ্যতে কতিহান কামাছে?

চিত্ৰগুপ্ত—পুণ্যকৰ্মৰমা ৫০৩ নম্বৰ বাবো পাপ কামে ৭১২ নং পাছে। এবাকাতে পাপেত-পুণ্য বাদ দিলে দ্বিহোঁ নয় পাপ অবশিষ্ট থাৰ।

যম—দ্বিহোঁ নয় অইলেতে দুলিপকৰ কুণ্ডলত চল্লিগ বছৰ প্ৰায়শ্চিত্ত ভোগ কৰানি লাগতে।

চন্দ্ৰ—হায়। হায়! কিহানাত পৰলুতাতে? প্রভু।
প্রভু! মোৰ কথা আহান হুনেদিক নে।

যম—মাত।

চন্দ্ৰ—মিতে গুৰু দেবা কৰিয়া হাবি পাপ মোচল কৰলুগতে। মোৰ গুৰু-দেবই দীক্ষা দেনাৰ উপে-ইত মোৰ পাপ হাবিতা তা ছৰিয়া নিয়া, মোবাং পাপ নেই বুজিয়া মাতল গতে। এবাকাতে চল্লিগ বছৰ দুলিপকৰ কুণ্ডলত থাইলেতে নবযোনীজ জিঙে যম পুৰীত দুঃখভোগ কৰাত পড়লুতা হে ধৰ্মৰাজ! এহানৰ বিচাৰ কৰে দিক।

যম—তোৰ গুৰুদেবতে কুৰাং আছে?

চন্দ্ৰ—প্রভু! তিন বছৰ আগে দেহতাগ কৰলোগো।
তাৰ নাঙ দয়াল ঠাকুৰ।

যম— চিত্ৰগুপ্ত !

চিত্ৰগুপ্ত— ধৰ্মৰাজ !

যম— চাতা, দয়াল, ঠকুৰ কুস্পেহিত আছেতা ?

চিত্ৰগুপ্ত— (খাতা চোৱা) ধৰ্মৰাজ তাতো কুস্তীপাক বুলতাৰা

নৰকউগং আছেগো। ধৰ্মৰ নাঙে বেপাৰ কৰানীৰ

সালে পঁচশ বছৰ নৰক বাস।

যম— কহিতে কিংবৰ।

যমদূত— ধৰ্মৰাজ আদেশ দিক।

যম— যাগা কুস্তীপাক নৰকেত দয়াল ঠাকুৰে একাকাৰ

গাই হাজিৰ কৰ।

যমদূত— যথা আজ্ঞা (গেলগা)

(যমদূতে দয়াল ঠাকুৰে উপস্থিত কৰলো)

যম— তাৰে চিনৰগো দয়ালঠাকুৰ ? সত্যহান মাতিছ।

মিছা মাংলেই ধৰা পড়তেই। (চন্দ্ৰৰে দেহুয়ে)

দয়াল— হায় চিনু। ধৰ্মৰাজ। মোৰ শিষ্যগো।

যম— হুতোমে তাৰ পাপহাবি তি সমজিয়া নিয়া দীক্ষা

দেহুউনি। হায়হান ?

দয়াল— ধৰ্মৰাজ, ধৰ্মৰ পথ ইলকৰে দেখিলু কিন্তুমান

পাপ নেনাৰ অঙ্গীকাৰ নেই।

চিত্ৰগুপ্ত— মিথ্যাবাদী ! তি তোৰ শিষ্যবাং প্ৰচাৰ কৰেছিলে

তোৰ শৰণ লইলে পাপেত্ত উদ্ধাৰ। পাপৰ ভাৰ-

হান নিজবাং গছেছিলে।

চন্দ্ৰসিং— গুৰুদেব ! তি মাতেছিলে, গুৰুমাত্ৰই ব্ৰহ্মা বিষ্ণু,

শিৱ স্বৰূপে। গুৰুৰ পূজা কৰলে পাপ হৰণ অয়া

যমদূতাবেক্ত পুৰী মুক্তি পেইতাৰা বুলেছিলে— মি

উহান নিংকৰিয়া গুৰু সেবা দিলু— এবাকতে

কিয়া স্বীকাৰ নাকৰবতা ? গুৰুদেবৰে কপা দিলু,

চৌল দিলু, সম্পত্তি দিলু ঘৰ হংকৰে দিলু। মোৰ ইমা

বাবাৰে পেয়া ততহান সেবা নাকৰেছ।

যম— থাক্ হাবি— হাবপেইলু। তিতে কয়গৰে দীক্ষা

দেছিলে ?

দয়াল— ধৰ্মৰাজ দ্বিহো শিষ্যৰে মি দীক্ষা দেছিলু।

যম— চিত্ৰগুপ্ত !

চিত্ৰগুপ্ত— ধৰ্মৰাজ ! মাতেদিক।

যম— অজিত পুৰী দয়ালঠাকুৰৰ যতগ' শিষ্য অহিতাই

ততগীৰ পাপ তাৰ নাঙে যোগ কৰেদিলু বাবো

তানুৰে মুক্তি দিছ। চন্দ্ৰ—

চন্দ্ৰসিং— ধৰ্মৰাজ !

যম— যাগা— তি মুক্তি পেইলে। তোৰ স্বত পাপ তোৰ

গুৰুদেবৰে দিয়া দিলু। এবাক তি পিতৃলোক

যাগা।

(চন্দ্ৰসিং গেলগা)

দয়াল— প্ৰভু জিঁতা কৰ - ওতাহাবি শিষ্যৰ পাপ স্বকৰিয়া

কয় হাজিৰ বছৰ কুস্তীপাক নৰকে থাইতো। লেহা

নেই— (কাঁদে কাঁদে) প্ৰভু জিঁতা কৰ - এহান

হাবপেইলু অইসতা কোনদিন গুৰুৰ বাবদা নাক

বলু অইছ। প্ৰভু জিঁতা কৰ !

যমদূত— দূৰ ঠকুয়া হট। ফামে জিকগা।

(আছুলিয়া নিতাৰা)

দয়াল— চন্দ্ৰসিংহ তি শিষ্য অয়া মোৰে মাৰলে গুৰুবধ

কৰলে মোৰ কী উপায় !

(কাঁদে কাঁদে গেলগা)

যম— চিত্ৰগুপ্ত, আজিকাৰকা বুলিয়া সভাহান সাজ অইল।

(হাবিহান গেলগা)

(পদ্ম'হান পড়িল)

৫ম দৃশ্য

(গিথান দৌ হমদিয়া এলাদিবী)

“ভজ গোবিন্দং স্মৰ গোবিন্দং গোবিন্দং ভজহে মুঢ়মতি

সূমেক সমানং হিবদ্যানং নহি তুল্য নহি তুল্য গোবিন্দ

নামং

ভজ গোবিন্দং

নলিনী দলগত জলমতি তবলং

তদ্ বদ্ জীবন মতিশয় চপলং

ক্ষণ মতি সংজন সঙ্গতি বৈধা

ভবতি ভবান'বে তবণে নৌকা

বাধে, গোবিন্দ (হমাদিবী)

(কুঞ্জৰ হমানি)

কুঞ্জ - (চৰদে চেয়া চেয়া) হুঃ লয়লু, লয়লুইলো— হা,
কপাল, কপাল—।

গিথান— হাঃ কিতা অইলোতাতে? প্রভুৰ নাঙ লয়তে
হিংসা কৰবতাতে মহাপাতকী অয়া জৰম অইতেইগা,
গাঞ্জাবে সুমতি দে, হে প্রভু জয় বাধা।

কুঞ্জ - হঃ লয়লু, এবাকাতৈ খেই অইলাঙ নাই—

গিথান— হাঃ কিহান খেইঅনিহান! মোৰতা লৌশিঙ
লাগাল নাপাৰা।

কুঞ্জ - এহানলো বেয়াপাৰ লৌশিঃখোনিভ আহেৰ বুল-
তাৰা! হুন, তাপথা অয়া হুন, মিতে মহাদেব
নিংকৰিয়া যাত্ৰা কৰতোনাই শিবলোকে—

গিথান— হায় মাং।

কুঞ্জ - বাৰো তি বাধা নিংকৰিয়া জিতেইগা কুৰাং?

গিথান— বৃন্দাবনে।

কুঞ্জ - এবাকাতৈ হুবানিৰ খাংনাং মি শিবলোকে বাৰো
তি বৃন্দাবনে থাইতেই হানতে দ্বিগুনী না খেই-
অইলাং?

গিথান - মহাদেব গিবক বাৰো কুৰু আক গোহে—

কুঞ্জ - দুৰ, আপাংপী শিবলোক উহানতে হৌ কোটি
কোটি মাইল দুবেইং— তোৰ বৃন্দাবনতে এপেইং—

মইলে, আৰ দেহাদেহি অনাৰ উপায় নেই।

গিথান— হানতে কিতা?

কুঞ্জ - মোৰে বানাপেইলেতে মহাদেব নিংকৰ, দ্বিগুনী
অকপেইং, থাইতাঙাই মোৰে নিকৰিলেহে গাঞ্জা
মলে দিবতা।

গিথান— গাঞ্জাৰ নিশাবমা কিতা কিতা টটবাৰতা!

কুঞ্জ - আচ্চা, মোৰেহিকেইতে— হেই মাং তোৰ কিসাদে
গুৰুদেবগৈ দীক্ষা দেছেগা।

গিথান— ঠিক ঠিক গুৰুদেবই দীক্ষা দেছেগো—

কুঞ্জ - ওতা ঘৰ বাঙৰা গুৰুদেব উতা হেইমাক খেই-

কৰিল গুৰুদেব, ওতা লংকা জ্বিদেবুৰা হনুমান

ছাপা গুৰুদেব।

গিথান— হাই মি থায়া কিতা কবতু— মোৰ মুঙে
গুৰুৰ নিন্দা! গুৰুদেব এহানতে কিহান—

কুঞ্জ - কি বাৰো কিহান, তোৰ গুৰুদেব হেয়কৰ গাজে
খাং? ধৰ্ম আলিগো— ইঃ কত অৰ্থ হাৰপা কুৰিগো
—মোৰেহে ভজনৰ পথ তিকানিং লামছেং—

গিথান— গাঞ্জালো ভগবান পাকুৰা উতাৰে মি আনা
আহানৌ দাম নাউবি। তোৰে উহানলো মি
গাঞ্জা বুলিয়া ডাহোৰিতা।

কুঞ্জ - আচ্চা, মি গাঞ্জা মি গাঞ্জা, অমাটিক লেইঅলা থানা—
মি গাঞ্জা (তাপ্ত তাপ্ত পড়ে যাৰগা)।

গিথান— হুইমা! কিতা অইল কিতা অইল— কুংগো
আছোগা হুইমা গাঞ্জা কিতা অইল।

(চাউবা বাৰো মণি নিকুলানি)

চাউবা— হবায় কুঞ্জ (ধৰলাগা) কইত মণি পানী—
মণি— বাছা বাছা আনিংগা— (পুস্থান)

গিথান— হুইমা, কিতা অইলতা না কিঁতা (কাদিবী)
(মণি পানীলো নিকুলিল)

মণি— (মুৰগং পানি দিয়া মিহল চেয়া) চাউবা আৰ
খালকৰিয়া লাভ নেই বামুন, ঢাকুলা, ইসালপা
ডাহানি লাগত—

গিথান— হুইমমা, কিতা বুলবাইতা, এবাকা মোৰ লগে
টটবলগো মেত্ৰমহানিং পথ ধৰল— (কাদিবী)

(চাউবা বাৰো মণি তাপ্ত কুঞ্জৰে দীঘল কৰে থদিয়া
ঘৰেদেত ধলা ফুতি আনিয়া গুৰুদিল)

মণি— কুঞ্জ, ছন্তোমেউ আমাৰে এৰে দিলেতা— (কাদেৰ)

চাউবা— বম্ ভোলানাথ জয় শিব শঙ্কৰ, বম্ বম্
জিহুবাৰী (চাৰিয় বাবাদে বুলেৰ)

মণি— কুঞ্জ তোৰ কথা থয়া ধূপৰ বদলা গাঞ্জাৰ গং ছন—
(গাঞ্জাৰ ধূমা এবাদেৰ)

গিথান— অ গাঞ্জা তোৰে আৰ নাপেইতৌতা? অথৈবা গেল
গাতা অঃ গাঞ্জা— অথৈবা মোৰে রেলেয়া সালৈ
লেতা! (কাদিবী) (পদ্মহান পড়িল)

৬ষ্ঠ দৃশ্য

(যমপুৰী। যমৰাজা সিংহাসনে বসি আছে।
যমদূতে তাৰে বোধিতাৰা।)

[বক্ষীৰ হমানি]

বক্ষী— ধৰ্ম্মৰাজ, পুণ্যম ব্ৰহ্মলোকেতু আদিদেব ব্ৰহ্মা
বাৰো লগে সহধৰ্ম্মিনী আৰ্থা আপনাৰ দ্বাৰদেশে
উপস্থিত।

যম— মোৰ যমপুৰীত ব্ৰহ্মা বাৰো আৰ্থাৰ আগমন!
ধন্য মি যম— যাগা মোৰ আদেশ সসন্মানে
এপেইং আনগা।

বক্ষী— ধৰ্ম্মৰাজৰ আদেশ (হমানিয়া পুস্থান)

[ব্ৰহ্মা বাৰো আৰ্থাৰ নিকুলানি]

(যম বাৰো হাবিহান উবা অগ্না স্বাগত জানেইলা।
স্তোতি পাঠ কৰলা। ঔ নমঃ ব্ৰহ্মায়— ঔ নমঃ
আৰ্যায়। ৩ ধুকম উচ্চাৰণ কৰলা।)

যম— স্বাগত আদিদেব, স্বাগত ইমা আৰ্থা— কৃপা
কৰিয়া আসন গ্ৰহণ কৰেদিক।

ব্ৰহ্মা— আশীৰ্বাদ ধৰ্ম্মপতি যম— (বহিলগা)

যম— আপনাৰ আগমনৰ কাৰণহান?

ব্ৰহ্মা— ধৰ্ম্মপ্ৰিয় যম, আশা থওবি মোৰ আগমনৰ
উদ্দেশ্য বিবেচনা কৰিয়া যদি ন্যায়হান অ'ব,
উহানঅইলে মোৰে সাহায্য কৰতেই।

যম— নিশ্চয়, যেনেইং ন্যায় উপেইং যম, য়েইপইং ধৰ্ম্ম
উপেইং যম। কোনআহান হাংকৈ নান্না মাতেদিক।

ব্ৰহ্মা— ছন, মাতে নিংগা— তি ধৰ্ম্মৰাজ যম। ধৰ্ম্ম
বক্ষাকাৰীগো। পাপীৰ শান্তিবিধান কৰেকুৰাগো।
কিন্তুমান হুতোমেতে তি নবক পাহাৰা দাবীগো
ছাড়া কুংগো নাগয়। ধৰ্ম্মৰাজ অইলেউ ধৰ্ম্ম
প্ৰচাৰ কৰে না'বৰ। মৰ্ত্তালোকে 'যম' শব্দ হুনানি
নিয়াম ডৰেইতাৰা। যম মানেই নবক বাস!
নাগইতা?

যম— হায়হান—

ব্ৰহ্মা—এবাকতে ঔ নবক বাস উহান মনাকুৰা আক্গউ

নেই। উহানেতে ধৰ্ম্মৰাজ অইলেউ ধৰ্ম্মৰ কাদাং
চেপকুৰা কুনগো নেইতাহে—

যম— হুতোমেহান—

ব্ৰহ্মা— ঔ কাৰণে বিষ্ণুলাক, শিবলাক, স্বৰ্ণ বাৰো
বৃন্দাবন এতা কিতা মানুৰাং কামা— মনেয়া
তোৰ পুৰীত আহেকুৰা কুংগোউ নেই—।

যম— মাতে দিক্— মোৰে আচানক জ্ঞান আহানে
ঝাকৰণ অ'হান দিলো—

ব্ৰহ্মা— তি ঝালকৰ, মাতৌবি এতা হায়তা— না
নাগৈতা?

যম— হায়হান দেবাদিদেব, যমপুৰীৰমা এবাকা দেহৌৰিতা
প্ৰায় দশ ভাগৰ ভাগ আহান আহিতাৰা। বাকী
উতা বিষ্ণুদূত শিবদূত, বাৰো মৰ্ত্ত্যৰমা বাধাব
দৃষ্টীয়ে নিতাৰাগা। পাপ পুণ্যৰ হাবিৰ বিচাৰ
কৰিল কোন উপায় নেই।

ব্ৰহ্মা— একাতে নিজে ঝালকৰ— এ যমপুৰীত থান্না
হাবিৰ পাপ পুণ্য বিচাৰ কৰাণিৰ প্ৰকৃত ক্ষমতা
পেইলেতা?

যম— না—

ব্ৰহ্মা— ত'বেলো নবক ডব দেহুয়েয়া বিষ্ণু বাৰো
মহেশ্বৰে ভক্ত হাবিৰে তানুৰ উবেদে নেনাৰ ভিতৰে
নিশ্চয় স্বাৰ্থ আছে!

যম— নিশ্চয়— যম লাথাইলে তানুৰে নিংকৰেকুৰা কুংগো
নেই! মোৰে ডবপেইলমাচাক দোআগ উবা কৰিয়া
মূল ষাৰ্গতে তানু আদায় কৰাণি! আচানক—

ব্ৰহ্মা— ঝাকবলু, তোৰ লৌণিহান এবাকা পড়িল
এহানে।

যম— এহানৰ প্ৰতিকাৰ?

আৰ্থা— যম, তি যদি ধৰ্ম্মনীতি ঝাকবৰ উহান অই-
লেতে হাবিহানৰ পাপ পুণ্যৰ বিচাৰতে তি হে
কৰাণি থক্— এহানাং কোনগো কিতা আহান মাতা-
নিৰ অধিকাৰ নেই— তোৰ ন্যায়্য যে বিভাগহান
পাহং উহান তি পালন কৰাণি থক্— মাং

এহানৰ উপযুক্ত পথগো দেহা দিলে তি উবা অ
পাৰভেইগো ?

যম — নিশ্চয় — মি ধম্ম'ইলয়া উবা অইভৌ —

আৰ্ঘ্যা — উহান অইলেতে তিয়ে বাবো আমিহে একআত্মা
অয়া আন্দোলনে উবা অইক। দিয় বাবা এক
অইলে স্বাৰ্থ উদ্ধাৰ অইতৈ। মৰ্ত্তলোকে আমাবতাই
পূজা লাগেব, মন্দিৰ লাগেব, ভক্ত লাগেব বাবো
ধৰ্ম্মৰাজ তোবতাই ভক্ত লাগেব, মন্দিৰ লাগেব,
বাবো পূজা লাগেব। ধৰ্ম্মৰাজ উগবেহে মানুহে
নিকৰানি থক। উহানেতে ধৰ্ম্ম'ৰমাই বাজনীতিব
গংহান দেহিয়াব — কিন্তু মূল চাৰিগো তোবাং, চেইছ,
তি উবাঅইলেই বৰ্গ, মৰ্ত্তা পাতাল পেয়া তকদাকাৰ
অইতৈ — মাং উবা অৰগো ?

যম — মাতৌবী এতা হাবি হন্তোমেতা, হায়হান, মোবতাই
প্রতিষ্ঠা লাগেব — মাতৌদিক আদিদেব কীহান কবতু ?

ব্রহ্মা — আমি তোৰ সাহায্য প্রার্থী — আকতা অয়া দিয়-
গিয়ে মৰ্ত্ত্যবমা প্রতিষ্ঠা লাভ কৰিক। মি তোৰে
সেংকা দিয়া উবা কবিং বাবো তিউ মোৰে সেং-
কাগো দে — দিয়গীয়ে আকতা অয়া নিজৰ নিজৰ
স্বাৰ্থ আদায় কৰিক।

যম — পথগো মাতৌদিক —

ব্রহ্মা — যত যুতা হাবিব, বিচাৰ তি কবানি লাগতৈ।
শিবদূত, বিষ্ণুদূত, বাবো বাধা সখী অয়া যুতা
নেমাৰ কোল অধিকাৰ নেই। যমৰ কৰ্ত্তব্য যমে
কৰতৈ। অন্য দ্যৌৰ কোল অধিকাৰ নেই।

(যম উবা অয়া যম দণ্ডগো ধৰিয়া)

যম — আজি মি হন্তোমেউ ধম্মৰ পথগো ইলৈলু — 'আজি
মোৰ আদেশ হুন — হে মোৰ অনুগত যম কিঙ্কৰ
হুন, হবাকৰে হুন — আইব কালিত্ত লিশিং লিশিং
দূত হবা হবা জববদস অস্ত্রলো হাজিয়া যতগো
যুতা আহিত্তাই হাবিতাবে মোৰ পুৰীত হাজিব
কবানি লাগতৈ হাবপেইয়ো, যুতাৰ গজে মি ছাড়া
আব কুংগোৰতাই অধিকাৰ নেই। তুমি বিষ্ণুদূত,
শিবদূত বাবো মৰ্ত্তালোকে গিয়া বাধা দূতীবাংতো

হাবি যুতা আছুলে আছুলে আনগা — যুদ্ধতে যেসাদেউ,
অইতৈ উহানাত যুদ্ধ কৰিয়া হাবিৰে জিতিয়া যেসাদে
এপেইং ফৌকবানি লাগতৈ। যেগৈ এবৈদিভাবাই
তা'ৰতা কঠোৰ দণ্ড — মোৰ আদেশ ডব নাপেয়া
পালন কৰ —।

যমদূত — জয়, যমবাজৰ জয়। জয় যমবাজৰ জয় (বাজান)
কালিত্ত পুৰি ধৰ্ম্মবাজৰ আদেশ মূৰ পাতিয়া লই-
লাং — আব আমি ডবেইলতা কুংগো নেই — অস্ত্র
ধৰিয়া বিষ্ণুদূত, শিবদূত হাবিবগজে ফালদিয়া
পড়তাঙাই — যুদ্ধ, যুদ্ধ — (প্রস্থান)

ব্রহ্মা — ধনা যম, এতদিনে তোৰ মুনিঅকপাহান প্রকাশ
কৰলে — আশীৰ্বাদ কৰোৰি যুদ্ধহান জয় কৰিছ —
আৰ্ঘ্যা — হন্তোমেউ যম, মোৰ আজিকার আনন্দৰ সীমা
নেই — আমাৰ প্রতিষ্ঠা আব ডিল নেই।

[ব্রহ্মা বাবো আৰ্ঘ্যা আত্মহানি তুলিয়া আশীৰ্বাদৰ ভঙ্গীত
প্ৰস্থান। যম তাৰ দণ্ডগো থয়া আতজোড় কৰলো।]
(পদ্ম'হান পড়িল)

৭ম দৃশ্য

(ফামহান — যম পুৰী)

[যুতাকণী বীৰসিং বাবো কুঞ্জলালৰ নিকুলানি]

বীৰ — হৰে কৃষ্ণ, হৰে কৃষ্ণ, — হে গলোকগতি নাৰায়ন
মোৰে বিষ্ণুলোকে নিয়া যাগা —।

কুঞ্জ — বম্, ভোলালাখ, শিবশঙ্কৰ — মোৰে শিবলোকে
নিয়া যাগা — ওঁ নমঃ শিবায়ঃ — পুজু দয়া কৰ,
কৃপা কৰ —

বীৰ — হা কুঞ্জ, তিতে গলোকধাম নামনেয়া শিবলোকে
কিয়া চাবতা ?

কুঞ্জ — আ: উতা কথা মোৰ কানে নাফোঅক, গাঞ্জা
না আসুলেহুংগৈ শিব বাবাব মহিমা কিতা হাব-
পেইতেই ? গলোকে গিয়া নাৰায়নৰ মেইখহান
চেয়া চেয়া কয়দিন থাইতেইতা — আৰতে কিতা ?

বীৰ— মোৰ ভাতে পুত্ৰ পদ সেবাই হাবিৰ গজে—
কোন ভা নালাগেৰ—

কুঞ্জ— হাত ভঙ, হাতোমে পুত্ৰ গিৰকে যদি মাতেৰ—
হে ভকত মোৰ জাঙ দ্বিহানিং তিন দিন
আহান, খানা নেই, ঘুম নেই, বাহিৰে যানা নেই,
অনবৰত থো গছাগি লাগতে বুলিয়া আদেশ কৰেৰ
—মাং তি স্নাকৰতেইগো ?

বীৰ— উহানতে কীসাদে ?

কুঞ্জ— উহান অইলেতে কীভাৰতাতে পদ সেবাৰ স্নাবী
অকৰলেগা— !

(বিষদুত বাৰো শিবদুত আকেইগিৰ নিকুলানি)

বিষদুত— কইতে বীৰসিং— মি পুত্ৰৰ আদেশে তোৰে
বিষ্মলোকে নেনাৰকা আহিলু।

বীৰ— পুণাম বিষদুত— (হমা দিল)

শিবদুত— হে মহাভক্ত কুঞ্জলাল— তিঅউ সালো শিবলোকে।

কুঞ্জ— পুণাম— শিবদুত (হমা দিল)

(হাবিহান পুস্তান উদাত)

(নেপথ্য— সাবধান, সাবধান কোংগিথাং আমাৰ মৃতগি
নেনাং আহেছতা— উবা অই, উবা অই—)

[যমদুতৰ নিকুলানি। পথগো বন্ধ কৰিয়া উবা অইলা]

বিষদুত বাৰো শিবদুত— আচানক, অমাটিক সাহস বিষ্ম
ভক্ত বাৰো শিবভক্তৰে যমপুৰীত নেনাৰ তোমাৰ
কী ক্ষেমতা ! এবে দেই পথগো, তৰাকৰে এবা-
কাৰগাই এবে দেই— নাইলে—

যমদুত— হাঃ হাঃ হাঃ— ঔদিন গেলগা— যমবাজাৰ হুকুম
মৃতগাবি যমপুৰীত যানাই লাগতে— এপেইং বিষদু-
ভক্ত শিবভক্ত বাৰো বাধাভক্তৰ খেই খেই বিচাৰ
নাচলতে— তৰা কৰে এবেদেই— আমাৰ সময় নেই—

শিবদুত— আচা আমাটিকৰ হিম্ম শিবভক্তৰগজে অব-
হেলা ! পথগো এবা দেই— নাইলে— (ত্ৰিশূলগো
তুললো)

যমদুত— আমাৰ গজে অস্ত্ৰ তুললে মাহেইতে ক্ষমা নেই
—কইতে হাবিহানে আক্ৰমণ কৰ—

বিষদুত— আমি আকেইগিৰ পাংকাল চেই— (যুদ্ধ)

বিষদুত বাৰো শিবদুত দাবদিলা। কুঞ্জলাল
বাৰো বীৰ সিং ডৰহানে কলকবাকলি দিয়া থাইলা।

যমদুত— হা ! হা ! হা ! চেই যমদুতৰ পাংকাল চেই— যুদ্ধৰ
ঠোনা চেই— মেত্তমহান আহানাং শিবদুত বাৰো
বিষদুত লেজ বেলিয়া দাবদিলা হা হাঃ হাঃ জয়
ধৰ্ম্মবাজ যমৰ জয়—

(যমদুত দুগৈ লক্ষীসেনা বাৰো চন্দ্ৰাবতীৰেলো হমানি)

লক্ষী— জয় বাধে, জয় বাধে— আমাৰে যমদুতৰ অতেত্ত
কালকৰ—

চন্দ্ৰা— হে যমদুত গিৰকগাছি— আমিতে বাধাকুম্ভৰ ভক্ত।
আমাৰে এবে দেই বৃন্দাবনে যিকগা— কিয়া
আমাৰে বৃন্দাবনেত্ত ধৰিয়া আনলাইতা ?

যমদুত— চুপ, উতা কথায় কানা নাইতে, মবলেই যম-
পুৰীত যানা লাগতে। পাপৰ ভোগ কৰানিয়েই
লাগতে— বিচাৰৰ থাংনাং তোমাৰ মুক্তি অইতেউ
পাৰে নাইলে নবকভোগ কৰানিয়েই লাগতে—
অদ্যকাৰ হুকুম হান— হাট সালৈ যমপুৰীং যিকগা।
(লক্ষী, চন্দ্ৰা, বীৰ বাৰো কুঞ্জলালৰে বাধিয়া
সালকৰলা)

হাবিহানে— পুত্ৰ কোবাং থাইলেতা বক্ষা কৰ, বক্ষা কৰ

যমদুত— হাঃ হাঃ হাঃ বক্ষা নেই, বক্ষা নেই— (আসুলে,
আসুলে হাবিৰেলো যমদুতৰ পুস্তান)

(পদ'হান পড়িল)

৮ম দৃশ্য

(কুঞ্জলাল দাবদিয়া নিকুলিল। দ্বিহাত তুলিয়া লোদেৰ
লগে যমদুত আগো)

কুঞ্জ— জয় যম, জয় যম, ও নমঃ যমাৰ ও নমঃ বৰি
পুত্ৰায়ঃ—

যমদুত— হেই ভণ্ড কি ক্ষেমতা থয়া মোৰ আতেত্ত মুক-

দিয়া আইলেন্তা? মোৰে না ডবাৰ চেইতে—(বল্লমগো
তুললো)

কুঞ্জ— মাৰলেউ মাৰ, কিন্তু মি যমভক্তগো অইলু— জয়
যম, জয় যম— ওঁ নমঃ যমায়ঃ—

যমদূত— দ্যুত ভণ্ড, খানিগ্ৰাৰা আগে ওঁ নমঃ শিবায়ঃ
বুলে উগৈ মেত্তমহানাং ওঁ নমঃ যমায়ঃ বুলবতাত্তে
কিহান? অহানো হৰপৰ সাদে সবহান পটানি-
হান থাং? মন্তলৰ চুটী— একাকাহাং যমৰ
ভক্তগো মালৈলেন্তা—

কুঞ্জ— হৰপগৈ সবহান পটা পাৰিলেতে মিতে কিয়া নাব-
ভোতা? এহানাং কীহান ভুল অছেতা? আগেদে
মহাদেবৰ সবহান পিদেছিলু— এবাকা যমৰ সবহান
পিদলু— মহাদেব উৰাবেল্লু— যমৰাজা ধবলু এহানাং
কিতাৰ দোষ?

যমদূত— তিতে কম লৌশিঙৰগো নাছংহে— তোৰ লৌ-
শিঙে নিয়াম হাবোঁ, অইলু। এবাকাত্তে মি যেসাদে
যম কিঙ্কৰ— তিউ উসাদে যম ভক্ত। এবাকাত্তে
দ্বিগীবাং কোন ফাবাক নেই।

কুঞ্জ— (ফালদিয়া) জয় যম, জয় যম, হাবিতা ধৰ্ম্মৰাজৰ
কৃপা— নাইলে তি সেইক্ষাং মানুৰে জিৰ ভিতৰে
ববেয়া পুড়ন্তে হাংকৈ নাৰগো— উগোই এ কপাল-
খিপা এগোৰে এসাদে মাতেই এহান আশা কৰে
নাৰেছিলু—

যমদূত— আৰ ডব নেই তি মোৰ মাকপগোহে—

কুঞ্জ— জয় যম, জয় যম— যম ভক্ত, যম চিন্তা, যম কৰ সাৰ
যমৰ নামেতে অইতেই পাপেত উদ্ধাৰ
হে ইত্তাউ আমাৰ মৰ্ত্তা লোক ঔহানাং ধৰ্ম্মৰাজৰ
নাঙ ধৰেকুৰা মানু নেই। যম আহিল বুলেই
ডৰেয়া লুকেইতাৰাগা। এমনকি হপনেদে গিবকৰ
বাহন মৈস আগ দেহে বেলেতে আৰ উপায় নেই
লগে লগে চাপাল দিয়া উসিল সিলকৰতাৰা—

যমদূত— অমাটিকব ডব!

কুঞ্জ— ডবহে বুলব, মুহুৰী যিতাৰাগা— কিন্তুমান এপেইং

আয়া হাৰপাউৰি যে আগেদে ভক্তলু দোঁ এতা
নাগৈতা অছে। যমদূতৰ প্ৰভাপ এহানেই প্ৰত্যক্ষ-
হান— উহানেতে যম ভক্ত অইলুতা।

যমদূত— বাছাহে আজিকাৰ যুদ্ধহানৰ খবৰ লনাৰকা
যমৰাজা গিবক এবেদে আহেৰ পাৰা—

কুঞ্জ— ছতোমে—

যমদূত— ওঁৰে চা—

কুঞ্জ— কৃপা কৃপা সেইক্ষাং কৃপা, জয় যম, জয় যম,
ওঁ নমঃ যমায়ঃ— ওঁ নমঃ সূৰ্য্যপুত্ৰায়ঃ—
(যমৰ নিকুলানি)

যম— কিঙ্কৰ,

যমদূত— প্ৰণাম ধৰ্ম্মৰাজ

যম— এগতে কিয়া আতে জাঙে না বাধেছতা?

যমদূত— ধৰ্ম্মৰাজ এগতে আপনাৰ পৰম ভক্তগো না—

যম— মোৰ ভক্ত! আচানক—

কুঞ্জ— ওঁ নমঃ যমায়ঃ— ওঁ নমঃ সূৰ্য্যপুত্ৰায়ঃ— জয় যম,
জয় যম (জাঙহানাং পড়িল)

যম— এ ব্ৰহ্মাণ্ড এগোং মোৰ কোন ভক্ত নেই বুলতে
আজি পয়লা পাগেলুগা মহাভক্ত আগ— মি হাবোঁ
অইলু ছন কিঙ্কৰ।

যমদূত— আদেশ কৰিক,

যম— এ ভক্ত এগোৰে হবা ফামে থইসগা বাৰো তপ্তা
পানিলো হিনা দিও। হবাতা খোৰেইয়া হাবি
সমৈত হাবোঁ কৰিয়া থনা লাগতৈ।

যমদূত— যেসাদে জুকুম উসাদে কাম—

যম— মি ষাটবিগা— আজিউ হাবিৰে জিঙেছহান হাব-
পেয়া নিয়াম হাবোঁ অইলু। (প্ৰস্থান)

কুঞ্জ— জয় অপাৰ ককনাময় যম! জয় ত্ৰিতাপ ককবেয়া
যম! জয় প্ৰেমময় যম! জয় সৰ্বশক্তিমান যম।
ওঁ নমঃ যমায়ঃ। হাঃ হাঃ হাঃ আৰ চিন্তা নেই,
গিথান তোৰ আৰ যানাব পথ নেই— তি আৰ
বুন্দাবনে যানি নাৰলে। তোৰ আশা ফৰসাং

গেলগা— এবাকাত্তে যেসাদেউ এপেইং আহানিং
পড়লে—

যমদত্ত— গিথানতে কিসাদেগো।

কুঞ্জ— মাকপ, মোৰ- মানে হেবানীউগো—

যমদত্ত— একাকা আনে দিতুগা—

কুঞ্জ— না খানি বাছা, মোৰ সবাত, কীৰ্ত্তন লইকৰে
বেলাক, আ. আনন্দ— গিথান, গিথান আৰ নিয়াম
দিন নেই আকপেইং থাইতাঙাই।

যমদত্ত— ইতাউ আৰ ডিলকবিয়া লাভ নেই—

কুঞ্জ— জয় যম, জয় যম। (দ্বিগমীৰ প্ৰস্থান)

(পৰ্দাহান পড়িল)

৯ম দৃশ্য

যমপুৰী

(যমৰাজ আসনে বহিলা আছে। যমদত্তে বোদে, বোদে ধূপ
বাবো বৰ্ত্তিলো অচ্চ'না কবতাবা)

যম— হে কিঙ্কৰ তোমাৰে থাকিং দেউৰি। এতাপাৰা
পাংকালপা বিষ্ণুদত্ত, শিবদত্ত বাবো বাধাদত্ত
হাবিৰে যুদ্ধং পৰাজিত কবিয়া মোৰ লুকুম জিৎতা
কৰে পাৰলাই— বা, কতিৰচুয়া হাবোৰ ঘটনাহান—

যমদত্ত— প্ৰণাম ধৰ্মৰাজ, হৌ-পূৰ্বেত্ত পুৰি এসাদে
আইন জাৰী অইল অইসতা এ অধম এতাৰ পাং-
কালহান কতিহান আছেতা দেখুয়া দিলাং অইস।
যুদ্ধতে থাক যমদত্তৰ নাঙ হনানি ফাং নেই
বিষ্ণুদত্ত, শিবদত্ত বাবো বাধাদত্ত এতা নিকৰতে
নিকৰতে আঠ, আঠয়ে বাৰাবাৰি দিয়া নিজে
নিজে আগ্রানে পড়ে গেলগা ষিতাবাৰা।

যম— সাবধান, যুদ্ধহান এবাকাউ লয় নাছে— আমাৰ
বিপক্ষদল যেসাদেউ আবাক আকধুকম থেংঅনিব
পৰিকল্পনা কবতাই। উহানলো আমাৰতা আবাকৌ
কটিন দিনউহানিৰ মুঙা মুঙি অনাবকা প্ৰস্তুত
থানা লাগতৈ।

যমদত্ত— প্ৰভু কোন ডৰ নেই, আমিতে থেঙনিবকা বাছা-
কাছা নাবিয়া আছিগো।

(বক্ষীৰ হমানি। ধৰ্মৰাজৰে হমাদিয়া)

বক্ষী— ধৰ্মৰাজ, ব্ৰহ্মা বাবো ইমা আৰ্য্যা আপনাৰ দ্বাৰ
দেশে—

যম— বা: নিয়াম হাবোৰ পোহান। তুৰা কৰে ভিতৰে
আনগা—

(ব্ৰহ্মা বাবো আৰ্য্যাৰ হমানি)

যম— খাগত, আদিদেব সৃষ্টিকৰ্ত্তা বাবো ইমা আৰ্য্যা খাগত।

ব্ৰহ্মা— আশীৰ্বাদ যম, মোৰ কথাহান থয়া মোৰে
সেহান ইজ্জৎ দিলে উহানবকা মি চিৰকাল এহান
তোবাং থগী। মি নিয়াম আনন্দ পেইল।

যম— হে আদি দেব, এহান নীতিৰ লালফামহান—
মেপেই ধৰ্ম উপেইং যম, সেপেইং সত্য উপেইং
ধৰ্ম— উহানেতে এ কৰ্মএহানাং খালকবানিবতা
কিতাউ নেই।

আৰ্য্যা— ধৰ্মৰাজ, আৰ ডিলকবিয়া লাভ নেই। এবা-
কাত্তে কাম অকবানি।

যম— মাতেদিক— মি প্ৰস্তুত।

আৰ্য্যা— এবাকাত্তে মৰ্ত্ত্যালোকে তোৰতাউ ভক্তনেই বাবো
আমাৰ তাউ ভক্ত নেই— উহানেতে যমপুৰিত
ভক্তৰে বুদ্ধি লোশিং হিকাদিয়া তানুৰে মৰ্ত্ত্যৰমা
দাপেঠাদেনা লাগতৈ।

যম— উত্তম— নিয়াম হবা প্ৰস্তাবহান— আবাকৌ মাতে-
দিক।

আৰ্য্যা— তোৰ নবককুণ্ডত নবকবাসী আছি এতাৰে
মৰ্ত্ত্যালোকে দাপেঠা দেনা লাগতৈ— উতাই আমাৰ
আতৰ অস্ত্ৰ—

যম— আচানক প্ৰস্তাব—

ব্ৰহ্মা— সৃজন কবানি মোৰ আতে। নবকবাসী যদি
আমাৰ কথা শ্যাকবতাবা উহান অইলে মি তানুৰে
মৰ্ত্ত্যালোকে দাপেঠা দিতো— অতি কম সময়ে মৰ্ত্ত্য-
লোক আমাৰ শিষ্য, ভক্তলো চাবাপাহান অইতাই—

যম— ইমে এবাকাবগাই— কৈতে, কিঙ্কব,—

(কিঙ্কব বা যমদত্তৰ হমানি। হমাদিয়া)

যমদত্ত— ধৰ্মৰাজ, আদেশ কৰিক।

যম— যাগা— নৰকৰ নেতা চাৰিগো আহান এবাকাব
গাই এপেইং হাজিৰ অনাবকা জানাদেগা—

যমদত্ত— ধৰ্মৰাজৰ আদেশ— (হমাদিয়া প্ৰস্থান)

ব্ৰহ্মা— তোৰ ইবাইবি কাম এহানৰকা ভোৰে থাকে
দেওৰি যম—

যম— হবা কাম মাত্ৰই লগে লগে— এহান শাস্ত্ৰৰ বাকাহান—

(যমদত্ত নৰকৰ চাৰিগো নেতালো হমেইল। থদিয়া
প্ৰস্থান। চাৰিগো নেতাই হাবিৰে হমা দিলা)।

১ নং নেতা— জয় ধৰ্মৰাজৰ জয়—

অন্য নেতা— জয় ধৰ্মৰাজৰ জয়, জয় ধৰ্মৰাজৰ জয়—

১নং নেতা— প্ৰভু, আদেশ কৰিক, এ অধম এতাই আপ-
নাৰ কিহান উপকাৰ কৰে পাবতাঙাইতা?

যম— হুন, নৰক নেতা, বিশেষ কাম আহানৰকা তোমাৰে
ডাকদিলুতা। তুমি নৰকৰ মানুউতাৰে যদি
বুঝা পাববাই উহান অইলে তোমাৰতা দলাগ' লাভ
অইতৈ। এবাকাতে মনহান দিয়া হুন তুমি যদি
মৰ্ত্যাত জবম অয়া মি বাবো ব্ৰহ্মাৰ ভক্ত অইতে
আপতি নাকবাই উহান অইলে তোমাৰে নৰকেত্ত
মুক্তি দিতো।

হাবিহান— প্ৰভু আমাৰ কোনো আপতি নেই— এবা-
কাৰ গাই আদেশ কৰিক।

যম— বেশ, এবাকাতে হুন— তুমি মৰ্ত্যালোকে গিয়া ব্ৰহ্মাৰ
মন্দিৰ, যম মন্দিৰ যমপুৰাণ, ব্ৰহ্মাপুৰাণ বাবো
সংহিতা কিতা কিতা নুৰা কৰে লেংকবিয়া নুৰা
নুৰা মন্ত্ৰ হাজেয়া মানুৰাং বিলানি লাগতৈ। চেইতা
তুমি পাবতাবাইতা—

হাবিহান— প্ৰভু কোনো চিন্তা নেই— মন্দিৰে মন্দিৰে
মৰ্ত্যাহান বুজেইতাঙাই। ক্ষেতিব বি পেয়া এবাদেনা
নেই।

ব্ৰহ্মা— নিয়াম হাবো অইল, তোমাৰ কথা হুনিয়া—
এবাকাতে হুন সৃজন কৰেকুবা ব্ৰহ্মা মি—

হাবিয়ে— জয় ব্ৰহ্মা (হমা দিলা)

ব্ৰহ্মা— তুমি মৰ্ত্যাত গিয়া লেখিক ইকবিয়া প্ৰচাৰ কৰানি
লাগতৈ— ব্ৰহ্মা ভজলে, হবামো, ধন-পয়সা, বিদ্যা,
নুৰাৰা পানি, বিপদেত্ত উদ্ধাৰ, চাকুৰী, বেপাৰ
ভাগা এতা কিতা নানানতাৰ মূল্যধাৰ অয়া ভক্তৰে
কুপা কৰতো। বাবো যম পূজা, যম ভজলে মানু
হু'খহু, পাপেত্ত মুক্তি পেয়া যমপুৰীত আনন্দ অয়া
থাইতাৰা। যম ভক্তৰ নৰকভোগ নেই। যম
ধাৰ্মিক বাবো মানব প্ৰেমিক আগ' এতা কিতা
প্ৰচাৰ কবিয়া মানুৰে বুলানি লাগতৈ।

যম— মোৰ ভক্ত যমপুৰীত আহানি ফাংনেই ফুলৰ বথে
যমদত্তে কাকবিয়া আনন্দধামে থ'দিতাই। মোৰ
মন্দিৰে দীপদান কৰলে তাৰ ভাগা থামপালগৰ
সাদে সাতয়া থাইতৈ।

হাবিহান— প্ৰভু জিংতা কৰ, আপনাৰ আদেশ পালন
কৰতাঙাই। আৰ ডিল নাকবি এবাকাবগাই আদেশ
কৰ আমি নৰকেত্ত মুক্তি অইক।

যম— (দণ্ডগো ধৰিয়া) আজিত মোৰ হুকুমে নৰকৰ
মানুহাবি পাপেত্ত মুক্তি পেইলা— তুমি মুক্ত।

ব্ৰহ্মা— মি ব্ৰহ্মা আদেশ কৰোবি মুক্তি পেইলা আয়া
হাবি মৰ্ত্যালোকে নাঙ কৰা বংশত জবম অকা—
(বাজানা)

আৰ্য্যা— যম, এবাকাতে মৰ্ত্যৰ মানু কয় কবিয়া সমতা
বক্ষা কৰানি লাগতৈ। উহানেত্তে মৰ্ত্যালোকে অতি-
সত্ত্বৰ, মড়কী, নানান ব্যাধি, বৈচাল, যুদ্ধ এতাকি-
তালো মানুমাৰিয়া হুদালা অইতৈ। নৰকগি বুজানি
লাগতৈ— কিয়া বুজে নৰক কোন অবস্থাতেই থালি
থনা থকনেই। নাইলে আমাৰ বাজনীতি বাবো
লাহুলে যিতৈগা।

যম— আৰ ডিল নেই মৰ্ত্যৰমানু কয়কৰতো ডব নেই।
আৰ্য্যা— এবাকাতে হাবিহানে মাত— জয় ব্ৰহ্মা, জয়
যম,—

হাবিহান— (উবা অয়া) জয় ব্ৰহ্মা, জয় যম, জয় ব্ৰহ্মা,
জয় যম। মৰ্ত্যাহান তকদকাৰ কৰিকগা।
(পদ্ম'হান পড়িল)

সমাপ্ত

1940-1941

1941-1942

1942-1943

1943-1944

1944-1945

1945-1946

1946-1947

1947-1948

1948-1949

1949-1950

1950-1951

1951-1952

1952-1953

1953-1954

1954-1955

1955-1956

1956-1957

1957-1958

1958-1959

নিৰাণদ প্ৰসৱৰ বাবে

গৰ্ভাবস্থাত, প্ৰসৱৰ সময়ত আৰু প্ৰসবোত্তৰ কালত, চৰকাৰী চিকিৎসানুষ্ঠানৰ সহায় লওক।
চৰকাৰী চিকিৎসানুষ্ঠান সমূহত গৰ্ভৱতীয়ে প্ৰসৱপূৰ্বক, প্ৰসৱকালীন আৰু প্ৰসবোত্তৰ
সেৱাসমূহ বিনামূলীয়াকৈ আশ্বস্তোৱা হয়।

গ্ৰাম্যায়ত প্ৰশিক্ষণপ্ৰাপ্ত ধাইৰ আৰু স্বাস্থ্যকৰ্মীয়ে স্বাস্থ্য উপকেন্দ্ৰৰ যোগেদি গ্ৰেণে
সেৱা আশ্বস্তায়।

মনত ৰাখিব

হস্পিটেলত কিম্বা—ধাইৰ সাহায্যত ঘৰতে প্ৰসৱ কৰোৱাটো মাক কেচুৰাৰ সুৰক্ষাৰ
বাবে অতি প্ৰয়োজনীয় কথা।

অসম চৰকাৰৰ স্বাস্থ্যসেৱা সঞ্চালক (জনসংযোগৰ দ্বাৰা প্ৰচাৰিত।)

আপুনি আপোনাৰ বাজাখন চাইছেনে ?

আপুনি দেখা বহুঠাইতকৈও আকৰ্ষণীয় ঠাই আছে
হয়তো সেইকথা জনাব পাছতো আপুনি কলৈকো ওলাই যাব পৰা
নাই। তেনেহলে শীতৰ ফৰকাল বতৰ আৰু উমাল বদ'ত আবিষ্কাৰ
কৰক এই মোহনীয় বাজাৰ আকৰ্ষণীয় ঠাই। তাৰ অনুপম
সৌন্দৰ্য্য বাশিয়ে আজিও আপোনাক হাতবাউলি মাতে। কাজিৰঙা
ৰাষ্ট্ৰীয় উদ্যানৰ বনৰীয়া জীৱ-জন্তু, শিৱসাগৰৰ প্ৰাচীন কীৰ্তি-
চিহ্ন, চান্দডুৰি আৰু ভালুকপুঙৰ নৈসৰ্গিক শোভা; হাজো,
মদন কামদেৱৰ অতুলনীয় সম্পদ অথবা চিলঙলৈ সহজ ভ্ৰমণ।

বিতং তথাৰ বাবে যোগাযোগ কৰক—

পৰিচালক সঞ্চালক

অসম ৰাজ্যিক গৰ্হাটন উন্নয়ন নিগম

ষ্টেচন ৰোড, গুৱাহাটী—৭৮১০০১